

111
SCHEDIASMA. POLEMICUM.
EXPENDENS. QUÆSTIONEM.

AN.

DENTUR. SPECTRA.
MAGI. ET. SAGÆ.

UNA. CUM.

RECENSIONE. HISTORICA.

PLURIMARUM. HAC. DE RE.
OPINIONUM.


Bibliotheca Sect. Auctore. Coll. No 712 Sect. 194
AUCTORE.

CAROLO. FRIDERICO. ROMANO.

LIPSIAE.

APUD. THOMAM. FRITSCH.

M DCC III.



OMNIBUS.
BONIS.
SACRUM.

f 1-88.



§. 1.



N rebus a communi hominum sensu paulisper remotis, & quarum veritas ex obvia cuique experientia non statim percipitur, dubium semper & in utramque partem anceps vulgi juxta Doctoremque consuevit esse Judicium. Prout enim quisque Ingenii acumine, judicandi prudentia, proprio rerum usu præstitit, & liber a præjudicatis persuasionibus, tum etiam levitate rejiciendi quæcunque, stultæ

Difficile est, de rebus abditis, qualis est existentia spectrorum, judicare.

credulitatis prætextu, aut secus animo compositus fuit, vel rectum de re non omnium conspectui exposita formavit Judicium, vel omnia temere approbavit, vel præcipiti lapsu tanquam cum errore conjuncta, & ex Plebis stupore profecta, universim damnavit. Nullum fortassis unquam evidentius in ejusmodi Argumento exemplum extitit, quam Doctrina de Existentia Spectrorum. De qua tam variaz sunt hominum sententiaz, nostræ imprimis tempore, aliis hoc, aliis istud statuentibus, ut, quid tuto amplectendum, quidve rejiciendum sit, ne Veritati vis inferatur, non minus hodie quam olim disceptetur. Quam in rem §. fin. hujus schediastmatis longo ordine diversas diversorum Autorum sententias de Spectris demonumque operationibus commemorabit.

§. 2. Non inutilem proinde Operam nos impendisse existimabimus, si quid circa Spectrorum doctrinam statuendum, ac inde justum sit recto rationis ductu, a nobis explicetur, ne in dubium vocemus ea, quæ negari nequeunt, vel amplectamur ejusmodi opiniones, quibus ratio & sanus sensus contradicunt. Frustra vero de rei effectu aut operationibus disputabitur, nisi rem existere, prius doceatur. Contra si Veritas, quantum fieri potest, solide demonstretur, falso de hac concepta opinio Hominum facilius emendabitur.

Utiliter tamē de illa disputatur.

§. 3. Ut recto justoque ordine procedamus in proposita quaestio

A

ne

quid res sit? ne de Spectris, definiemus primum, quid intelligatur per Spectra, & deinceps probabimus Spectrorum Existentiam. Apud alios, & quidem veteres Philosophos, solet quaestio, quid res sit? quaestioni, an sit? postponi. Verum Recentiores recte ostenderunt, quaeri plane non posse, an res existat, nisi prius aliquo modo constet, quid sit, de quo quaeratur, alioquin enim de re prorsus ignota absurde interrogaretur.

Definitio Spectrorum. §. 4. Intelligimus igitur per *Spectra, Apparitiones & Territiones* Diaboli externas, quibus corpus, aut aliud quid in sensus incurrens sibi assumit, ut Homines, animalia, aut alias res quasunque infestet.

Non disputamus cum Adamonistis, sed cum negantibus operationes in corpore. §. 5. Nihil opinor necesse esse hoc loco, ut Diabolum existere probemus. Nobis enim in praesenti non intercedit Disputatio cum Adamonistis, qui nullum existere contendunt diabolum. Nam illos si impugnaremus, id demonstrare nostrarum foret partium. Verum adversa pars, quae nunc producemus in aciem, partim largitur nobis, diabolum existere, partim ipsum etiam operari in improbis invisibiliter & intrinsece; sed negat, diabolum existentem assumere posse corpus, & proinde neque Spectra, externa sub specie apparentia, excitare posse. Hinc merito labori parcemus, forte tamen non ingratum fuerit cognitu, quod *Dn. Balduinus* de malis spiritibus naturae Testimonio demonstrandis, *Cas. Consc. l. 3. c. 2. qu. 1. p. 571.* allegavit.

Spectrorum nomen vulgo in malam partem accipitur. §. 6. Porro Spectrorum Nomen, in sensu celebriori ex Ulu loquendi, semper fere apud scriptores in malam partem accipi solet, ut per illud notentur Operationes malorum daemonum externae. Nam si quando Spiritus bonus se alicui videndum exhibuit, id quod Adversarii non impugnant penitus, haud obtinet loquendi mos, ut denominatio Spectrorum usurpetur. Verum appellatur ejusmodi quid vulgo Visio aut Apparitio, scilicet Spiritus boni. Hoc bene jam ante nos observavit *Beckerus*, in mündo fascin. l. 2. c. 32. §. 1. p. 226. & *Cornel. Gemma de div. charact. l. 1. p. 25.* Proinde facile intelligitur, quando in definitione §. 4. Spectra a nobis definiuntur, quod denominatio ista ex usu loquendi restringenda sit, ita, ut denotetur per illa Apparitio aut Operatio externa mali cujusdam Spiritus.

Si diabolus potest operari in corpore, & illud assumere, dantur spectra in materiam aut corpus. §. 7. Atque cum in definitione allegati §. 4. dictum sit, quod Spectra sint Apparitiones aut Operationes externae, quibus corpus aut speciem aliquam Diabolus sibi assumit, ne quis de veritate definitionis dubitet, ostendendum nobis est, quod *Spiritus malus, aut diabolus, operari possit in materiam aut corpus.* Qua quaestione prajudiciali decisa, sponte consequetur.

sequetur, quod diabolus possit assumere corpus, non quidem illud generando ex sua Essentia, nec creando seu producendo ex nihilo, sed condensando ex Elementis, aut animando, quia in illud operari potest, & quod idcirco Spectra dentur, uti infra utrumque demonstrabitur.

S. 8. Antequam autem ad firmandam sententiam nostram accedamus, necesse est, videamus, quibus argumentis a Viris Eruditis defensa & constabilita sit sententia negans. Quod si enim a doctissimis Hominibus nihil solidi asserri potuit, quo Operatio in corpus diabolo aut spiritui malo denegetur, profecto, licet nostram Thesin, quod tamen inferius faciemus, probare non possemus, probabilitatem saltem sententiæ affirmanti hoc ipso conciliabimus, quod omnibus ingenii nervis intentis, nullum argumentum inveniri potuerit, quo firmiter pars adversa niti queat. Suscipimus vero Tractationem hanc Veritatis & rei dignitatis causa, quod studium in nemine reprehendi jure, aut deteriore in partem accipi debet. Quemadmodum enim, qui non accurate semper philosophatur, non statim Atheismi permiciosi principia in publicum emitte dicendus est; sic qui in alterius sententia, gravioribus Argumentis permotus, aliquid dissiderat, minime omnium malitiosi animi aut obrektionis accusandus est, si quidem rationibus solidioribus veriora aut meliora docere conetur.

S. 9. Ut alios omittamus, nemo nostra ætate majori opera evertere De Balib. Beckero, & allaboravit Operationes dæmonum sive Spirituum malorum in corpora animosque, quam Balib. Beckerus, cujus consequens erat, ut insimul Pacta quod Autor Diss. diabolica, Magicas artes, Incantationes dæmoniæ & Spectra negaret. d. Crim. Vid. ipsius Liber die besauberte Welt/ inprimis L. 2. c. 10. L. 2. c. 32. L. 3. c. 2. Mag. ipsum & qui Historiarum veritatem de Spectris & Operationibus diabolicis refutabat Liber 4. totus. Antagonistæ ejus, caractere Batavo, bene multi cum Polemici, tum Historici recensentur in Boeck Zaal van Europe, Anno 1692. p. 34. § 2. 103. 123. 131. 156. qui ibidem videri possunt, & sunt præterea post Melchiorum Leydeckerum, Petr. Poiretum, Jo. a Marck, B. Falckium, Joseph. Glanzwill, in vernacula Pfeifferus, Winklerus, Beerens, Goldsmid, Zobelius aliique, qui hoc nomine quoque innouerunt. In compendio autem argumenta negantium Operationes dæmonum in corpus proposuisse videtur Autor Dissertationis de Crimine Magia, sic, ut Disputatio hæc Operis Beckeriani de mundo fascinato, in præcipuo Instituto de Operatione diaboli in corpora, (quam si non iisdem, idem tamen, significantibus verbis negat, & negare cogitur, quousque negat assumi a diabolo corpus posse, & pactum ab eo cum hominibus iactari, & quæ hujus

consequentia sunt, de Pactis &c. quasi Breviarium, quantum ad rem præsentem, dici mereatur. Nonnulla enim in ea tantum indicantur, quæ in nominato Beckeri Libro uberius & latissime deducuntur, v. g. quæ in prædicta *disp. §. 37. ad fin.* de Orig. Crim. Magiæ recensentur, si excipiantur nonnulla Historica, Philosophica, & quæ ortum Processus cum Magis in Judiciis explicant, integro *Libr. I* conferendo *Libro IV. c. 24* a Beckero tractantur. De Spectro Endorco, Samuelis personam referente, agitur *Libro III. der bezauberten Welt/c. 6. §. 11. seqq.* de tentatione Christi apud Matthæum *Libr. II. c. 21.* de prohibitione Magiæ, quæ in disputatione per Vencicium bürdy Gistmischen explicatur, *Libr. III. c. 8. §. 2. seqq.* de Serpente in Paradiso, an diabolus fuerit? de quo alibi fit mentio a cit. Aut. *Libr. II. c. 20.* Cujus quidem laboris finis, cum eo pertinere videatur, ut Veritas a præjudicatis seculorum opinionibus & vulgi corruptelis in argumento magni momenti vindicetur, operæ pretium facturi videmur, si in soliditatem horum Argumentorum inquiramus.

*Quod bu-
jus excusa-
tio insem-
peristica sit,
& aliqua
incommoda
ab ipso di-
cta.*

§. 10. Præmittitur in thesibus Inauguralibus §. 1. Excusatio plus quo modesta, quod ob præjudicium Autoritatis, imbecillitatem ingenii, errorum occurrentium copiam, & temporis, quod elaborationi destinatum erat, brevitatem, nec applausus plurimorum expectari, neque dignum aliquid approbatione publica, vel assensu etiam paucorum veritatem sincere inquirentium proferri possit. Nam si quando res solide demonstratur, Philosophi non est, suspicionem imperfectionis excitare Lectori excusatione, adeoque aut intempestiva est, aut talis, quæ defectum & dissidentiam arguit. Enimvero spes erat erudito Orbi, postquam semel Labori huic manus admoveri cœpta erat, quo tot innocentium hominum periculum arceri potest, ipso monente Autore statim initio disputationis, & toti generi humano interest, ut a stultissima superstitione liberetur, fore, ut exquisitissimo studio, licet breviter, omnia tractarentur. Alioquin metuendum, erat, ne plus damni, quam emolumenti, tractatio superficialia & imperfecta generi humano afferret. Tumultuaria enim & festinans opera in argumento tanti momenti efficit, ut nec pauci veritatis sincere amantes in re ex dimidio & imperfecte tantum, si cum solida veritate comparetur, pertractata acquiescere possint, etiam si velint; pertinaces autem & præjudiciis occupati in errore inveterato confirmantur, ut putent, sententiam suam, licet falsam & absurdam, a nemine, ne doctissimo quidem, refutari solide posse, inprimis cum animadvertant, multa ibidem exprimi, quæ neque Theologi cordatiores, neque prudentiores Philosophi admittere solent,

v. g.

v. g. cum dicitur §. 2. Papismus totum esse fabulam ex Gentilismo & Judaismo conflatam. Nicodemus quidem *Friseblinus* demonstrare voluit, totum fere Papatum, cum omnibus ceremoniis suis ex Virgilio extitisse, in Orat. quæ Tubingæ est habita, de Præstantia ac dignitate *Æneid. pag. 16.* Quantum autem memini, nunquam tam crude loqui amant veritatis celestis gnari. Fatendum potius, in ipso Papismo existore, & extitisse nonnulla optima, & doctrinas illas, quas ex Papismo accepimus, non penitus fuisse apud Papistas falsas, sed admixto fermento & erroribus valde corruptas & obscuratas. Alioquin non emendandæ hæc doctrinæ, sed penitus rejiciendæ fuissent a nostræ Religionis Repurgatoribus. Quodsi ergo (ut Argumenti nostri rationem habeamus,) Papismus abusus est ad perniciem Innocentium & suæ utilitatis lucrum Processu contra Magos & Læmias; incommode tamen dicitur, imo plane probari nequit, operationes diaboli in Papatu, & Magiam ibidem accusatam, totam esse fabulam & pro nihilo habendam. Separandus enim est Ulsus ab Abusu, & Verum ab admixto Falso.

§. II. Admiserunt etiam in disputatione multa, quæ nescio, an Auctori ipsimet probari queant. Leve illud est, quod §. 4. dicitur, Cautionem criminalem, sive de Processibus contra sagas Librum, ante septennium editam esse, nisi forte Editionem, si quæ est, recusam, (à quo tamen significatu vox edita differt,) indigitare vult. Liber enim iste, uti nostra habet Editio, jam altera vice, Anno 1632. Francof. sumptibus Joh. Gronæi in 8vo prodiiit, quod ipsum in præfatione collectionis unterschiedener *Schriften von Unfug des Heren-proceß, Autorem, simulque Disputationis de crimine Magiæ, latere videtur. Meminit enim Gronæus in præf. huic secundæ Editioni præfixa, primam Editionem, Nundinis antecedentibus, præhabita Approbatione Fac. Jur. Rintelenis, ab Academico Typographo Petro Lucio esse vulgatam, & exemplaria primæ Editionis adeo subito intra paucos menses distracta esse, ut nullum amplius haberi potuerit quantocunque pretio. Nec illud urgebitur magnopere, ipsum hunc Cautionis Criminalis Autorem, licet plurima tradat, quæ circumspexam curam in Processibus contra sagas magistratibus suadent, quod faciendum esse nemo pius aut prudens negabit; dubio tamen VI p. 12 afferre rationes, quibus probet, bene facere Principes Germaniæ, cum in crimen sagarum procedant, & dubio XII p. 58 probare iterum, non opus esse, ut ab Inquisitione contra sagas cessandum sit, si Processus cante & circumspecte juxta præscriptum Legis & prudentes rationes instituantur. Ut*

*Ejundem
inconfide-
rate dicta
de cautione
Criminali.*

proinde valde dubitari possit, an Liber hic laudem *que §. 4. in f.* ab Aut. Disp. de Crim. Mag. ipsi tribuitur, mereatur, quod scilicet sic omne tulerit punctum, ut nemo amplius de iniquitate Processus contra sagas dubitare, & nemo ipsum absque insigni & eminenti honoris sui latione refutare possit. Dissentire enim hic Auctor ab ipso Dissertationis Celeberrimo Præside, & refutari à se videtur, utpote qui suadet, nullum processum contra sagas esse instituendum, in §. 56, qui ultimus est dissertationis de Crimine Magiz, contra quos facit Autor Cautionis Criminalis, d. dub. VI. XII Resp. 1 j. §. 24. Sched. præf.

*Idem falso
dicit, Be-
ckerum ne-
gare exi-
stentiam
Diaboli.*

§. 12. Sed graviora sunt, & quæ Lectorem magis offendere aut diffidentem reddere possunt, uti, quod §. 8. dicitur, Beckerus diabolum negat, & §. 3. & 6. Beckerus prope ipsam Diaboli substantiam aperte negavit, §. 6. Beckerus diabolum, aut certe ejus Efficaciam ullam in Homines negavit. Et hanc ob rationem conceditur §. 6, quod Beckerus, & qui cum ipso faciunt, recte Adæmonistæ, male autem & per injuriam Atheistæ dicendi sint. Imo vero utrumque cum injuria conjunctum est. Nostra quidem nihil refert, istos homines defendi, si tamen dicendum id, quod res est, vel leviter titulos capitum Libri Beckeriani insipienti patere potest, admittere Beckerum diabolum, & quod secundum substantiam suam existat. Atque habet Lector fortasse, quod miretur non nihil, ab Auctore disputationis, qui hoc officium veritati & Beckero præstare debuisset, id factum non fuisse. Nam Beckerus, mundi fascinati *Libr. 2* expresse probat, Scripturam diserte testari de existentia spirituum; Titulus *c. 8. Libr. 2.* hic est: *Was die Schrift betrifft / die giebet uns von der Art und dem Ursprung der Engel nicht viel Nachricht.* Capituli autem IX. lemma est: *Von dem Herkommen und Zustande der bösen Geister giebet sie wenigen und dennoch deutlichen Bericht.* Et §. 1. post adducta Testimonia lapsorum Angelorum dicit: *Mit diesen zweyen Zeugnissen des hErrn Jesu selbst / und seines liebsten Apostels / die klar und deutlich reden, daß der Teuffel von dem Stande / darinnen er von Gott geschaffen war / abgefallen sey / gebühret uns zu frieden zu seyn / ob auch schon nichts darbey kommet. Allein es giebet der hErr noch von dieser Seiten zu erkennen / daß eine Menge der Engel / mit diesem einem / den er den Teuffel nennet / gefallen sey 2c.* Libro autem *II. c. 20. §. 26.* ubi de lapsu parentum d. quirit, ait: *Gewiß ist der Fall derer Menschen von dem Teuffel / ungewiß / wie der Teuffel den zu wege gebracht.* Non est cur plura loca cumulemus, quod Beckerus diabolorum existentiam non neget, quoniam præter loca citata hoc cuique ex mediocri Libri inspectione facile constare potest. §. 13.

§. 13. Ex hoc autem, quod inauguralis dissertationis Autor sibi illud falso persuasit, Beckerum negare existentiam diabolorum, duo incommo-
 da observare licet in sæpe commemorata disputatione. *Primo*, quod non ^{Beckero} accurate potuerit dissensum suum à Beckero explicare, aut illum perpe-
 ram, & ex parte tantum, dum voluit explicare, expresserit. *Secundo*, ^{quoad exi-} quod statum Controversiæ itidem intricate admodum evolvat, nec satis ^{stentiam} dilucide proponere possit. *Præ* patet, nam *α*) dicit Autor dissert. § 6 ^{Diaboli} operationem in cor-
 & 7. se dissentire à Beckero, qui diabolum existere neget, hinc consequens ^{pus liquido} quoque ipse esse, ut pactum cum diabolo neget, quia non Entis (diabo-
 li scil. non existentis) nulla sint prædicata, (scil. pactum.) Sed monstratum ^{docere non} potuit.
 est §. præcedente, Beckerum admittere & ex Scriptura probare, dari diabolum, Ergo quoad existentiam diaboli nullus est dissensus inter Becke-
 rum & ipsum. Hinc si quis colligi potest dissensus, totus is erit de pacto, quale sit, quomodo fiat &c. Sed talia pacta, uti Beckerus, dari negat, *Disp.* § 6, & sic iterum nullus est dissensus. *β*) Si de operationibus diaboli in corpus est quæstio, eas negat Beckerus, & negat Auctor dissertationis. Nam si has concesserint, cogentur in victa consecutione ambo concedere, diabolum posse assumere corpus, uti supra est deductum. Itaque ne heic quidem dissensus inter ipsum & Beckerum deprehendi potest. Quod si autem operationes diaboli in animam *solum* intelligit Vir Celeberrimus, & in eo dissentire à Beckero voluit, illud distinctius proponendum erat, dum status controversiæ formabatur, quod tamen facere neglexit. In quo igitur dissentiunt? Hoc explicatum non est contra officium accurati disputatoris; Lector ergo in suspensio relinquitur, in quo solum & præcipue dissentiat a Beckero. *Posterius*; quod scilicet status controversiæ accurate non potuerit formari, manifestum est ex priori. Nam dum sibi falso persuasit Vir Celeberrimus, Beckerum negare existentiam diaboli, totam controversiam & rem, de qua quæritur, sic expressit § 6. *Arbitramur diabolum ab extra, intrinsece tamen & invisibiliter, operari in hominibus improbis, sed negamus, dari sagas & Magos pactâ cum diabolo ineuntes, quin potius putamus, hanc fabulam ex Gentilismo & Papismo confluatam esse.* Hæc vero 1) obscura sunt, 2) sibi contradicunt, aut minimum non cohererent. 1) Obscura sunt, quia multo clarius voces: ab extra & intrinsece, debuissent exprimi, si sensum ipsis clariorem & qui ab omnibus facile capi potest, inesse oportet, fortassis hunc in modum: Diabolus, in ipsa quidem anima, aut intra cogitationes hominis, operatur suggesti-
 nibus spiritualibus, sed tanquam Ens, non ad essentiam animæ pertinens,

verum

verum exterius accedens, attamen animæ se insinuans. 2) Sibi contradicunt, aut saltem non coherent. Nam ad pactum nihil requiritur, quam consensus plenus & deliberatus inter contrahentes sibi invicem notos super re in contractum deducta. Si ergo homo consentit in operationes diaboli venientis ab extra, ut stylo Auctoris utamur, & ipsum admittit intra se seu intrinsicè, quod conceditur, eo ipso pactum tanquam cum amico sibi noto init. Quod enim homines ad pacta voce aut signis opus habent, illud fit, quia cogitata sua alias intelligere nequeunt. Quod si illud fieri posset, quemadmodum cum spiritu, infinita pacta sine signis externis contraherentur, imo oculis & gestibus absque loquela non infrequenter etiam ab hominibus contrahuntur, inprimis ubi colloquendi non datur copia, ipsi autem consentientes, vel ex oculorum nutu, vel alio quodam indicio se intelligunt. Nec sequitur, uti Burignonia in loco infra citato collegit, maximam partem hominum hac ratione paciscentem cum diabolo constitui. Namque ut pactum cum Diabolo initum rite cognoscatur, accurate distinguendæ sunt operationes & suggestiones Diaboli ab operationibus & suggestionibus carnis & passionum naturalium corruptarum. Qui in priores consentit scienter & deliberato, pactum init cum ipso, tanquam cum amico, non item qui posteriores exequitur. Plurimi tamen has operationes confundunt, ex quo consequitur penes multos, ut, quid certo statuendum sit, ambigant.

*Pactum
diabolicum
male negatur,
& utilius
disputari
possent,
an delictum
pure
spirituale
corporaliter
punien-
dum sit?*

§. 14. Recte igitur dicimus, male statum controversiæ formatum fuisse. Nam si de operationibus diaboli sermo est, debebat clare exprimi, an de operationibus intrinsicis ille esset. Operationes autem intrinsicæ à Viro Celeberrimo, & à plerisque conceduntur. Hinc nulla de his est quæstio. Si de operationibus extrinsicis præcipue in corpus sermo est, tunc quidem dissensus est, sed hoc nihil ad rem & quæstionem facit, quoniam ad pacta cum diabolo ineunda extrinsicæ operationes, v. g. voces, gestus, sermo, figura &c. non sunt essentialiter necessaria, quia spiritus diabolus, & spiritus anima lamæ, se possunt intelligere, & conceptus & motus sibi invicem certos communicare, licet externa signa non accesserint; Ergo possunt inter se pacta Magi & Lamæ cum Satana inire absque operationibus externis. Quocunque res vertatur, nihil solidi à Viro Celeberrimo pro excusandis aut defendendis Lamis, aut evertendis pactis diabolicis cum ipsis, afferetur aut efficietur, quoniam anima cum spiritu malo pactum inire potest, licet diabolus non assumat corpus. Spiritus enim cum Spiritu, qualis est anima, agere mente aut cogitatione

tione sola possunt. Quod quidem ipse statuere videtur *Vir Celeberr. in dissert. ad Poiret. §. 31.* eos nempe; qui ex Philosophia Pythagorica aut Platonica spiritus credunt, pronos esse ad pacta cum diabolo inculda, eademque iniisse. Cum vero in *diss. d. Crim. Mag.* negetur, Diabolum assumere posse corpus, & forma Monachi aut alterius comparere, evidens est, ipsum hujus Autorem statuere quoque, pactum sola mente & intra animum contrahi posse cum Diabolo. Quo etiam pertinere videtur, quod in *diss. d. Crim. Mag. §. 12.* Crimen Magiæ definitur, quo quis cum diabolo; sæpe in corporali specie hominis, bestię aut monstri comparente pactum init. Adeoque significatur per vocem sæpe, quod etiam pactum cum diabolo forma externa non comparente iniri queat. Quæ cum adeo obscure, ut leviter dicam, posita sint, arbitramur Viri Celeberrimi primum institutum fuisse, ostendere, per plurimos hominibus in Processu contra sagas factam fuisse injuriam. In quo nullos habuisset repugnantes, & pie fecisset, si in eo substitisset dissertatio. Imo forte felicius successisset, si quæstio, quæ a Virō Celeberrimo in *dissert. ad Poiretum §. 31.* obiter saltem tangitur, esset proposita: an delictum pure spirituale in Deum, uti pactum cum diabolo, quo hominibus non nocetur, poena corporali jure possit affici? adeoque, licet Magia & pacta diabolica concedantur, disquiri satis tempestive & salubriter adhuc potuisset, an acri hoc remedio, Processu scil. contra sagas, extirpari hoc malum deberet? Quod cautio criminalis dubio 7. p. 14 non prorsus sine ratione negat. Idem *Wierus l. 6 c. 24 p. 662.* contendit. Et huc quadrasset satis apposite Instantia, ex §. 17. *Diss. & Programme Germanico*, de filia sacerdotis scortante, quæ exurenda olim quidem erat, cum hodie rigor hic cessaverit. Si hoc modo status quæstionis fuisset formatus, & clara essent omnia, & minori cum difficultate, majore etiam forte cum fructu, conjuncta. Jam vero magnæ se offerunt difficultates, quæ plurimorum etiam veritatem sincere quærentium assensum impediunt.

§. 15. Nam quod §. 7. dicitur, non esse possibile, ut aselectæ *Auctor Diss.* Philosophiæ corpuscularis & mechanice modo intelligant, quid ipsimet *dissertationis* dicant, serio a Beckero dissentire possint; se autem, qui Philosophiam *difficilius,* antiquissimam spirituales sequeretur, rem aliter comprehendere, illud *quam Cartesiani. Beckero scilicet.* maximis difficultatibus impeditum est, quod satis manifeste apparet ex *facere potest.* definitione istorum spirituum, quos Vir Celeberrimus in scripto quodam, quod nomen præ se fert Confessionis doctrinæ suæ, §. 174. hunc in modum definit: *Spiritus iste, nempe mundi, aque ac Spiritus reliquorum cor-*

B

porum,

porum, immaterialis est, participat tamen de attractu materiae, & gaudium ac dolorem sentit, dependet intuitu operationum a mutationibus materiae in corpore humano, adhaeret quasi aliis corporibus terrenis, nec sine illis amonere suam cum corpore humano continuare potest. In Tractatu autem Germanico, qui Versuch vom Wesen des Geistes inscribitur, c. 4. §. 56. p. 70. hanc spiritus hujus definitionem proponit: Der Geist ist eine Krafft/ das ist/ ein Ding/ welches ohne Zuthun der Materie bestehen kan/ in welchem alle materialische Dinge bewegt werden/ und welches auch diesen die Bewegung giebet/ sie ausspannet/ vereiniget/ zusammendrücket/ anziehet/ vort sich stößet/ erleuchtet/ erwärmet/ kältet/ durchdringet/ und ihr die gehörige Gestalt giebet; cui addi potest §. 26. p. 62. & c. 7. §. 14. p. 134. & sincerus veritatis indagator contra Dn. Hoffmannum anth. 16. 23. & 24. Jam vero ex hac definitione patet: 1) Spiritum hunc immaterialem operari in materiam. Atqui hoc est, quod Philosophia corpuscularis sectatores & Cartesiani quaerunt, quomodo id fieri, & Spiritus de attractu materiae participare possit. In definitionibus allatis hujus rei nulla affertur causa aut probabilis ratio, quod tamen, quomodo scilicet id fieri possit, explicare conantur Cartesiani. Quare si ab ipsis hoc non mutuetur, sed negetur, negandum quoque erit, Spiritum hunc immaterialem operari posse in materiam; aut, si non negetur, (quod tamen necessarium esse dicit celeberrimus Autor, dum §. 7. superius allegati mens eo tendit, possibile non esse, ut a sectae Philosophiae Corpuscularis & Mechanicae serio a Beckeri principiis & conclusionibus dissentiant, nullam aliam, uti videtur, ob causam, quam quod modum operationum Spiritus in materiam isti aperire non valeant,) obscurissima & incertissima cuncta, prout antea, manebunt, nisi in una voce Spiritus omnia explicata credere velimus, quod Philosophorum nemo concedere potest. 2) Si Spiritus hic aequae ac reliquorum corporum immaterialis est, gaudium & dolorem sentit, sequetur, omnibus corporibus, quibus hic Spiritus inest, sensum inesse, quod Campanella statuit, & secundum Buddaem in Philosophia instrumentali c. 1. §. 14. p. 80. in eorum partes tendit, qui animam mundi asseruerunt; vel etiam sequetur, cognitionem & appetitum plantis & corporibus inanimatis concedendum esse, quod etiam statuere videtur Vir celeberrimus, qui in Versuch etc. c. 7. th. 26. p. 150. non modo aëri tres animae sensitivae facultates, sentire loco moveri, desiderare, tribuit, verum etiam p. 152. d. 27. c. 7. & in scripto contra Dn. Hoffmannum anth. 38. & 40. Spiritui mundi universali intellectum & voluntatem adscribit. Sed contra hos Job. Claubergius

bergius *Op. Phil. p. 157.* disputat, & satis ostendit, ipsos, qui dicant, explicare non posse, & talibus involvi difficultatibus, unde se extricare nequeant. Nam 3) quomodo hi Spiritus quasi adhaereant aliis corporibus terrenis, & sine illis unionem suam cum corpore humano continuare non possint, intelligi nondum potest. Hoc enim si ita est, Spiritusque, qui dependent intuitu Operationum a mutationibus materiae in corpore, uti definitio loquitur, dicendum potius esse videtur, istos Spiritus esse materiales. Quia nondum adhuc ostensum est, quod ens immateriale nobilissimum dependentiam consequatur a mutatione materiae. Liqueat autem e contrario, unam materiam ab altera dependere posse. Quod etiam monuit Eruditus Autor, licet in Programme quodam Germanico non admodum magno habitus, in den kurzen Aumerkungen über den Versuch vom Wesen des Geistes / p. 16. §. 36. c. 4. Denique 4) ex eo, quod Vir Celeberrimus im Versuch 1c. p. 78. §. 13. c. 5 statuit, pulsionem aut pressionem esse non posse, nisi extremitates unius rei extremitates alterius tangerent, concludi potest, Spiritum aut operari non posse in materiam; aut, si operetur in eandem, ipsum esse materiale. Nam recte ex hac hypothese colligitur hunc in modum: *Nulla pulso aut pressio fieri potest, nisi duo extremitates sese mutuo attingant*; hæc Propositio est Viri Celeberrimi l. c. sed *Spiritus nullam habent extremitatem*, sunt enim immateriales; velle autem extremitates comminisci, ubi nulla est materia, tam absolum est, quam putare longitudinem & latitudinem, revera extra conceptum rationis existentem, esse posse sine crassitie aut profunditate. Quod licet Vir Celeberrimus statuere videatur im Versuch 1c. c. 4. §. 17. p. 97. res tamen talis est, quam nemo comprehendere potest, nisi fingendo. Hinc ergo sequitur, quod *Spiritus isti nullam materiam premere, pellere aut movere possint*. Utraque præmissarum ex hypothese Viri Celeberrimi desumpta est, ac proinde, vi ipsius hypotheseos, Spiritus non operari poterunt in materiam, aut, si operentur & premant, aut propellant materiam, habebunt extremitates, adeoque erunt materiales, quod tamen non vult admittere. Accedit, quod c. 7. §. 22. p. 137. dicatur, Spiritus essentiam cognosci non posse, quia Spiritus sit invisibilis, & crassos sensus aut sensualitatem hominis sine materia immediate non tangat. In Germanico contextu legitur: *Weiß der Geist unsichtbar ist/und die grebe Sinnlichkeit des Menschen ohne Materie unmittelbar nicht berührt* 1c. Itaque Inter Spiritus hos immateriales intercedet adhuc materia, quæ, qualis sit, an sit, & utrum Spiritus immaterialis in eam operari possit, iterum quaeretur? Ex quibus sua sponte patet,

tet, quam fluctuantes sint Philosophiæ Fluddio-Coménianæ, vel potius antiquissimæ spiritualis Mosaicæ, sectatorum opiniones, atque adeo non est, cur Cartesianis aliquid ex his opponant, qui præterea fortassis habent, quod Beckero neganti operationem cogitationum in materiam respondeant, prout infra alio modo videbimus. *Leg. Ant. le Grand in Inst. Phil. p. 3. art. 5. p. 137.* ed. Lond. 1675. *Lyd. de la Force* de mente humana c. 13. & 16. *Clauberg.* in tr. de corporis & animæ conjunctione, in Op. ejus Phil. anno 1691. p. 209. Amstelodami editis extante, c. 9. 10. 20. 25. cujus titulus est, aliam esse conjunctionem non mutuat, quam mens divina & angelica corpori necatur. Annon vero Celeberr. Præses præterea quoque ex *Henr. Moro* multas de Spiritu doctrinas suas petierit, alii ex subsequentiis judicent. Scilicet laudatus modo *Morus*, in *Appendice antidoti adversus Atheismum*, Op. T. II. c. 3. p. 150. ait: Spiritum creatum definiri ab absolutis illis Potentiis se contrahendi, dilatandi, atque ab istis relativis facultatibus penetrandi, movendi, alterandi materiam. In *Præf. generali Tomi II. p. 8.* dicit: Spiritum naturæ, h. e. substantiam incorpoream, quæ se generalioribus mundi Phænomenis producendis intermiscet, credo me tam evidentem demonstrasse, ut nihil in universa Philosophia evidentius possit demonstrari. Definit autem Spiritum Naturæ c. 12. *de Immort. anima*, Op. Tom. 2. p. 430. Spiritus Naturæ est substantia incorporea, sensus ac animadversionis expers, materiam universam totam persuadens, & vim plasticam in eam exercens, pro variis præparationibus occasionibusque partium earum, in quas agit, item ea excitans Phænomena in mundo, partes materiæ earumque motum dirigendo, quæ in potentias mechanicas solas resolvī nequeunt.

*Hallucina-
tio ab eo
in recen-
senda Go-
delmanni
& Male-
branchii
sententia
commissa!*

§. 16. Quædam etiam de *Godelmanni* & *Malebranchii* sententia monenda sunt. Docetur §. 6. *disput. Godelmannum concedere pactum Magorum, negare autem pactum Lamiarum.* Conferenti vero cum attentione Godelmannum, hoc falsum esse deprehenditur. Duo enim agit Godelmannus: 1) ostendit differentiam pacti initi cum dæmone a *Lamiis*, & a *Magis*, idque tribus rationibus, *Libr. 2. c. 2. Prima* differentia legitur §. 1. 2. 3. 4. quia fœdus Magorum cum diabolo non est imaginarium, *Lamiarum* autem fœdus est præstigiosum. *Magi* ex proposito peccant, *Lamiæ* autem a diabolo decipiuntur, & vi aut metu compelluntur ad fœdus hoc præstigiosum. *Secunda* legitur §. 14. quia *Magi* cupide artem addiscunt, *Lamiis* autem diabolus sese insinuat, cui obediunt ob credulitatem, stuporem naturæ, melancholiam, paupertatem &c. *Tertia* legitur §. 15.

§. 15. quia Magi proprio sanguine se obligant chirographo; de Lamiis autem nihil tale quid audiri docet. Ex quo liquet Godelmannum pactum diaboli etiam cum Lamiis concedere, sed alio respectu, quam cum Magis. Et licet ille l. 2. c. 2. §. 10. & 13. neget consensum lamiarum, item quod cum ipsis & diabolo nullus sit contractus; illud tamen ideo fecit, ut tanto facilius a poena illas absolveret, (quanquam dicendum, via & ratione sic minus recta & solida,) & explicandum est de contractu & pacto, plena deliberatione sine omni fraude & coactione inito. Alias enim ipse sibi contradiceret, utpote qui §. 4. asserit; lamias vi & metu compelli, & errore ignorantiaque induci ad foedus hoc praestigiosum. Quomodo autem quis compelleretur ad rem aut contractum ineundum, qui plane existere nequit? 2) Confirmat Godelmannus, Lamias non eodem modo puniendas esse, quo Magos, nam inter alia l. c. §. 17. ad finem inquit ex Wieroe. 24. de Lamiis: Si Deus agnoscat & recipit animam, cur tu, Prator, usque adeo inclementer agis, cum nulli injuriam fecerint, ut corpus repudies, maxime, cum in tuo non deliquerint foro, & tibi nullum in divino judicio relinquatur tribunal? Mox §. 18. adducit exemplum Studiosi, qui paupertate pressus se Diabolo addixerat, sed liberabatur a Luthero aliisque non poena corporali, sed precibus. Tgitur si Lamias absolvit a poena Godelmannus, quod in alio foro deliquerint, & Deus culpam remisit, statuere omnino ipsum oportuit antegressum foedus Lamiarum, quod tamen non hoc, sed alio modo, puniendum aut emendandum erat. Paria fere circa sententiam *Francisci Malebranchii* accurate intelligendam annotanda sunt; de quo haec nobis tradit Auctor disputationis de *Crim. Magia* §. 3. p. 8. *Ex ipsis scriptoribus Pontificiis modernis Malebranchius l. 2. c. ult. de inquirenda veritate, in sententiam eorum, qui imaginationi historias Magicas adscribunt, inclinat.* Sed etiam heic in re censione hujus sententiae nonnulla desiderari possunt, alias Lectori falsum de Malebranchii traditis circa Magiam ingeretur judicium. Nam accurate loquendo de Malebranchio, dici nequit, ipsum inclinare in eorum sententiam, qui historias Magicas imaginationi adscribunt, sed expresse potius & disertis rationibus probat *cap. cit. ult. quod sextum est libr. 2.* aliquam tantum Magiae speciem imaginationi adscribendam esse, modumque explicat, quomodo imaginatio in hoc negotio operetur, quod lectu certe dignum est. Hinc falsum est, *Malebranchium*, uti verba absolute posita Lectorem docere videntur, omnes historias Magicas imaginationi adscribere. Nam duplicem constituit Magiam, unam, ubi quis verè

Magus est, & hunc puniendum esse dicit; alteram, quæ ex imaginatione & phantasia stultorum hominum, uti Lycanthropia, congregatio in Sabbatho, &c. oritur. Et hos innocentissimos esse pronunciat, recteque, facere dicit Judices, quod multis in Gallia locis nullas in sagas statuunt poenas, ne innocentiz & hominibus, qui commiserationem merebantur, vis & injuria inferatur. Ne quis de mente Malebranchii dubitet, adscribemus unam tantum periodum ex cit. libr. qui Gallice inscribitur: Recherche de la Verité &c. *qua ex 6. cap. Libr. 2.* Latine à nobis versa sic habet, & p. 284. 285. nostræ Editionis Amstel. qua utimur, extat: Si cessatio fieret puniendi sagas, & si fatuorum loco haberentur, tempus doceret, quod nulle amplius sage inveniri possent, quoniam sage, (sorciers) que tales non sunt, nisi ex propria imaginatione, & que profecto maximum numerum constituunt, liberarentur ab errore suo, (nimirum imaginationis falsæ) dubitari nequit, veras sagas (sorciers) morte dignas esse, & que tales non sunt, nisi per imaginationem pro innocentissimis (tout à fait innocens) habendas esse. Quoniam ordinarie sibi non persuadent, se esse sagas, quam quod certa dispositio cordis ipsis adeß, quod ad Sabbathum proficiscantur, & quod se gurgulis inungant, ut intentionis sue maligne compotes fiant. Cum vero sine discrimine puniantur incusata, fit, ut communis persuasio se roboret, saga per imaginationem multiplicentur, adeoque infinita hominum multitudo perdatur & damnetur. Quare non sine ratione plurima Parlamenta plane nullas puniunt sagas, & hoc ipso multo pauciores in ipsorum districtu, ubi judicium exercent, inveniuntur, & invidia, odium & malitia improborum non habet, ut prætexit uti possit ad perdendos innocentes. De Wierro etiam doceri à nobis poterat, quousque lamiis nullum cum diabolo foedus intercedere putaverit, & quatenus illud concesserit? Sed quoniam nimis digressi sumus a proposito principe, institutum nostrum postulat, ut argumenta nobis opposita excutiamus, & deinceps sententiam affirmantem nostram demonstremus. Quod priusquam faciamus, ad 9. 42. diff. de Crim. Mag. supplementi loco id unicum saltem notamus, quod sc. Constantini constitutio in l. 4. C. de malef. minus excusari possit, illud quoque esse indicio, cum ejus argumentum non tantum Christianis, sed & paganis nonnullis displicuerit. Apud Marcianum enim legimus, jam olim sub Alexandro Severo damnatos fuisse, qui remedia tertianis quartanisve collo annexa gestarunt. Idem de Constantio tradit Marcellinus libr. 19. Christianis vero damnantur generaliter amuleta Φυλακτήρια omnia, in Synodi Laodicensis. 36. Leon. Nov. 85. & c. magni lege lib. 6. c. 72. Neque

Neque defunt, qui l. ult. ff. de extraord. crim. circulatorum verbo ejusmodi quoque superstitiosos indicari putent. Eodem pertinet l. 1. §. medicos u. de extraord. cogn. ubi exorcistas & incantatores medicos esse, Ulpianus negat.

§. 17. Erit igitur quaestio inter nos: *an diabolus operari in materiam* *Statum Con-*
Et assumere corpus possit? Ex quo postmodum invicta consecutione dedu- *troverita,*
 cetur, quod *Speculis terrere homines, Et patla visibili forma cum Magis aut* *an Diabo-*
Lamiis contrahere, ceterasque omnes operationes, quae in corpore aut ma- *lus operari*
 teria, ita, ut in sensus incurrant, perficiuntur, peragere queat, quae proinde *possit in*
 hoc loco expressis nominibus delineare necesse non est. Cum enim haec *materiam,*
 omnia, uti inferius deducetur, inter se cohaereant, uno concessio aut nega- *sumere, pa-*
 to, concedatur vel negabitur quoque alterum. In Disputatione autem *latuine*
 de Crim. Mag. negatur, diabolus assumere posse corpus, & in Program. *Et. possit?*
 Germ: quod diabolus visibili forma comparere, ungulas aut ungues osten-
 tare, aut chirographum exigere similiaque possit. Hoc vero, aliis verbis
 exprellum, idem notat, quam quod diabolus in corpus, ungues aut ungu-
 las (quae certe materia sunt,) similiaque corporea aut materialia operari
 non possit, uti infra latius patebit.

§. 18. In citata *disp. §. 31. seqq.* quinque exhibentur argumenta pro *Quinque*
 negativa, quae pariter observare licet in citato Beckeri libro: v. g. *primum argumenta*
 argumentum desumptum est ex *libr. 2. c. 7. in primis §. 13. & libr. 3. c. 2. Se-* *pro Nega-*
 cundum argumentum petitur ex *libr. 2. c. 32. §. 4. Tertium extat libr. 4. c. 2. de* *visis ex Be-*
 §. 12. collato *libr. 2. c. 34. §. 17. Quartum deducitur in libr. 2. c. 34. & sumpta, &* *ckero de-*
Quintum in libr. 3. c. 3. §. 12. & 14. Ut proinde si adimantur disputationi *de mente*
 ea, quibus Carpovius oppugnatur, & nonnulla historica, parum novi, *Autoris*
 quoad rei hujus essentialia & caput, occurrat. *Conf. §. 5. ipsius disput. de* *Disp. Hal-*
crim. Mag. ubi habetur: ipsimet fatemur, potuisse nosmet ea abstinere *lenf.*
 &c. Carpovii vero mentionem etiam ipse fecit Beckerus *libr. 3. c. 3. §. 3.*
 & hinc forte occasio data est Autori *Disp.* Carpovium ex instituto oppu-
 gnandi. Ne autem quis existimet, mutasse Celeberrimum ejus Praesi-
 dem sententiam in Progr. Germ. quod hoc titulo producit: *Erinnerung*
wegen der Winter-Lectionen/so nach Michaelis dieses 1702 Jahres ihren
Anfang nehmen werden &c. sic mentem suam ab aliquibus perperam intel-
 lectam explicat, ut §. 2. profiteatur, se concedere, quod diabolus operetur
 in improbis, quod sagax, venefica, praestigiatrices, similesque dentur, &
 quod Jure plebantur, qui ejusmodi artes in perniciem aliorum exerceant;
 negat autem n. 10. 11. 12. neque ullo modo se credere posse dicit, quod

1) dia-

1) diabolus ungulas, cornua, aut hamatos ungues induat, quod Pharisei, monachi aut monstri forma, vel quomodocunque alias pingi solet, appareat, 2) quod corpus assumere, atque hac vel alia specie se hominibus conspicuum exhibere possit, 3) quod pacta cum homine ineat, chirographum ab ipsis exigat, cum ipsis commisceatur, & quæ sunt cætera

Refutatur
argumen-
tum pri-
mum.

§. 19. Argumentum pro hac sua sententia primum hoc affert: *diabolus nunquam assumpsit, nec potest assumere corpus, ergo non potest se-dera corporaliter inire, nec unquam corporaliter iniri, multo minus incubuit, succubuit Magis, sagis, aut eos sub specie bircina in montem Bruclerorum duxit, &c.* Resp. 1) Si diabolus potest operari in corpus, (id quod in confirmatione affirmantis sententiæ infra §. 25. seqq. demonstrabitur) evidens est, quod possit per istud temporis spatium assumere corpus, quoniam assumere corpus nihil aliud est, quam operationem in materia aut corpore perficere. Notandum autem est, 2) quod diabolum posse assumere corpus duplicem habeat sensum. Aut enim *τὸ* assumere corpus significat corpus carne & ossibus constans generare ex sua essentia, aut creare ex nihilo, & per illud operationes edere; vel *τὸ* assumere corpus significat, non quidem corpus carne & ossibus constans generare aut producere, sed corpus aliquod jam existens animare, & per illud operationes edere, aut, si forte corpus ad operationem idoneum non existat, *speciem aut formam corporis* conflare, aut naturali industria, v. g. aëre aut elementis reliquis corpus condensare, & per illud actiones aliquas edere, aut etiam phantasma, vel figuram corporis homini objicere; quod licet in se non crassum corpus sit, illi tamen, cui objicitur, reale quippiam præstat, saltem in ipsis oculis aut phantasia, & ad ejusmodi phantasma exhibendum reale quiddam, uti congregatio luminis, aëris certa dispositio, quæ condensationis, rarefactionis aut similis cujusdam operationis species est, requiritur. Priori modo concedi potest, diabolum non posse assumere corpus; sed posteriori modo omnino potest, quod probatur, quia diabolo conceditur intelligentia & singularis rerum naturalium atque physicarum scientia. Equidem *Beckerus in mundo fascino l. 2. c. 22 §. 2. p. 235. seq.* negat, quod diabolus sit Physices, Philologiæ aut Theologiæ peritus, & quidem hanc ob causam, quod nullos habeat sensus, quibus omnia hæc percipere ex natura, aut in Scriptura legere posset. Sed ad hæc jam tum satis ipsi responsum esse putamus: a *Petro Poireto*, in fine *methodi verae invenendi verum*, Part. 3. §. 24. Nos tantum hoc loco in gratiam eorum, qui diabolum operari in improbis concedunt, atque adeo præ-

præsentem eum in his terris statuunt, adjicimus, diabolum pollere insigni rerum scientia ex duplici ratione: 1) enim conceditur, ante lapsum diabolum æque ac bonos angelos reliquos instructum fuisse scientiis & cognitione rerum; hæc cognitio per ipsius naturalem intellectum percipiebatur, quasi intelligendi potentiam naturalem per lapsum amittere non potuit, haut aliter, uti homo aula regia ejectus intellectum, & merite ideas antea visas aut usurpatas retinet. Quod si enim intelligendi vim naturalem amisisset, ex spiritu, sive Ente intellectu & voluntate prædito, factus fuisset intellectu & voluntate destitutus, sive res inanimata, quod nemo, uti existimamus, affirmabit. Si ergo 2) Ens hoc intelligens intelligendi vim naturæ suæ propriam retinuit, negari non potest, ipsum infinita adhuc experientia ex conversatione cum hominibus addiscere potuisse. Ponamus enim hominem etiam stupidissimum, ratione tamen naturali præditi, qui alterius mores, vitæ genus aut animi habitum quotidie, idque per longum temporis spatium, observat, annon in eo animadvertemus, ipsum proficere ex solo hoc rerum usu, & mores hominis, quo cum ipsi frequens negotium est, exacte perfectos habere. Quæ cum evidentia sint, quo fundamento solido diabolum tot mille annorum experientia edoctum, & qui tam assidue res gestas, hominumque Physicorum, Philosophorum, & qui sunt reliqui, operationes & inclinationes observavit, ad quas in malam partem flectendas, vel ex Adversantium concessis, astute iis se insinuat, scientia & intelligendi res ipsas Physicas, Philosophicas, atque cæteras facultate, licet illa perverse utatur, destitui affirmari poterit? Ridicula propemodum est *Beckeri* ratio, quod diabolus rerum omnium sit ignarus, quia nec videre, nec audire quicquam per sensus, uti Salomon, & nec legere, nec scribere possit. Quasi vero nulla daretur perceptio in Spiritu nisi per sensus corporeos, aut quasi ipsa mens hominis non multa ratiocinando colligeret, aut sciret, quæ tamen nunquam vidit aut audivit? de cujus tamen existentia vel ipse *Beckerus* non dubitat. Si hic solas Ideas Cartesianas aut Platonicas innatas tantopere defensas semel memoria tantum repetiisset, nunquam forte isthoc infirmo argumentum ad negandam diaboli scientiam permotus fuisset. Legere autem & scribere, vel linguarum peritia neminem reddit rerum ipsarum peritum, quod Infantum & Idiotarum, linguam suam loquentium, legentium, quandoque etiam scribentium exemplo constat; sed est tantum vehiculum, quo inter initia communicantur conceptus personis corpore utentibus, quo vehiculo carere possunt, qui acutiori intelligendi vi sine signis externis

Ideas rerum intelligere possunt, quod certe spiritus separati facere queunt, uti de Deo & Angelis bonis manifestum est, qui tamen nec videre, nec audire per sensus, nec manibus scribere, nec oculis corporeis legere, uti Salomon, ordinarie possunt. Quod si tandem etiam exercitii gratia concederetur, Diabolum post lapsum nullis per se instructum esse viribus ad movenda & condensanda corpora, vel ad operandum in ipsis, illud tamen, cum ista potentia Deo, eoque permittente, Angelis potentia adhuc ante lapsum us concreatam gaudentibus ab Adversariis concedatur, negari omnino non poterit, ipsum Deum ad puniendam improbitatem hominum, aut ad emendandos viros, quibus bene vult, concedere aut conferre posse ejusmodi potentiam Diabolo, per quam ad modicum temporis interval- lum virtutem & efficaciam operandi in corpora hominum acciperet. Quo enim argumento vel minimam probabilitatis speciem habente quicquam contra nos probabit, Deum omnino atque penitus decrevisse, quod diaboli opera uti nolit ad expedienda mandata sua, quemadmodum Magistratus lictore utitur, ipsique potestatem concedit, affligendi poenam meritum delinquentem. Nec metuendum est, diabolum aut Imperium inde nimis amplificari aut ipsum hoc ministerio post lapsum plus æquo beatum effici, quoniam divinæ permissionis mandata excedere prorsus prohibetur, & ipsa poenarum executio ipsum ne hilo quidem Deo gratior reddat. Quibus præstructis, vel sua sponte consequitur, vi hujus scientiæ non esse absurdum, quod diabolus tanquam Spiritus corpus aliquod jamtum existens animare, aut etiam ex elementis tale quid possit ad tempus conficere aut efformare, & per hoc operationes suas edere; quoniam corporis naturalis compositio justam tantum elementorum condensationem & temperationem, posteaque vis alicujus majoris aut Spiritus regimen vel internum vel externum requirit, quale quid scientiis naturali, uti in Spiritibus est, effici posse, nullo argumento idoneo, probabilitatis speciem saltem habente, negari potest; imprimis cum tot naturæ miracula a rerum naturalium & physicarum peritis edita sint. Quorum etiam quædam fidem excedere videntur, quædam, ut sit in pollicitatione arcanorum, nonnunquam mente potius concepta, quam editis rerum documentis demonstrata sunt; tamen tot ac tanta inveniuntur, quæ sine admiratione conspici non queunt, & quæ, nisi oculis usurparit, sibi persuadeat nemo. Assentientur mihi rerum in Naturæ Recensibus abstrusarum periti, neque ipse repugnabit Dissertationis sæpius commemoratæ Celeberr. Præses, quem audio multis, & quod in Jcto non parum mirens, egregius, & ipsis Scientiæ

tiz hujus Magistris non leviter laudatis rerum curiosarum experimentis non vulgarem cupidæ Legum Juventutis applausum sibi excitare. Adjiciemus vero hanc in rem nonnulla alia. Cornelius *van Drebbel*, Alckmar-
 riensis, insignis Mathematicus & Opticus, ad Amicum suum Isebrandum a Rietroyck teste *Godefrido Hegenicio Itiner. Fris. Holl. p. 75.* scribit: Ego in Camera manifeste sedeo solus, nemine mihi assistente, & primo vestitum meum transformo in præsentia & adspectu omnium, qui in cubiculo sunt, nunc induor totus nigro holoferico; & momenti spatium, imo tam confestim, quam aliquis cognitione assequi possit, holoferico viridi ac rubro amictus sum, in colores mundi omnes me transmutans, nec solum hoc, sed commuto meam vestem cum qualibet specie pannorum, qua ipsemet volo, nunc bombycina s. serica colorum omnium, tum ex villis texta omnium colorum, nunc argentea; nunc auro variegatis vestibus utor, nunc regio ornatu & adamante, atque omni gemmarum specie sum splendidus, atque in momento postea mendici habitum assumo, pannis obsitus ac deformis, cum in illo actu unicam tantum vestem habeam, quam abs me non depono. De mirando phænomeno, repentina scil. luminis cujusdam in cavitate recipientis apparitione & incerto ejus successu lectu sane digna habet honoratissimus, ut audit *Robert. Boyle*, Nobilis Anglus, & Societate Regia, in *Nov. Experim. Phys. Mechan.* de vi æris elastica & ejusdem effectibus, *experiment. 37. p. m. 116. edit. Genev. Kircherus* in *Phonurgia*, quæ in German. lingv. conversa est p. 119. habet Artificium, daß man ein Bild verfertigen könne in freyer Luft hangend; so da natürliche Stimmen und Thon/als auch Gespräche und Worte von sich hören lasse ic. In Explicatione addit, imaginem hanc nulla re v. g. rotulis, funiculis, aut simili modo suspensam teneri, sed libere in ære pendere, sonosque edere, & p. 116. *decaesm. 3.* quo ponit: Aus natürlicher geheimer Kunst ein Bild machen/welches allerhand Thon/Stimme und Wörter rede und ausspreche ic. quomodo montes, colles, valles, rupes, plantæ, flores, flumina, aliaque, quæ integram aliquam regionem præ se ferunt, repente intra vitream phialam enata exhiberi possint, ostendit *Jacobus Dobrcensky* in *Phil. de font. & cum eo Cass. Sebolt. Phys. Cur. Append. ad libr. 6. c. 9. §. 7. & 9. p. 1351. Morhof. in Polyhist. libr. 1. c. 2. p. 100.* agit de P. Constantii Albinii Villanovenfis Magia Astrologica s. Clavi Sympathiz septem metallorum, & septem selectorum Lapidum, ad Planetas, pro majori illius dilucidatione edita anno 1611. in qua omni auro præstantiora contineri refert. Inter alia unum, quod librum legenti succurrit, recenset; nimirum, legisse

se in illo libro de Vitro e cineribus cadaverum strangulatorum certique mineralis conflando, cui lotium ægri immissum, affectas corporis partes in ipsa urina ostendat. Meminit *Wagenfeilius* in Exerc. suis MSCri alieujus Paracelsi, quod ipsi in Bibliotheca Scorialensi monstravit Bibliothecarius, unde ille arcanum Steganographicum e sanguine humano descripsit, cujus ope amici toto orbe sejuncti omnia animi sensa plene planeque invicem communicare possunt. Inprimis vero huc facit locus ex *Corn. Henr. Agrippa de Occult. Phil. l. 2. c. 36.* cujus titulus est de Unione rerum commixtarum, atque introductione nobilioris formæ, vitæque sensibus p. 51. Cui addi meretur *Paracelsus Opp. qua Argent. 1616.* per Joh. Huserum Brisgojum prodierunt p. 882. n. 1. libr. 1. de generatione rerum. Nisi prolixum foret, adscribi mereretur *cap. 37. libr. 2.* superius nominati Agrippæ, at pauca saltem ex eo notabimus. Certis materiis quibusdam naturalem vim divinitatis habentibus, h. e. quæ naturaliter superis consentaneæ sunt, rite collectis, partim Physice, partim Astronomicæ undique opportune conflatis, dona non solum cœlestia & vitalia, verum etiam intellectualia, quædam dæmoniaca & divina desuper suscipi possent, Jamblichus, Proclus atque Sinesius cum tota Platoniorum schola confirmant. Et Mercurius Trismegistus scribit, ex propriis certisque rebus certo cuidam dæmoni congruentibus compositionem rite statutam confestim per dæmonem congruum animari. Cujus etiam meminit *Augustinus de Civ. Dei, l. 8.* Pergit Agrippa p. 54. loc. cit. *Plinius* esse herbas, scribit, quibus mortui revocentur ad vitam, unde Xanthus Historicus narrat, herba quadam, nomine Bali, occisum draconis catulum vitæ restitutum a parente, eademque Thilonem quendam, quem draco occiderat, resuscitatum. Et Juba refert, in Arabia herba quadam hominem revocatum ad vitam. Verum addit Agrippa, an possint talia revera fieri vi herbarum vel cujusvis alterius rei naturalis in homine, in seqq. differemus; posse autem fieri in ceteris animalibus, certum & manifestum est. Sic muscæ submersæ, si ponantur in cineribus tepidis, reviviscunt, & apes submersæ similiter vitam recipiunt in succu Nepetæ, & anguillæ defectu aquæ mortuæ si corpore integro existente ponantur sub fumo in aceto, & addatur de sanguine vulturis, post paucos dies omnes recuperant vitam. Nominari heic quoque potest ipse *Beckerus*, qui in mundo *fasc. l. 3.* duo habet capita, secundum & tertium, ubi agit de stupendis Naturæ viribus, juncto §. 4. postquam de Architz Tarentini columba lignea, volante, & ferreo corvo volante Imperatori Carolo exhibito, item de Musca

Musca Norimbergensi mentionem fecisset, memorat Cardanum de subtil. & VVinandi von Bessen *Mathematische Ergöcklichkeiten*/ librum octies Gallice, quinque Belgice impressum & venditum, subijciens: *Wer den Handel nicht versteht/ und vor seinen Augen siehet / der wird meynen/ daß zum wenigsten die Helffte nicht natürlich sey* &c. Cap. 2. autem §. 5. ex Antonio Leevvenhooek Delphensi ostendit, cum per Microscopium demonstrasse, quod frustulum ligni ex quercu, non excedens latitudinem straminis, triginta ter mille partes habuerit, quæ singulæ millionibus minores erant, quam granulum sabuli, & tamen quæ via pars quinque nodos habuit. Angvillam habere squamas vidit per Microscopium, & quamlibet squamam sex aut septem mille partes continere. *Libr. 4. c. 7. §. 6.* mentionem facit Doctoris *Ammami*, qui in libro: *Surdus loquens*, docuit methodum, quomodo surdi sermonem alterius intelligere, & artem hanc intra paucos dies discere possint. Hæc ego, & vel sexcenta alia artificio naturali fiunt, quod spiritus separatus & rerum additarum vel ex longissimo usu sui ipsius aut aliorum peritissimus, uti est diabolus, multo adhuc perfectius & ingeniosius perficere novit. Corpus autem existens a malo spiritu agi aut animari posse longe evidentiùs adhuc est. Nam quid obstat, quo minus diabolus corvum, sclem, aut hircum obsidere, animare aut operationes aliquas peculiares per hæc animalia edere possit, cum concedatur certa & unanimi Theologorum sententia, Diabolum obsidere animum hominis, ita, ut eo adigente peculiares motus corporis edat, perverse loquatur, & nescio quæcunque non quandoque contra suam voluntatem perpetret. Quam sententiam non in dubium prorsus vocare velle Præsidentem Celebrerrimum Dissertationis de Crimine Magiæ arbitramur, quia §. 31. *dissert. ad P. Poireti Libros de Eruditione &c.* suam opinionem de Homini-bus, in statu, uti ipse loquitur, bestialitatis constitutis, sic suis verbis explicat: Primum hominem, cum excideret ex statu integritatis, libera voluntate a spiritu divino deflexisse, atque animam ejus per desiderium & amorem creaturarum-inferiorum redactam esse sub imperium diaboli, ita, ut omnes homines hodie natura sint sibi iræ, & imperio diaboli subiecti, earum animas per internos motus iis dominantes regit, ut in statu bestialitatis magis magisque degenerent, & (citra pactum tamen) magis diabolum expriment, quam ipse diabolus. Et paulo post de his, uti vocat, bestis sic loquitur: Bestiæ, quæ plurimi sunt, ita obrutescunt, ut vel diabolum non credant, vel, si credant, timeant, & superstitiosa Dei

cultu persuadeant, se poenas aeternas effugere posse. Hic non videtur interesse diaboli, ut pacta cum iis ineat, cum op. errorem capitalem & vitam carnalem jam ipsius regno sint satis addicti. Ex his igitur paucissimi tantæ sunt audaciæ, ut audeant se Diabolo devovere. Unde patet, si homines in statu bestiali non facile audent se devovere diabolo, nec pactum cum ipso inire, & tamen ipsius imperio ita subiecti & addicti sunt, ut eos regat, sequi omnino, quod contra ipsorum voluntatem ipsis imperet, eosque regat, id quod Theologorum sententiæ de Obsessis quodammodo respondet. Ipsam autem operationem spiritus in cadaver quod attinet, ejusque animationem, illa ex antea dictis vel sua sponte fluit, & quod palmarium est, exprinc. piis §. 24. prolatis, factisque exinde §. 25. seqq. consecutionibus haurienda est.

*Refutatur
argumen-
tum se-
cundum.*

§. 20. Secundum argumentum §. 31. dictæ Disp. sic proponitur: *Si diabolus posset assumere corpus, falsa esset assertio Christi, quod spiritus non habeat carnem & ossa, & ineptum foret argumentum, quo Christus voluit uti ad convincendos Apostolos. At utrumque horum cogitare blasphemum est.* Resp. hoc argumentum licet primo intuitu aliquam veri speciem præ se ferat, si tamen dictum Christi accurate consideretur, plane nihil infert, & consecutio, quæ inde deducitur, penitus nulla est. Quod ostendi potest 1) καὶ ἀναφθαρτον, per rationem, 2) καὶ ἀσώματος, ex ipsius Beckeri, unde illud desumptum est, hypothesi. Quod ad *primum* attinet, notandum est, assertionem illam Christi: *Spiritus carnem & ossa non habet*, intelligi posse vel *absolute*, quod nimirum spiritus per absolutam naturæ suæ impossibilitatem se corpore & ossibus induere non possit; vel *relative*, quod de lege communi spiritus & carnem & ossa non habeat, & quod homines vulgi, inter quos etiam discipuli erant, hoc sciverint & admiserint. Priori modo, nimirum *absolute*, assertio Christi, quod spiritus carnem & ossa non habeat, intelligi nequit; sequeretur enim ne Deum quidem efficere aut permittere unquam posse, ut spiritus separatus carnem & ossa assumat. Nam, quæ Deus semel constituit absoluta naturæ necessitate, illa ob constantiam & sapientiam suam aliter efficere nequit. Sibi namque contradiceret, & opus suum destrueret, quod in Creatore sapientissimo argueret imperfectionem. Ex hac causa certissimè sumus, quod pars nunquam fieri possit major toto, quod ignis proprie acceptus, quoniam per naturam urere præsumitur, nunquam fieri possit frigidus, quod bis quatuor non constituent septem, & quod contradictoria non possint unquam fieri vera, quia Deus ipsorum essentiam absolute ita constituit, alias enim nulla forent contradictoria.

Dum

Deum autem efficere non posse, ut spiritus assumant corpus, ne Adversarius quidem ipse affirmare potest. Quoniam ergo hæc assertio Christi apud Lucam c. 24. v. 39. propter allatam rationem absolute intelligi nequit, sequitur, quod dictum Christi, *Spiritum carnem & ossa non habere*, posteriori modo, nempe *relative & respectue*, prout de lege communi fit, & quemadmodum vulgo homines non accidere vident, quod diabolus carnem & ossa habeat, accipiendum sit. Ac bene notandum est, quod in textu non dicatur, spiritum carnem & ossa non assumere posse, sed non habere. (*ὅν ἔχει.*) *Habere* enim notat naturalem & ordinariam rei constitutionem. *Assumere* vero notat communiter temporarium quid, & quod ad essentiam rei perpetuo non pertinet, uti vox ipsa indicat. Idcirco multum intererit inter corpus proprium, & quod aliunde assumptum est. Proprium corpus spiritui nemo tribuerit, nisi qui ejus naturam materiæ expertem esse ignorat. Id quod intelligebat Servator humani generis, cum spiritum habere ossa & carnem negaret. At corpus aliunde ad tempus assumptum nihil impedit, quo minus spiritui assignetur, quando cum eo non intime conjungitur, & tum assistens modo est forma, ut ajunt Philosophi, non forma corporis informans. Quo pacto, spiritus apparebit quidem hominibus vero, quod ascrivit, indutus corpore, at naturæ suæ conditione corporeus neutiquam erit. Aliud foret, si unio hæc, quæ spiritui cum suscepto corpore intercedit, essentialis seu personalis foret, quæ tamen accidentaliter tantum vel formalis erit, ad certum tempus hominibus facta. His positis, perspicuum est, consecutiones, quas amplectitur Autor Dissert. nullas esse. Si enim diabolus potest assumere corpus, hoc est, animare, per artes suas, condensare, aut alio quodam modo efformare, ac per illud operationes suas edere, non consequitur, falsam esse assertionem Christi, quod Diabolus per naturalem suam constitutionem, uti homines, carnem & ossa non habet. Utrumque enim verum est, nec ullo modo sibi repugnat, Diabolum posse per tempus & artificia sua assumere corpus; & tamen corpus ex carnibus & osse constans non habere, tanquam nos homines, quod ad naturæ ipsius constitutionem pertinebit. Alias enim, non spiritus separatus aut completus, uti a Pnevmaticis appellatur, foret, sed homo & spiritus incompletus, ad corpus semper animandum ordinatus. Similis est ratio secundæ consecutionis, quæ itidem nulla est. Nam poterat Christus discipulos satis firmiter ex scientia ipsorum in Lege & experientia communi fundata convincere, quod ipse non esset Spiritus. Discipuli enim non aliter in vita per sensus & communem rerum usum edo-

Si erant, quam, si tangerent carnem & ossa, quod ejusmodi persona verus esset homo, & quod spiritus carnem & ossa per naturalem sui constitutionem, uti homines, non haberent. An vero spiritus interdum & ad tempus aliquod corpus posset assumere, eo non allurgebat eo tempore intellectus & ratiocinatio discipulorum, qui communibus tantum & sensuabilibus rebus ordinarie & ex communi experientia cognitis inhærebant, quod plurimis exemplis doceri potest, & a Theologis nostris satis ostensum est. Interdum etiam scitu sibi valde necessaria in rebus spiritualibus, uti de regno Christi, similibusque, ignorabant. Imo interdum in iis a Christo edocti vix assentiebantur dictis. Hæc κατ' ἀλήθειαν & ex rei veritate desumpta est responsio. Sequitur altera κατ' ἀρεσκον, & quæ ex ipsius Beckeri hypothese depromi potest. Nam statuit Beckerus in der bezauberten Welt / 1. 2. c. 28. quod Christus in operibus suis & sermone suo ad opinionem populi & discipulorum se accommodaverit, nunquam vero veras sententias explicaverit, uti in se erant, & intelligi debebant. Adducamus ex ipso Beckero aliqua loca, uti ex Belgico Idiomate in nostram linguam translata sunt. Citato c. 28. §. 2. inquit: Unser Herr Jesus, da er auff Erden wandelte / ließ niemahls in seiner Lehre blicken / daß er kommen wäre denen Menschen die natürlichen Ursachen eines oder andern Dinges / noch auch die Irrthümer in denen einzelnen Begreifungen derer Dinge / sondern allein diejenigen / welche die Sitten und den Gottesdienst betreffen / zu verbessern. Quod exemplis populi & discipulorum copiosissime §. 2. & 3. citatis ex sacra Scriptura locis probat. §. 5. citati loci ait: Aber keine besondere Hauptstücke des Glaubens / als von der Schöpfung / insonderheit derer Engel / von der Erwehlung / von der Rechtfertigung / von der Erbsünde / selbst von seiner Sühnung vor unsere Sünde; und hat er niemahls / davon man liest / mit Vorbedacht und hauptsächlich erklärt / als bloß von etlichen derer gemeldeten Stücken hier und da wohl etwas beiläufig und bey Gelegenheit gemeldet / doch dieses war so viel nicht / daß man daraus eine völlige Verhandlung in einigen Lehrstücken solte machen können / als alleine um das / was anderswo aufgesetzt / durch die eine oder andere Gründe zu bestärken. §. 8. Was selbst seine (Christi) eigene Person belanget / wie groblich darinn die Menschen irreten / indem keiner von allen zu dieser Zeit glaubete / daß er es wäre / oder daß Messias seyn müste wahrer Gott von Ewigkeit / einerley Wesens mit dem Vater / sondern alleine ein göttlicher Mann / und ein großer Prophet / welches das höchste war / das Alcophas noch nach seiner Auferstehung von ihm leugnete / Luc. 24. v. 19. Ein solch wichtiges Hauptstück des Glaubens beliebe

beliebte unserm Herrn damals noch nicht zu erklären / sondern er ließ die Menschen in diesem Wahn/biß daß er gen Himmel gefahren und sich zu der rechten Hand Gottes gesetzt/den Geist ausgoß/und die Wahrheit redete &c. & concludit §. 15. Weil denn der Seligmacher nicht vor hatte/ (wie gezeigt worden) die Wahrheit derer Dinge zu erklären / so kunte er auch davon nicht anders reden/als man redete / wenn er wolte verstanden seyn. Er gab denen Kranckheiten solche Nahmen / als sie unter dem Wolcke hatten / welches niemand frembde vorkommen muß / weil dieses aller Weisen Regul ist : Loquendum cum multis, sentiendum cum paucis, mit vielen einig in der Rede/mit wenigen einig in der Meynung seyn : also thät Christus auch &c. Ex quibus adductis Beckeri verbis contra dissentientes sic colligi & responderi potest : Quoniam Christi intentio non fuit discipulis explicare, quomodo & quatenus Spiritus corpus assumere posset, satis ipsi erat, quod istos instrueret & convinceret, ratione, quæ ad ipsorum captum erat accommodata, & quæ ex eorum communi sententia, quam ipsi verissimam agnoscebant, erat desumpta. Id quod Christo in more fuisse positum itidem Beckerus loc. cit. per integrum caput affirmat & adstruere nititur. Adeoque quod disput. de Crim. Magiz Autor in fine hujus argumenti de Sphemia annectit, aut ex intellecta parum, argumentatione profectum est, aut in ipsum Beckerum, quem tamen sequitur, dictum erit. Certe si communem sententiam de condensatione corporis ex aëre aut elementis sequamur, dictum Luca XXIV, 39. nullam pariet difficultatem, nihilque ad propositum faciet. Christus dicit, spiritum, carnem & ossa non habere, & proinde nec corpus, nimirum genitum, & solide compactum ex dura substantia. Hoc totum concedi potest. Sed non sequitur inde: spiritum corpus ex aëre aut elementis condensatum, quod quidem carnem & ossa hominis non habet, non posse assumere aut assumisse. Conferatur tamen Tertullianus d. Carne Christi, fol m. 22. & Augustinus in *Enchir. ad Laurent. cap. 59.* qui difficultatem ex *Genes. XIX. XIX.* movent, quod corpora Angelorum contrectata & lota fuerint.

§. 21. Tertium Autoris Celeberrimi pro negante sententia argumentum hoc est: *non potest diabolus turbare potentiam & ordinem naturæ invisibilis, Ergo non potest corpus assumere, tempestates excitare, hominem per aërem transferre &c.* Est autem per potentiam & ordinem naturæ in genere intelligenda illa constitutio aut oeconomia cuique rei secundum naturæ suæ proprietates, leges & habitum respondens. Uti v. c. potentia & ordo naturæ visibilis, & quidem in corpore humano, est, quod

D

corpus

*Refutatur
argumentum
ter-
tium.*

corpus sit grave , & tendat deorsum , quod a flamma comburatur , quod non simul in duobus locis esse possit. Eadem est ratio potentia & ordinis naturæ invisibilis , quæ itidem secundum economiæ suæ invisibilis leges & proprietates constituta est. Quoniam vero natura invisibilis duplex est, vel bona vel mala, hinc etiam potentia & ordo naturæ invisibilis gemina est, vel *bona* vel *mala*. Per potentiam & ordinem Naturæ invisibilis *bona* intelligitur divina & perfecta constitutio spiritualis, qua Deus bonos Spiritus, & res omnes, quæ peccato non infectæ sunt, aut ipsi repugnant, celesti & divino robore, potentia, gratia & sapientia, cæterisque perfectionibus exornat, & in hoc statu eas conservat & auget, & fere coincidit cum regno Gratiæ apud Theologos. Per potentiam Naturæ invisibilis *mala* intelligitur habitus & constitutio illa corrupta Entium invisibilium, quæ a Deo defecerunt, & depravata sunt, & explicari quodammodo ex doctrina Theologorum de regno Potentiæ potest. Ut igitur breviter nos expediamus in responsione ad argumentum, appellabimus termino tecnico, sed noto, ordinem & potentiam Naturæ invisibilis *bona*, Potentiam *lucis*; & contra, Potentiam & habitum Naturæ invisibilis *mala*, Potentiam *tenebrarum*. Utimur hac denominatione hoc loco ex duplici causa: 1) Scriptura Sacra hos terminos adhibet, & exinde omnibus noti sunt; 2) quia Auctor Theſ. de Crim. Magis hos loquendi modos ipse amat, dum §. 7. in fine inquit, non solum credimus, sed aliquo modo scimus, Diabolum esse principem tenebrarum, & æris, h. e. substantiam spirituales seu invisibilem spirituali seu invisibili modo, mediante aëre & corpusculis naturalibus aqueis & terrestribus, operantem in hominibus improbis. Itaque cum Potentia & ordo Naturæ invisibilis *duplex* sit, vel *Lucis* vel *Tenebrarum*, Deus & boni Angeli habebunt Potentiam & Ordinem Naturæ invisibilis *bona* s. *Lucis*, illis autem oppositi erunt *Spiritus mali*, qui potentiam & ordinem vel potius confusionem Naturæ invisibilis *Tenebrarum* habent. Ex quibus porro sciendum est, Diabolum non posse turbare aut pervertere Potentiam & Ordinem Naturæ invisibilis *Lucis*, atque bonorum Spirituum. Illi enim majori robore & sapientia divinitatis pollent; sed potest diabolus turbare, pervertere, commiscere & disturbare Potentiam & Ordinationem suam Naturæ invisibilis *tenebrarum*, quia, dicente Scriptura, ipse est Dominus Tenebrarum. Cum itaque ipse ordinavit, hoc vel illo modo tenebras suas, eatenus sua Potentia aliter eas itidem disponere & inter tenebras suas regnum exercere potest. Quis enim ipsum impediret? Non ipse semet ipsum, neque Deus, qui ipsum ad hos Tenebrarum carceres condemna-

vif.

rit. Hinc quatenus diabolus se in regno suo invisibili tenebrarum continet, dominari in eo pro lubito potest, & omnibus istis, qui se tenebris atque peccatis & malitiæ ipsius mancipant. Jam sistimus responsonem ad argumentum nobis oppositum: Si diabolus non potest turbare potentiam & ordinem naturæ invisibilis *male*, sequitur, quod non possit assumere corpus. R. falsum est antecedens, scil. quod diabolus non possit turbare Potentiam & Ordinem Naturæ invisibilis *male*, *f. tenebrarum*. Nam diabolus potest omnino, si vult, & quando vult, turbare Potentiam & ordinationem suam malam, quam ipse constituit. Nam etiam homo, (De noctambulonibus & lunaticis, qui constitutionem naturæ visibilis ideo non turbant, quamvis multa, quæ naturæ ordinarios limites egrediuntur, agere queant, vid. Alstedius in Encyclopædia Physl. part. v. l. c. 2. p. 745. & Samuel Pomarius duabus disert. de Noctamb.) licet non possit supergredi ordinem Naturæ visibilis, ut uno momento temporis Romæ, aut simul Romæ & Lipsiæ sit, potest tamen turbare ordinem Naturæ visibilis, eam permiscendo, mutilando, aliter componendo &c. v. g. ut ex ventre loquatur, se membris mutilet, cum brutis se commisceat, & monstrum generet, ignem vomat, in aërem attollatur, aut aquis inambulet &c. multo magis ergo & facilius hoc diabolus faciet. Retinuit enim diabolus etiam post lapsum naturalem suam constitutionem, intelligendi vim, astutiam, volendi actus &c. adeoque potentiam non levem, uti Theologi docent, & amisit tantum divinum lumen, bonitatem, gratiam. Imo, quoniam Diaboli natura per lapsum in defectu & perversione consistit, patet, diabolum non aliter posse, quam pervertere, destruere, turbare &c. ad similitudinem hominis mali & perversi, qui semper naturæ suæ perversæ conformes actiones edit. Quando autem argumentum sic intelligitur: Si diabolus non potest turbare Potentiam & Ordinem naturæ invisibilis *bona*, sequitur, quod non possit assumere corpus &c. R. negando consequentiam, quia corpus, quod assumit, non assumit ex regno gratiæ & ordine Lucis, sed tenebrarum, quod format per reliquias scientiæ intellectus sui naturalis. Notandum præterea est, corpora & res in hoc mundo veluti mixtas esse ex bono & malo; hinc Potentia bona & mala invisibilis in ipsas agit plus aut minus, & unum fortius aut remissius altero, prout bonum aut malum prædominatum fuerit in illis.

§. 22. Sequitur quartum argumentum Autoris Thesium de *Refutatum*
Crim. Magiæ. Putat enim omnino non coherere, quæ homines de tanta Po-
tentia diaboli in naturam invisibilem garriunt, quoniam possit crepitu *argumen-*
veneris *lum quæ-*
pelli, aut quia non possit aliquid auferre ex Bibliis. R. hoc argumentum joci
sum,

potius causa, quam serio asseri putamus. Tanta enim Judicii vi Virum Celeberrimum pollere certo persuasi sumus, ut serio non crediderit, verba illa de crepitu ventris proprie accipienda esse, sed quisquis hac expressione usus est, quod præter alios Lutherum fecisse novimus, contemtim & per Ironiam aut per Sarcasum de diabolo ita locutus est, quemadmodum, si quis dicat, se uno halitu posse legionem argumentorum sufflare, aut hostem vivum deglutire. Notatur enim hisce loquendi modis, quod pueri intelligunt, facilitas repellendi adversarium ab eo, qui gratia cœlesti & fide vera pollet. Quod additur, non esse, ut recurramus ad fidem, dicimus omnino necesse esse, ut fide nos exarmemus, (*conf. Eph. 6. v. 16.*) & ad illam recurramus. Fides enim est illud instrumentum, per quod roboris divini redimur participes, ut diabolus vim suam in nos exercere nequeat. Quod porro rationis loco adjicitur, cur ad fidem non sit recurrendum, frivolum & Viro gravi indignum scœmma est, nimirum, si fide diabolus ejicitur, non opus esse crepitu ventris, nisi forsitan crepitu ventris iterum distinguatur. Quis enim unquam, ut præcedentia repetamus, tam demens fuit, ut crepitu ventris diabolum pelli existimaverit, imo, quis tam ineptus erit, ut credat, Virum Celeberrimum capere non potuisse, ejusmodi loquendi formulam ab aliquo robore & gratia divina nixo prolatam fuisse, in majorem contemptum diaboli, non vero, quasi quis statuerit, pellendi Dæmonem potentiam inesse sono crepitus. Sed ita luditur vocabulis loco argumentorum, in causæ propriæ adammum, quando ab aculeata irrisione nobis temperare nondum assuevimus. Quia autem additur in argumento, quod diabolus non possit aliquid auferre ex Bibliis, id quod serio pro impotentia diaboli adstruenda dictum esse videtur; causa hujus rei verbo indicanda est. Spiritus maligni nullam habent potentiam aut jus agendi, nisi in ipsorum elemento, quod est regnum peccati & tenebrarum. In hoc tantum movere & auferre possunt, quantum intellectu, voluntate & agendi efficacia pollent. Verum res aut Ens in suo genere & regno efficax & potens amittit vim & robur suum, si majus quid, & quod aliquis timendi causam habet, supervenerit. Hinc atrocissimi, robustissimi que latrones animum abjiciunt, si in facinore suo aliquid supervenire audiverint; & fur audacissimus ad laternæ vel lucis alicujus scintillationem aufugit, licet nullus adsit, qui ipsum valide constringere queat. Jam, si homo pius fide & gratia Dei ejusque robore sit armatus, causa facile patere potest, cur malignus aliquis spiritus terreatur, quo minus folium aliquod in Bibliis positum auferre possit, non quasi literarum character, locus, situs aut externa vis illud impedirent, sed quia potentia una naturæ invisibilis divine

in

in homine pio, potentior & major est, quam potentia altioræ naturæ invisibilis in malo dæmone. Alias si homo malus aut divina gratia non pollens, prohibere voluerit quicquam Spiritui malo, responsum feret, quale circumcurstantes Judæi, *Mat. 19. v. 15.* Novi Jesum & Paulum, qui divina virtute ejiciebant dæmones, qui autem estis vos?

§. 23. Restat quintum & ultimum pro negante argumentum, *Refutatur* quod Beckerus fere eodem modo proponit *l. 3. c. 3. §. 12. & 14. Nullus, argum-* dicit, *est usus fœderis diabolici, neque ex parte hominis, neque ex parte dia-* *tum quin-* *boli.* Non ex parte hominis, quia decipiuntur ii, fatentibus adversariis, quando voluptatum, divitiarum, honorum &c. causa pacta inierunt, ac etsi non deciperentur, possent tamen hæc omnia levi industria & astutia sine pacto diabolico facile acquiri. Nec utile est pactum a parte diaboli. Nam 1) homines voluptatibus, avaritiæ & ambitioni dediti jam ante, pactum diaboli sunt mancipia. 2) Si dixeris, pactum iniiri a diabolo, ut hominibus noceat, respondetur, non noceri posse per hoc piis, sed nec impiis, quia diaboli sunt mancipia. Si dixeris, duplex vinculum fortius adstringere. Resp. 1) falsum hoc esse, quia Spizelius Theologus affirmet, quod Magi non adeo difficulter chirographum possint recipere, 2) homines etiam difficillime posse consequi dominium in affectus, adeoque, satis jam diabolo esse obnoxios. Ut omittam *Glawvili* ex Philosophiæ Cartesiana allatam responsionem, quod finis non sit cognitu necessarius ad rei alicujus demonstrationem, aut ad cognitionem ejus naturæ & existentiae. Resp. Usus rei alicujus est vel *verus* vel *imaginaris*. Licet igitur per fœdus diabolicum non impetretur usus vere intentus, sufficit tamen, si sibi persuadeant, & imaginentur aliquem contrabentes homines usum. Nihil namque in vita frequentius est, in primis inter eos, qui non ratione, sed imaginationibus & passionibus agitantur, quam ut sibi, nescio quid, persuadeant aut persuadere patiantur, & propter hanc persuasionem de concepta utilitate tantum imaginaria se ad negotium suscipiendum determinent actionibus suis. Itaque licet decipiantur cum, diabolo societatem ineuntes, persuaserunt tamen sibi usum aliquem, nimirum quod honores, voluptates aut divitias impetraturi essent. Quod additur, homines levi industria eadem consequi posse; ad illud repōnitur, quod leviori adhuc, imo levissima opera omnia impetrentur, si in arte hac exercitissimus dæmon media inspiret ea comparandi, quæ nemini tam facile in mentem venissent. Sunt etiam stupidi, qui nequidem ad inveniendum aliquod medium apti sunt, nisi ipsis illud ab

alio suppeditetur, id quod spiritus aliquis omnium facillime præstare novit. Igitur utile certe est pactum diabolicum a parte hominis. Diabolo pactum cum homine plane inutile esse, etiam sine ratione adstruitur. Dicitur quidem homines ambitioni, avaritiæ & voluptati deditos jam ante pactum esse Diaboli mancipia. Sed sciendum est, homines vitiis deditos in eo quidem statu versari, ut Diabolus ad ipsos aditum habeat patefactum, eosque ad obsequia sibi præstanda inclinare possit; inde tamen non consequitur, ipsos illius esse mancipia in sensu strictiori. Mancipium enim est, in quod quis pacto aut a majoribus inito, aut præsentis expresso, sive per bellum violenter, sive voluntario, adeoque jure pleno tale dominium exercet, ut ipsius imperium declinare nec velit, nec ullo modo possit, verum ipsi penitissime sit obnoxius. Hoc de hominibus, qui vitiis immergi sunt, dici nequit. Volant enim multi renunciare, secundum illud Medæ: Video meliora proboque &c. Ergo desiderant liberari a vitiis, licet illud faciant frigide & negligenter. Possunt etiam homines, quia divina misericordia ipsis semper præsto est, quatenus ipsi eandem non ejurarunt. Aliter vero sentiendum est de mancipiis diaboli, qui pacto expresso divinæ Gratiæ renunciavit, & se diaboli servitiis, quanti quanti sunt, consulto & data opera addiunt. Hi enim nec volunt divinæ Gratiæ esse participes, quia eam adspernantur, dum se omni conatu dedunt servitiis Diaboli, nec ex postfacto possunt, quia spiritus malignus jus habet in ipsos magis quæsitum ex conventionione & pacto expresso voluntario. De cetero quod dicitur, per pactum ejusmodi expressum nemini noceri posse, falsum est. Nam piis nocere quidem spiritus malignus nequit, si semper & omni ex parte forent perfecti, & pietati quovis momento & omni in re incumberent. Verum, quia vere etiam pii non absolute in hac vita confirmati sunt in bono, sed mox peccata præcipitantia, mox infirmitatis, imo etiam negligentia committunt, patet facile janua, ut Diabolus permissu Dei vel ipse, vel per maligna sua instrumenta iis nocere possit. Impiis autem nocet, ut ipsis viam magis præcludat, per pactum expressum se eripiendi quantocumque ex ejus potestate, quia sponte se ipsius obsequio devoverunt. Dicitur quidem, Magos se liberare posse a pacto Diaboli expresso, quia chirographum non adeo difficulter recipere possint; sed nemo Theologorum aut alius quispiam rem, prout est, ponderans dicet, hominem per pactum expressum societati diaboli innexum pari facilitate liberari posse ab ejus potestate, ac talem, qui communibus se tantum peccatis a Deo avertit. Dicunt

Dicunt quidem, etiam Magum liberari posse a potestate diaboli, quia ob infinitam Dei misericordiam hoc non plane sit impossibile; sed nunquam illi aut alii statuent, eadem facilitate liberari posse hominem a potestate Satanae, duplici vinculo ipsi obnoxium, quam communi pravitate peccantem, adeoque liberatio comparative intelligenda est. Hoc quidem non negatur, difficile esse homini etiam vere pio, se liberare a passionibus & vitiis suis, sed evidens tamen simul est, quanto graviora sint vitia, & quanto deteriores passionibus, eo etiam esse difficilius, se liberare ab ipsarum servitute. Qui vero societatem frequentem & pactum cum Diabolo expressum inuit, deterioris malitiae habitus induit, Ergo etiam omnium difficillime ab isto malitiae habitu liberabitur, quia praeter ea, quae homo peccator alias committit in vita, ex consortio diabolico foediori crimine se maculavit. Falsum proinde apparet esse, quod Spitzelius p. 3. der zerbrochenen Macht der Finsterniß ic. dixerit, uti disputatio de Crimine Magiae de eo inquit, non adeo difficulter Magos chirographum suum a diabolo recipere posse. Probari etenim hoc potest ex ipsius verbis, dum 1) p. 440. tantum inquit: Ob nun die Teuffelsche Bund und Zauberstücke über alle massen stark und grausam; so sind sie doch nicht unausslößlich und unzerbrechlich ic. 2) adstruit hanc ejus mentem, & quod difficulter ejusmodi pacta solvi posse autumaverit, exempla ab eodem p. 477, 478. & 545. allegata; 3) adhuc expressius ipse Cap. 5. adstruit hanc difficultatem per integrum capitis titulum, ita ab ipso conceptum: *Grosse Hinderung dieses heilsamen Befehrungs-Werkes an Seiten des leidigen Satans ic.* & p. 602. ait: *unleugbar ist zwar/ daß es mit solchem Erledigungs-Werke über die massen harte zugehet/ daß sich solche Todes-Stricke und Höllen-Bande so leicht nicht auflösen oder zureissen lassen/ allermeist darum/ weil der Satan mit seinem Herengefinde sich auf das genaueste vereinbaret/ und mit ihnen/ so zu reden/ ein Geist wird/ überdas (vornehmlich bey allgemeinen Versammlungen) die Verleugnüß Gottes wiederholen/ und die dem Satan gethane Verheissungen mit erschrecklichen Schwüren bekräftigen sollen.* Capitis seq. VI. titulus hic est: *Schwerigkeit solcher bußfertigen Aufrichtungen an Seiten der Teuffelischen Buhl und Bundesverwandten selber ic.* & p. 608. recenset causas, cur multi, etiam si ipsi respicere videantur, facile tamen ad priorem consuetudinem redeant. Ex quibus aliisque, an facilem pactorum diabolicorum dissolutionem concesserit Spitzelius, alii judicent. Nihilominus fac asseverandum

eum tale quid, istud sane huic quæstioni parum aut nihil negotii facesset, & idcirco tamen celeberrimi Autoris conclusio nondum corroborabitur.

*Accessus ad
proban-
dam asser-
tionem,
de Cautio-
ne Crimi-
nali & de
Auctoribus
prudenti-
am sua-
dentibus
in processu
contra sa-
3a.*

§. 24. Tantum de solutione argumentorum sententiæ negantis, unde constare potest, an solide quid a Beckero, & qui ipsum sequuntur, allatum sit. Superest, ut nostram sententiam proponamus. In quo sic versari nos decet, ut amicum Platonem & amicum Aristotelem habeamus, semper tamen magis amicam veritatem veneremur. Quare vitio nobis verti non potest, si neque Carpzovii, neque Spitzeli, nec alterius, quisquis tandem sit, partes, quas disputatio ex instituto oppugnat, semper & ubique sequamur, neque etiam in omnibus rejiciamus studium & bonam intentionem Auctoris Thesium Inauguralium de Crim. Magiæ, coarguentis abusus processuum & opinionum in hoc argumento, quanquam id jamtum multi ante ipsum præstiterint, uti Malleus Judicum, Cautio Criminalis, Joh. Matth. Meyfartus in der Christlichen Erinnerung an Regenten und Prediger, wie das Laster der Zauberey mit Ernst auszurotten / und bescheydentlich zu verfolgen sey etc. quæ scripta hoc anno conjunctim Idiomatice Germanico in 4to impressa, adjunctis diversis processibus edita sunt Halæ a L. Johanne Reichio, qui disputationem de Crim. Magiæ vulgavit; ejus Viri Clariss. pace id unicum dixerim, adductos Auctores concessa Magiæ existentia id velle, ut prudentia, circumspectio, & æquitas debita in Processu circa Magiam adhibeatur. Quod *Malleus Judicum* Magiam & lamas concedat, perspicuum est ex Cap. IX, ubi docetur, quomodo legitime tolli possit non superstitio magiæ, sed crimen hoc ipsum. Frustra autem media suggeruntur, quomodo res tolli queat, quæ non extitit. *Meyfartus* autem in Præf. deprecatur Judicium de se, quasi omnem legitimum processum tollere vellet. *Cautio Criminalis*, uti superius jamtum §. 11. monuimus, *dubio 1. p. m. 2.* diserte ait: id omnino tenendum existimo, re vera in mundo maleficos aliquot esse, nec id sine temeritate ac præposteri judicii nota negari posse; *dubio autem 6. & 12.* docet, non cessandum esse a cauta, circumspecta & minime periculosa inquisitione, ob quatuor rationes *dub. 6.* allatas. Quod vero Consultissimus Editor hanc sententiam stolidam appellat in Præf. in eo, ut ne plus dicamus, fallitur. Nam citra præjudicium & secundum bonæ interpretationis normam librum inspicienti ex *dub. 3. 7. & 48.* quæ in contrarium sibi favere credit, hoc maxime manifestum est 1) dari Magiam, uti expresse verba paulo ante allegata & ratio ex *dubio 6. & 12.* probat, cui addi potest *dub. 3.* in quo crimen hoc esse atrocissimum, enormissimum, gravissi-
mum

num dicitur, quia in eo concurrunt circumstantiæ criminum enormissimorum, apostasiæ, hæreseos, sacrilegii, blasphemiæ, homicidii, parricidii. 2) patet, Magiam & lamiæ atroci ignis remedio similibusque extirpari non posse, sed aliis mitioribus pœnis, *dub. 7.* hinc recte circa hanc rem statuumdum & inquirendum esse, quoniam dæmon etiam innocentes in tripudiis posset repræsentare, quod ostenditur refutatione argumenti *dub. 8.* Hæc igitur non præcipitanter ad semel conceptam de Autore opinionem stabilendam, sed ad legitimas Interpretationis regulas exigenda & accipienda sunt, tunc enim nullis conjecturis, quibus textus repugnat, opus erit. Verum, ut in viam, unde digressi sumus, redeamus, veritati locum ubique concedentes, ea consectabimur & defendemus, quæ iustis principiis & fundamentis subnixæ sunt.

§. 25. Ut autem distincte procedamus & vera a falsis separemus, an- *Principia*
tequam spiritum in materiam & corpus operari posse probamus, melioris *ex quibus*
lucis causa in re difficili & impedita præmittemus nonnulla principia, quæ *nostra de-*
natura nota sunt, & extra dubitationem posita. *Primum est:* Simile in *monstratio*
aliud sibi natura simile potest operari. *Ratio est,* quia res, quæ natura-
affinitatem habet cum alia, proportionem alteri & æqualitate essentia re-
spondet. Quæ autem eandem aut similem habent essentiam, se facile
possunt contingere, & sese invicem communicare. Hinc nemo dubi-
tat, corpus unum posse alterum contingere, & eidem motum imprimere.
Habent enim hæc inter se proportionem & similitudinem naturæ. Sic
cogitatio potest agere in cogitationem, ut se moveat, non vero in corpus,
cui cogitatio immediate non est connexa: v. g. jubeo famulo, ut afferat
seu loco moveat librum; cogitatio mea sive desiderium meum aut vo-
luntas non movebit librum, quem desidero, sed tamen cogitatio mea mo-
vebit cogitationem famuli, & hujus cogitatio ipsius cogitationi con-
nexum corpus, & corpus famuli movebit per contactum, librum deside-
ratum, ut voto meæ voluntatis hac operatione fruatur. *Secundum* princi-
pium est: Quæ nullam habent inter se naturæ proportionem, connexio-
nem aut similitudinem, si medium aliquod inter hæc intercesserit,
in se invicem operari & agere possunt. Nam vi istius mediæ pro-
portionem, connexionem aut similitudinem aliquam inter se conse-
quuntur. Itaque videmus, quod anima cogitans possit movere ma-
num, licet cogitatio nostra & manus nullam habeant inter se pro-
portionem. Medium enim inter hæc duo sunt spiritus anima-

les, * subtiliores aut subtilissimi, qui ad nutum voluntatis agitantur & moventur, posito, quod in statu naturali, non vero præternaturali constituti sint, & quod cogitatio seu propositum movendi spiritus animales, firmum & efficax existat. *Tertium est*: Tanta, si non major, est subtilitas aeris tenuissimi, aut ætheris, qui Cartesio materia primi elementi vocatur, ** quanta spirituum animalium in corpore humano. Quia, si Spiritus animales in corpore humano sunt materiales, subtiliorem materiam, ex qua componuntur, habere nequeunt, quam aerem aut æthera; nulla enim materia primo elemento subtilior in rerum natura habetur, sed est omnium subtilissima. *Quartum est*: Spiritus est Ens reale, & proinde plus quam nihil, h. e. vera ac solida substantia; quæ proinde desiderando, volendo, & intelligendo effectus reales edere potest. Alias enim spiritus, anima & cogitatio nihil, aut mortuum, & plane inefficax quid forent, quod est absurdum.

§. 26. Ex his principiis ostendi nunc potest, quomodo & quales Ope-

* Hodie nonnulli Medicorum putant, Spiritus animales esse mediz naturæ aut ex materia non subtilissima primi elementi, sed subtili secundi Cartesiani elementi compositos. Ratio ipsorum est, quia materiz subtilissimæ omnia sunt pervia ob subtilitatem, adeoque hæc materia nullum morum curare posset, sed omnia pervaderet in corpore subtilitate, ut ne motus commode imprimi materiz crassiori valeret. Sed materia subtilis secundi Elementi Cartesiani, aliquantisper crassior est, hinc & contingi & moveri ab alio, & ipsa iterum alteri rei, uti sanguini, morum imprimere apta est. *Vid.* Jac. Rhaulti Tr. Phys. Lib. 4. c. 7. *Job. Craanen Tr. de Homine & Conf. Excell. Dn. D. Bohnii nostri Circulus Anatomicus Physiol. Progygn. XIX. p. 308. 318.* ubi Spiritus animales esse æreæ Naturæ, & æris partes inspiratas constituere statuit. Quomodo producantur Spiritus animales in Cerebro, explicat Cartesius de *Passion. p. 1. art. X.* Quomodo Spirituum animalium in cerebro ac sanguine fiat secretio, explicatur de *Homine p. 1. §. 12. p. m. 21.* quod sint principium motus *p. 1. §. 14.* qua ratione in nervos deducantur *§. 91.* Quicquid horum sit, ad nostrum Institutum apprimè quadrant.

** De materia primi Elementi egit Cartesius *p. 3. Princip. §. 69. seq. Opp. p. 63. edit. Francof.* de tribus elementis & eorum origine *Princip. p. 3. §. 47. seq.* de celeritate motus *l. 1. §. 87. seq.* Ad singula loca videri possunt Notæ Ludov. de la Forge, quæ in *Ed. Opp. Francof.* exant. *Job. Clauberg.* autem in phys. contracta *c. 17.* de tribus mundi Elem. agit, & quod ad triplex rerum genus referantur, septem argumentis demonstravit. § autem 441. materiam primi elementi descripsit. *Ant. le Grand,* fidelissimus Cartesiani Philosophiæ Interpres, Institutionibus secundum principia D. Renati des Cartes *p. 4. a. 7. p. m. 176. Ed. Lond.* pariter agit de triplici genere materiz, & quod plura tribus non sint mundi elementis, adstruit, quæ raven in præsentî demonstratione, ut, veluti nostra, firmemus, necesse non est.

Operationes ab unare in alteram proficiantur, & quznam non proficiantur. Verum quia nostrum hac vice tantum est, existentiam Spiritus fratio, errorum probare, quod fieri commode nequit, nisi prius Spiritum operari quod Diabolus operari possit in materiam demonstraretur, unica hac demonstratione contenti erimus, nimirum quod Spiritus separatus operetur, aut operari aut agere possit in materiam. Argumentum est tale: Si anima cogitans, aut voluntas in homine (quæ in Dissert. ad Poiretum §. 2. Hyp. 1. §. 1. Spiritus vocatur, quem homo cum aliis creaturis sublunariis potissimum communem habet; & per §. 5. gradu tantum differt a reliquis creaturis; per §. 28. corporeis rebus & astris subijcitur; per §. 26. post mortem redit ad Spiritum magneticum terræ, uti anima bestiarum, & contradistinguitur Spiritui divino in homine. Licet alii aliter hic philosophentur, quod nos discutere nolumus, quia nihil inde sententiæ nostræ decessit.) Spiritibus animalibus & consequenter toti corpori motum potest imprimere, & illud agere aut operari; sequitur, quod Spiritus etiam separatus v. g. Diabolus per ætherem agere & operari possit in materiam & corpus. Connexio probatur, quia parium, par est ratio * quod per se satis evidens est. Sunt autem hoc loco pares & omnia paria, nam 1.) in anima est cogitatio & voluntas; in spiritu etiam

E 2

iam

* Aliqui ex Medicis animam hominis rationalem materialem esse docent, quia concipere non possunt, quomodo alias in materiam agere valeat, dicuntque, ipsi materiam, tanquam accidens inseparabile cognitionem fuisse additam; ast, ut taceamus, demonstrasse nos heic, quomodo hoc fieri possit, itemque quod haut difficilior fuerit Creatori materiam potentius immaterialibus instruire, quam animam ipsam totam immaterialem condere. Conf. B. D. Petrmanni Diss. physiol. 4ta. Hæc omnia tamen nos non stringunt, cum de anima cogitante ut ejus cogitatione & voluntate, quas five quis pro accidenti illius inseparabili immateriali seu pro ipsa ejus essentia habere velit, eadem nobis sunt. Immo si & ipsi Spiritus separati pro materialibus reputarentur, cum multis prisca Philosophis, nec paucis Patrum, veluti Tertullianus, Macarius, Basilus, Origenes, Gregorius, Augustinus, atque insuper, Isidorus, Mercurius Trismegistus, Petr. Lombardus, fecerit, alique, qui tamen cum Tertulliano intellexerunt materiam, non tam crassam, uti alia corpora, sed resalem subtilissimam, & crediderunt, Angelos esse aut tenuissima & æthere corpora, aut iis saltem indutos: tanto facilius nobis foret demonstratio, quod demon, per vim intellectus sui & scientiæ in naturalibus, tanquam Spiritus materialis condensare facili negotio possit coherentem sibi materiam realem subtilissimam, adeoque sub forma visibili hominibus comparere, ita, ut omnia hæc alæque, quam heterodoxa demum esse sint, heic ad nos nihil attineant. Junge docti Theologi, Jo. Musæi Dissert. Theol. part. 1. Diss. 6. de Angelis §. 6. ubi Patrum loca, Origenis, Tertulliani, Lactantii, Augustini, Cassiani, Damasceni & Græcorum ac Latinerum Scriptorum, citat, qui corpulentiam angelis tribuunt.

iam est cogitatio & voluntas. 2) Habent par medium, proportionem aut similitudinem ad operandum. Anima cogitans sive voluntas pro medio operandi in corpus habet Spiritus animales; Spiritus separatus pro medio idem habet, nempe aërem, quæ ejusdem, quam Spiritus animales, est naturæ & subtilitatis, uti *principium III. §. præced.* probat. Quæ autem connexionem aut similitudinem per medium inter se habent, in se invicem, possunt operari & agere, quod patet ex *principio II.* licet sint diversæ naturæ. Nec obstat, quod non concipi rite possit, quomodo Voluntas aut cogitatio moveat materiam. Nam Spiritus cogitans aut ejus voluntas est Ens aliquod reale, ut claret ex *principio IV.* Ens autem reale reales etiam efficaciter volendo producet effectus, h. e. movebit Spiritus animales, aërem &c. licet nos propter subtilitatem operationis non possimus directe videre formam aut modum, quomodo sese contingant, & in se agant ens cogitans & subtiliter extensum. Satis est, quod effectus nobis manifestus & apertus sit, uti in anima quisque deprehendere potest. 3) Tendunt ad unum effectum: Anima cogitans aut voluntas tendit ad movendam materiam, aut agendum in corpus, cum quo connexionem aut proportionem habet; Spiritus separatus cogitans, aut ejus Voluntas, tendit ad movendam materiam, aut agendum in corpus, cum quo connexionem aut proportionem aliquam habet. Itaque quemadmodum anima cogitans aut volens movet, agit & operatur in materiam, sic quoque aget, movebit & operabitur Spiritus separatus in materiam. Scio, quod dubium, in argumentatione proposita videri queat: Ratiocinamur ab anima humana cogitante ad Spiritum separatum. At anima humana cogitans cum spiritibus animalibus, & toti adeo corpori, motum imprimit, & in illud agit aut operatur, id facit in statu unionis, & exequitur in materiam, & corpus, ad quod singulari Dei voluntate consilioque determinata est; idcirco dicitur Spiritus incompletus, & substantia in essendo incompleta, quia ad solidam hominis constitutionem anima & corpus requiruntur; in statu separationis considerata & a corpore sejuncta in corpus non agit. Quicquid autem agit in corpus sibi a Deo destinatum, id fit ob vinculum, cujus ratio investigatu perdifficilis est. Spiritus contra separatus, uti ad materiam non determinatur, ita completus est, neque adeo in materiam, qua cum ei nihil commercii intercedere Deus voluit, agendi capax. Sed non obis suffecerit, animam cogitantem perinde Spiritum esse. Agit quidem in corpus, quod Deus ad constitutionem hominis ordinavit ex singulari Dei voluntate, qui corpori eam præstitit. Exinde tamen constat, cum in materiam agat, ut Spiritus, Spiritus naturæ non repugnare, ut agat

in

in corpus. Deus enim non vult, nec jubet, quæ sunt contradictoria. Igitur si animæ cogitanti licet agere in corpus, Spiritui etiam separato licebit. Id quod exemplo quoque ipsius Dei Angelorumque probatur, qui in sacris literis sæpe multumque hominibus sub forma corporea apparuerunt. Anima vero, ubi e corpore excessit, in materiam agere non potest, quia non invenit materiam, ubi ab excessu versatur. Etenim non entis nulla sunt accidentia: Secus de diabolo pronunciandum est, qui princeps mundi in mundo omnia alia materialia & visibilia invenit & agit, ut taceant, non esse absurdum, animam etiam separatam agere permissu divino in materialia posse.

§. 27. Demonstratum est in §. præced. spiritum separatum posse *Quod diabolus agere in corpore, illudque movere possit.* movere & operari aut agere in materiam, ex quo, iusta consecutionis lege, colligitur, spiritum separatum posse assumere corpus. Argumentatio est talis: *Qui potest movere, agere & operari in materiam, si agens est ens intelligens, potest etiam movere, agere & operari in corpore, quia materia & corpus, quod ad substantiam, idem sunt, & differunt tantum, ut latius, quod est materia, & strictius, quod est corpus compositum ex materia.* Porro *qui potest, movere, agere & operari in corpore, is potest corpus assumere.* Tò enim assumere, ut superius §. 7. in fin. & §. 19. explicatum est, accipitur pro actione aut operatione in corpus vel jam existens; vel pro actione, qua ex materia quadam corpus condensatur aut componitur. Proinde qui varie movere, agere & operari potest in materiam, is componet, dividet, & condensabit materiam, ut corpus exhibeat, & in illo operationes suas, quas volet, pro dispositione corporis formati edere poterit.

§. 28. Non difficile porro probatu est, diabolum posse induere cornua, ungulas, ungues, aut forma quadam alia se conspiciendum præbere, quod superius ab Adversario nostro negabatur §. 18. Colligimus contra hanc sententiam hunc in modum: *Qui corpus potest assumere, etiam cornua, ungulas aut aliam formam potest assumere.* Nam cornua, ungulae &c. sunt pars corporis, & qui assumere potest totum, facile etiam partem assumere valebit. Sed spiritus separatus potest assumere corpus, uti §. præcedente probatum est; quare etiam cornua, ungulas, aut aliam formam assumet, aut corpus animabit. Disputamus autem hoc loco, quid diabolus facere possit, sed haut inviti concedimus, multas fraudes, imposturas, & sensuum deceptiones ex hominum, quorum imaginatio corrupta est, imbecillitate & phantasia sese ingerere, adeoque rite verum a falso, instituta

tuta legitima inquisitione discernendum est. Videatur hanc in rem elegantissime Deulingius, Medicus, in fascic. Dispp. Dissertatione de Lycanthropia. Quomodo enim, quod multi perperam vident, aut ictero suffuso oculo omnia flava apparent, non sequitur, neminem hominum recte videre, aut omnes colores omnibus flavos apparere; ita etiam hoc loco, quia multi, imaginatione corrupta, sibi diabolum additare falso fingunt, non tamen propterea dicendum est, alios ipsum nunquam vel conspiciere posse, vel diabolum se nunquam in assumpta forma aut condensata materia, vel saltem umbra, conspiciendum forma visibili exhibere posse.

Quod den- §. 29. Eadem opera & veluti continuo nexu probabimus dari spectra, cuius rei gratia priora omnia a nobis allata sunt. Demonstratio nostra hæc est: *Qui potest induere varias figuras, v.g. ungulas, cornua, aut aliam speciem, in quoque terrere potest homines.* Consequentia est manifestissima, quia ex definitione §. 4. constat, quod spectra nihil aliud sunt, quam formæ aut apparitiones externæ, quas diabolus assumpsit, ut homines exterreat, aut aliis rebus immineat. Hinc eo ipso, dum varias figuras externas diabolus assumpsit, spectra exhibet, iisque homines exterret. Sed diabolus potest induere varias figuras externas & species visibiles, uti §. præc. ostendit, Ergo spectra terrere potest homines, ac proinde *dantur spectra.* Hoc argumentum ex ratione desumptum est, & tamdiu persistabit, donec contra superius adducta principia demonstretur, spiritum, cumque vel Deum ipsum aut Angelum, operari non posse in materiam.

Dantur §. 30. Ex iisdem principiis evidenter sequitur, *dari Magos, Sagas & Magi, Sagas & Lamias,* & tales, qui cum diabolo pactum expressum, etiam visibili forma, *& Lamia,* contrahunt, aut contrahere possunt. Namque ex parte hominis nullum plane dubium est, quin consignare quippiam calamo & sanguine possit, atque se hoc modo alicui obstringere. Ex parte vero diaboli demonstratum est §. 27. quod possit assumere corpus, eo modo, quo §. 19. & 7. in fine explicatum est. Itaque cum homo se possit signis externis alicui obstringere; diabolus autem corpus assumere, & per consequens visibili forma ab aliquo exigere quippiam, sequitur ut concludamus, dari ejusmodi homines, qui sese pacto explicito diabolo, visibiliter apparenti, obstringere possint, quos Magorum, Strigarum aut Lamiarum nomine appellare solemus. Quoniam *Godelmannus* distinctionem aliquam inter hos constituit, ut in historicis a nobis notatum est infra.

§. 31. Satisfecisse igitur nos vel hac sola demonstratione cum non numero, sed soliditate potius argumentorum pugnandum sit, arbitramur postulato *Beckeri in der bezauberten Welt l. 3. c. 3. §. 2.* & qui ejus metho- do insistit *Viri docti §. 13. d. disput.* dum uterque contendit, quoniam nos affirmamus, dari operationem spirituum in corpora; & quod huic cons- quens est, etiam spectra, ipsi autem negant; nobis inprimis incumbere, ut thesin nostram probemus, non ipsis, qui negant; quod nisi fecerimus, futurum, ut non ipsi, sed nos causa eademus. Cum enim hæc, quæ vulgo traduntur, de operationibus demonum & spectris, in facto consistant; facta autem non præsumantur, nisi clarissima sint, aut occidisse clarissime probentur; putant, etiam si pro negante nulla afferretur ratio; tamen, si a Judice etiam indoctissimo pronunciaretur sententia, negantes esse absolvendos. Quod uti concedimus; ita nostris non defuisse partibus, in probando, ex allata demonstratione constabit.

§. 32. Naturam ergo & rationem cuique homini propriam sequi. Non defen- ti, inherere minime volumus argumentis à Ictis aut Theologis vulgo- dimus la- ti ferri solitis. Quare si *Carpovium*, quem ex præjudicio minus stringen- psus Carp- tes hominem accurate inquirentem rationes hoc loco dedisse ingenue- zovii, Spi- concedemus, nullum plane firmum attulisse argumentum pro Magiæ ex- zelii, alio- ramque- istentia; aut si *Spizelius*, vel Theologorum alius quispiam, argumenta, quæ minus solida sunt, adduxit, quod utrumque nos non præfracte nega- bimus, nostrum non erit, pro ipsis respondere. Faciant hoc illi, qui hu- manæ autoritati sic innituntur, ut neque *Carpovium* errare, neque *Spize- lium* falli posse, sibi persuadeant, & quorum refert, ut *Carpovium* & *Spizelium*, aut si qui alii in hac controversia aliquid ediderunt, solida sem- per & vera docuisse omnibus ingenii nervis defendant. Quo labore nos vacare possumus, qui veris demonstrationibus & rationum pondere ducti- mur, minime omnium solliciti, quam bene aut male quispiam rem, quam probandam suscepit, demonstraverit, utut negare non possimus, parcius & modestius quandoque de Viris, qui tot tantisque meritis præ aliis cla- ruerunt, scribi debere.

§. 33. Pari ratione etiam dimittimus illa argumenta, quæ alias pro Non argu- existentia spectrorum, ex actis publicis, indiciorum loco, vulgo urgeri so- mus argu- lent vel possunt, contra quæ insigniter se gessit in peculiari dissertatione de fallacibus indiciis Magiæ *Vir eruditione clarus Dr. Henricus Bodinus, Ha- ab experi- laz Magd. Anno 1701. habita.* Inter reliqua etiam argumenta est illud, entia fida & circum- quod temerarium sit omnibus hominibus, inprimis vero iis, de quibus *Spizela-* constat,

constat, quod rectæ rationis indicio, mentis robore & circumspecta prudentia utantur, in dijudicandis rebus sibi oblatis, velle asseverationis ipsorū veritatem denegare. „ Graviter disserit *Philosophia Burgundica*, quod ne-
 „ mo, nisi insanire velit, innumera pene, quæ historiarum monumentis sunt
 „ consignata, uti Pharsalicam pugnam, aut quæ in dissitis regionibus obser-
 „ vata, & omnium consensione recepta sunt, in dubium revocarit. Sic no-
 „ mo, nisi itidem pertinax, quæ de Magorum maleficiis & energumenis, aut
 „ oraculis, aut spectris a summis Viris tradita sunt, ut commentitia & ficta
 „ condemnaverit. Præsertim cum in rerum gestarū fide & doctrina, & inge-
 „ nii perspicacia, & morum probitate præcellentium testimonio, cum de re-
 „ bus a se visis testantur, potius credi oporteat, quam per paucis hominibus,
 „ qui negant, quippiam a se visum aut comprehensum, quodque tacito
 „ omnium consensu receptum, præsertim ubi de rerum, quæ in vita ho-
 „ minum posite sunt, existentia agitur, atq; omnia Veritatis indicia se pro-
 „ dunt, in dubium revocari non potest. Exemplum ex Gallo Autore, quos
 „ imitandos esse in Programmate publico inculcat Celeberr. Præses Dissert.
 „ de Crim. Mag. hic curiositatis magis gratia, quam ut aliquam illustrationem
 „ inde argumento nostro conciliare velimus, legendum suademus in Com-
 „ mentariis Rochefortii, p. 425. *Henricus Morus* parallelum plane ex Baronio
 „ refert exemplum, *Opp. t. 2. p. 382. c. 16.* ubi de immortalitate animæ agit. Ac
 „ cum defuturi forte non sint lectores, qui vidisse sese testabuntur, publica
 „ certe iudicio id constare videatur, revocabo tantum in memoriam celebre
 „ spectrum, albæ scæminæ insignitum nomine, quod instante obitu Sereniss.
 „ Marchionum Brandenburg. virilis pariter ac sequioris sexus, conspicien-
 „ dum se præbet. Quod in oratione funebri Johannis Sigismundi, Mar-
 „ chionis Brandenburgici, Electoris nominis hujus filii, D. Joh. Georgius
 „ Bergius extra dubitationem ponit: *S. Fürstl. Gnaden fragten endlich /*
ob man auch die weisse Frau wieder gesehen? und zwar / es hatte nicht
allein dieselben Tage / sondern auch die ganze Zeit her / in welcher der hoch-
ste Gott das Haus Brandenburg mit so manchen Todes - Fällen heimges-
sucht / ein solch Gesicht in leidtragender weisser Gestalt auf dem Churfürstl.
Hause zu unterschiedlichen mahlen allerhand Standes und Alters / auch
Fürstl. Personen / jedoch ohne schädliches Schrecken / oder jemand's Verle-
hung / sich sehen lassen / also / daß man nicht mehr daran zu zweiffeln / wie wol
auch unter dem gemeinen Mann viel darzu gedichtet / und hin und wieder
ohne Grund spargiret worden. Cetera prætermitto, quæ memorat Bo-
 huslaus Balbinus, *Decad. 1. Miscell. Hist. Bohem. L. III. c. 19. §. 3. f. 220. &*
 tot

tot alii. Inter quos tamen reticere non potest doctissimus Jo. Alb. Fabricius, qui Kiliz sub præsidio Dn. D. Joh. Frid. Mayeri, Anno 1699. Exercitationem Theologicam Inauguralem habuit de recordatione animæ humanæ post fata superstitis, quam Programmate cohonestavit prælaudatus modo Dn. Mayerus, in quibus utrinque eximie hanc in rem rationes & exempla commemorantur. Quod a Cardano de rerum varietate *libr. 16. c. 93.* recensetur, sit penes eum fides ejus. Facius nimirum Cardanus, Hieronymi Cardani pater, dæmonem æthereum, ut ipse dicebat, diu familiarem habuit, qui, quamdiu conjuratione usus est, vera illi dabat responsa, cum autem illam excussisset, veniebat quidem, sed responsa falsa dabat. Tenuit igitur annis viginti octo cum conjuratione, solutum autem circiter quinque. Dum adstrictus esset, commodum se satis exhibebat; neque solus semper, licet plerumque; sed aliquando etiam cum sociis veniebat. Vid. *Magic. s. mirabilia hist. de spectr. & appar. Spir. Lib. 12. lib. 1597.* cura, typis & sumptibus Henningi Grosii, Bibliop. Lips. Licet ergo fatui quidam, timidi & imperiti falsa quandoque de spectrorum apparitionibus retulerint, constat tamen, neminem hominum rerum omnium experientiam consequi posse. Quare si nihil admittendum est aut credendum, quod quisque experiendo non vidit, negabitur a plerisque, Indiarum Orientalem & Occidentalem habitari ab hominibus, dari pisces volatiles & cætera monstra marina navigantibus occurrere, imo omnis historiarum fides concidet, quoniam paucissimi res istas sensibus suis perceperunt, plurima etiam fabulosa veris narrationibus immiscentur. Ridebitur tamen ejusmodi Philosophus domi confidens a nautis & peregrinantibus, qui tanquam infans de instantum fari novit, quæ capit, & in materna domo aut civitate conspexit; cætera vero omnia pro falsis & absurdis habet, quæ aliis, quibus major lustrandi orbem copia contigit, quotidiana & certissima Experientia perspecta sunt. Attinet huc, quod circumspecte pronunciat eadem *Philosophia Burgundica*, atque, ut alibi innuimus, id rectus rationis usus exigit, ut infinitis prope rebus, quas ex hominum relatione accepimus, fidem habeamus: cum magna pars cognitionis nostræ ex hoc veluti fonte dimanet. Quanquam ne in diversum nimia credulitate peccemus, cavendum est. Sed illud deformis pertinaciæ est argumentum, cum iis, quæ oculati testes sanctitate & doctrina præcellentes publice facta referant, fidem detrahimus, non alia persuasione, quam quod sint insolita & præter consuetum naturæ ordinem. Neque illud ab instituto nostro alienum est, quod consequitur. Atque haud scio, an dæmones,

F

aut

„aut magorum prastigia, aut energumeni in animum cujusquam venire
„potuissent, si nihil ex iis omnibus unquam extitisset, nedum id omnium aeta-
„tum testimoniis & consensu esset approbatum, *Metaphys. Tr. III. Append.*
„p. m. 534.

*Nec Theo-
logis nisi
Scriptura
monstrat
probatio-
nibus
neque ex
Scriptura
Sacra.*

§. 34. Neque etiam pugnabimus argumentis Theologicis ex Sacra
Scriptura depromptis; inter quæ notissima sunt, quæ de spectro Endoreo
Samuelis ex 1. Sam. XXVIII, 7. seq. & de tentatione Christi Matth. IV.
v. 1. seq. afferri solent. Non enim animus nobis fuit, ad sacra decurrere cum
Philosopho, qui in ratione hætenus acquiescere maluit, præcipue cum fir-
miter persuasi simus, temere ab adversariis Veteris Testamenti loca evolvi,
cum fontes Hebraicos adeo exacte nobiscum non intelligant. Cætera quæ ex
doctrinis Scripturarum deduci solent, Theologi, quos hæc res propius tangit,
uti ipsorum exigat officium, satis solide ostendent. Ut reliquos taceamus, ii
evolvantur, quos hanc in rem nominant Dn. D. *Egidius Strauchius* in Sa-
muele personato, Gedani anno 1681. ævulgato; & Dn. Johannes Franci-
scus Buddæus (qui potius est Dn. D. Joachimus Justus Breithaupt istius
tunc temporis Prorektoris loco stylum moderatus,) in Program-
mate Halæ Magd. 1701. publicato. Optandum præterea foret, ut,
si non majori, eadem saltem scribendi modestia controversiæ hæc ab omni-
bus, & præcipue ab iis, qui Christiani Philosophi nomen suscipere volunt,
agitata fuissent aut agitentur, quam quidem a Beckero factum est, qui se-
ductionem a Diabolo per serpentem in Paradiso factam expresse non ne-
gat, sed dubitationes saltem suas de sensu & explicatione loci, quæ circa
eum & hanc in rem ipsi sunt enata, profert, non alio fine, quam ut locus hic
suz demonstrationi non obijciatur, sed solum tanguam dubius seponatur.
De tentatione autem Christi nunquam dicere ausus est tam procaciter &
sarcastice, uti in disputatione §. 30. habetur, convenire prius interpre-
tes debere de intellectu historię, utrum per imaginationem Christi vigilan-
tis, utrum per somnium dormientis tentatio illa facta sit, an vero per ho-
minem impostorem? Sed nos, uti monuimus, ab hisce controversiis atque
difficultate explicationum merito abstinemus, atque Theologis isthac o-
mnia excutienda relinquimus. Interea lectu dignissimus est locus penes
Lucam c. XXIV. 37. ubi in historia Evangelica dicitur, quod discipuli ex-
istimaverint, se videre spiritum aut spectrum, (in Græco enim non legitur,
uti apud Matth. XIV, 16. & Marc. VI, 49. vox *φάντασμα*, quod adversa-
rii ibidem captant, sed *πνεῦμα*, quod Lutherus vertit, *einen Geist*) cum
Christus post resurrectionem suam se ipsis conspiciendum præberet. Et
in originali quidem textu porro habetur *ἴδωμεν*, quod intueri aut contempla-

templari significat. Quoniam vero purus spiritus oculis corporeis considerari nequit, hinc exultimabant discipuli, spiritum aliquem assumsisse formam aliquam externam, atque in ista apparere, ut ipsum sub forma aut specie Servatoris intueri aut contemplari possent. Ex quo constat, credidisse discipulos Christi apparitionem Spectrorum, & quidem ejusmodi Spectrorum, ubi Spiritus assumsit corpus aut speciem corporis, quæ in oculos ipsorum incidere potuit.

§. 35. Verum ne hoc quidem testimonium, licet valde sit perspicuum, in confirmationem nostræ sententiæ ob rationem καὶ ἀνθρώπων superius adductam afferemus; adeoque nullum prorsus præsidium ex alienis castris, & quod quæstioni præjudiciali de μεταβάσει ἡς ἀλλογίας ansam dare posset, nobis comparare studebimus.

§. 36. His ita sese habentibus, uti quoque possemus ultimo loco *De argumentis ex propria hypothese & verbis Celeberrimi Præsidis desumptis.* Verum, quoniam demonstrationi sic dictæ καὶ ἀνθρώπων non inherere animus est, obiter tantum eam attingimus. Statuit nimirum Celeberrimus Præsis §. 7. sæpius citatæ disputationis, compelli omnino Philosophiæ corpuseularis & mechanicæ assellas, ut secundum hypotheses *mi.*

suas a Beckeri principiis & conclusionibus serio dissentire non possint, quomodo autem ipse hoc facere queat, explicat. Verba ipsius sequentia hæc sunt l. c. *At nos, qui Philosophiam antiquissimam spiritualem sequimur, non solum credimus, sed & aliquo modo scimus, diabolum esse Principem tenebrarum & aëris, b. e. substantiam spirituales seu invisibilem spirituali seu invisibili modo, mediante aëre & corpusculis naturalibus aqueis, aut terrestribus operantem in hominibus improbis.* Ex quo aperta consecutione deduci potest, Spiritum operari in corpora & corpus assumere posse. Nam qui tanquam Princeps aëris & tenebrarum mediante aëre aut corpusculis naturalibus aëreis aut terrestribus operari potest in improbis, uti nobis conceditur; is etiam, & vel primo loco operatur in corpuscula naturalia, aquea, terrestria aut aërea. Per quod enim quis tanquam instrumentum aut medium operatur, in illud medium idem prius operatur, quam in eum improbum, in quo ultima operatio terminatur. Itaque diabolus potest operari in corpora. Ex quo porro consequitur, quod, qui operari potest in corpora aut materiam, is etiam corpus aut materiam animando, condensando, aut alio modo sibi adaptare potis est, ut in illo operationes suas perficiat. Hoc enim nos vocamus corpus assumere, v. §. 7. in fin. & §. 19. Itaque diabolus assumere potest corpus. Et qui operari in corpus, &

illud sibi assumere valet, is quoque partem corporis v. g. manum, unguem digitum, aut, si vis, ungulam aut cornua assumere potest. Unde manifestum est, negandam plane esse operationem Spiritus in materiam, a qua sententia tamen alieni esse volunt Dominus Præses & Auctor Theſium de Crimine Magiæ, uti ex adductis eorundem verbis apparet, aut alioquin sibi contradicunt, vel concedendum erit, Spiritum assumere corpora aut partes corporis, & multo adhuc facilius umbras & spectra visibilia excitare posse, ac proinde dari Magiam & effectus magicos, h. e. tales, qui a diabolo in corporibus aut materia visibili ratione peragantur, in quorum numero Spectra etiam locum occupant.

Secundum.

§. 37. Clarius adhuc & fere compendiosius urgeri potest argumentum ex definitione Spiritus Viri Celeberrimi contra ipsum. Statuit enim, vel potius definit, im Versuch vom Wesen des Geistes / c. 4. §. 56. §. 70. spiritum esse vim, h. e. ens, quod citra materiam consistere potest, in quo omnes res materiales moventur, quod ipsis motum largiatur, materiam expandit, dividit, comprimit, attrahit, repellit, frige facit, penetrat, & verbo, in eam operatur, ipsique debitam formam largiatur. C. 4. §. 26. statuit omne illud, quod in materia operatur esse spiritum. Similiter in scripto contra Doct. Hoffmannum, ubi præcipue fundamenta hypothesos superius commemorata Philosophiæ Eluddio-Comenianæ, itemque Henrici Mori, aut potius antiquissimæ Mosicæ, traduntur, antithesi 23. 24. hic spiritus homini omnibusque rebus conceditur, juncto cap. 7. vom Wesen des Geistes. Itaque si spiritus ex sententia Viri Celeberrimi ejusmodi vim habet, materiam scil. movendi, dividendi, comprimendi, formam ipsi largiendi &c. subsumemus jam, diabolum esse spiritum, quod ab Adversantibus non negatur, eumque multo ingeniosorem & sagaciorem isto mundi spiritu universalis. Nec locum habet exceptio, spiritum mundi universalem operari, condensare, & formam materia largiri posse, non vero diabolum. Nam diabolus esse conceditur princeps æris, & qui imperium habet in spiritum mundi corruptiux, inque ipsum operari potest. Hinc major, vel eorrie eadem diabolo, quam spiritui mundi, operandi potentia, & formam materia largiendi vis concedenda est. Ac proinde ex concessis concludamus, diabolum posse materiam movere, expandere, dividere, comprimere, attrahere, eique formam largiri, &c. qui istud facere potest, facili negotio corpus assumere valebit; nam corpus assumere nihil aliud est, quam materiam expandere, comprimere, attrahere, ei formam aliquam largiri, &c. Qui vero corpus assumere potens est, multo facilius partem corporis, uti caput, ungulam

iam &c. assumere potest, aut umbris condensatis homines terrere, quod nos spectra appellamus.

§. 38. Porro adductus est locus Viri Celeberrimi p. 73. §. 19. in quo statuit, homines in statu bestialitatis, ut ipse appellat, constitutos adeo diaboli Imperio esse subjectos, ut etiam citra contractum aut pactum ipsis imperet, eosque ipso diabolo evadere nequiores: Quod quanquam explicari possit de Imperio in ipsorum animas, hoc ipso tamen concesso, consequitur etiam, diabolus in corpora operari posse. Namque si diabolus in improborum animas habet Imperium, ut eidem obedire cogantur, ad quod ipsos instigaverit, facile eorum animis imperabit, ut animus harum, quas ipse nominat, bestiarum operetur in corpus aut materiam. Cujus tamen operationis causa & primarius fons est ipse diabolus, cum isto tantum discrimine, ut operatio hæc in corpora mediate saltem procedat. Recte vero operari dicitur in aliquam materiam, rem & corpus etiam is, qui mediate operationem peragit, uti faber lignarius, lignum aliquod secans, recte dicitur operari in illud, quoniam principaliter actio ab ipso procedit, licet illud mediante ferra aut securi fiat. Itaque diabolus mediate operabitur in corpus aut partem corporis, & si operatur in corpus, effectus visibiles & in sensus incurrentes producet. Quapropter & corporales diaboli operationes, apparitiones & spectrorum existentia ex propriis Præsidis Celeberrimi & Auctoris Thesium de Crimine Magiæ a nobis demonstratæ sunt; uti satis perspicue ex duobus præcedentibus §. 36. 37. adductis argumentis intelligi potest. Tertio enim, quoniam operationes immediatæ concedi videntur, non insitemus, quippe quod tantum obiter adducere volumus.

§. 39. Quod reliquum est, cum ea, quæ ad Historiam de spectris & Magia, Doctorumque consensum & dissentium circa hæc cognoscendum pertinent, non executus sit thesium Inaugur. de Crim. Magiæ Autor, quæ tamen ad illustrationem argumenti plurimum faciunt: ista, quæ sequuntur de hoc subjiçiemus, optantes, ut perfectiora, quæ passim in nominata Disputatione promittuntur, publico exhibeantur propediem.

Qui de Philosophia abditæ, ad quam nostra de Magis & spectris doctrina pertinet, quicquam tradiderunt, primi omnium citra dubium Orientales, & Philosophi extra Græciam fuere. Eo nomine commemorandus est Zoroastres, quem unum fuisse contra communem opinionem contendit Goropius Becanus, Franciscus enim Patricius, Nandæus & Kircherus, Arnobium contra gentes quatuor Zoroastres commemorare contendunt, Zoroastres.

dund, qui tamen secundum *Salmasii* Lectionem Exer. *Plin.* pag. 335. ad tres reducuntur. Divisit Zoroastres naturas in æternas, in æviternas, sive eas, quæ initium habent, sed sine caritura sunt, & perituras. Naturam æternam vocavit Deum, quem Magi, corpore similem esse luci, animo veritati, Pythagoram docebant, qui tanquam Φῶς καὶ πῦρ intellectuale, lumen & ignem suum diffundit in incorporeas naturas. Sub quibus innumerum Dii, Angeli, boni Dæmones, & mentes hominum continentur. Naturis æviternis, Deorum genus & mentes hominum Zoroastres annumerat. *Phleto* has naturas hoc ordine collocat, ut sint intelligibiles & intellectuales; Intellectuales fontes; Hyperarchii vel principia; Azoni Dii; Zonæi Dii; Dæmones animi. Ajebant Chaldæi, hæc omnes naturas lucem esse, Dæmones malos tenebras. *Psephus* in Dialogo de operationibus Dæmonum, ex Marco quodam Chaldæicis ritibus addito didicerat, Dæmones variorum esse generum, cum, quod ad eorum formas, tum quod ad corpora attinet, & tanto numero, ut iis aer supra nos positus, terra & maria, & sinus abditissimi referti sint. Esse vero sex præcipua genera. *Primum* leliurium, hoc est, igneum. *Secundum* per aerem nobis contiguum vagatur æthereumque dicitur. *Tertium* terrestre. *Quartum* aqueum. *Quintum* subterraneum *Seximum* Lucifugum & terribile. Hinc descendit Magicarum operationum apud ipsos ratio, & Theurgicorum rituum, quibus bonos Dæmones elici, malos autem expelli posse putant. Inde quoque apparitiones creditæ, quam in inspectionem & conspectum diviserunt. Ex hoc cultus Deorum, Angelorum & Dæmonum est introductus, quæ pluribus exposuit *Thomas Stanley*, in Historia Philosophiæ orientalis, *Seçt. II.* Itaque Zoroastrem Magiæ inventorem fuisse, & sic inter Doctores convenire tradit *Plin. L. XXX. c. 1.* Autor autem recognitionum Petri Apostoli, ex translatione *Ruffini* Aquilejensis latine editarum, & quæ *Grace non extare perhibentur*, a Chamo, filio Noë, ad Zoroastrem Magiæ disciplinam transiisse docet. Hunc vero Mesraim, quem gentes Zoroastrem appellarunt, ab ipso Dæmone, quem importunius frequentabat, igne succenso concrematum fuisse addit, ex quo tamen Divinitatis opinionem consecutus sit.

Sententia
Hermetica
Trismegisti.

Zoroastri jungendus est *Hermes aut Mercurius Trismegistus*. Sunt qui Hermetem Mosis tempore claruisse affirmant, tanquam a quo ipse sapientiam Egyptiorum imbiberit. *Ursinus* tamen, Exercitatione de Zoroastre, Hermete & Sanchoniathone eam sequitur opinionem, quasi Trismegistus nunquam vixisset, censuram *Comringii* ideo expertus; sed

Colber-

Colbergius extitisse quidem *Hermetem* putat, scripta autem, quæ sub ejus nomine circumferuntur, multo esse juniora & ab homine haud sanæ fidei veteris ecclesiæ collecta, rationibus aliquibus ostendere nititur. *Augustinus*, de Civ. Dei L. VIII. c. 23, de *Hermete* docet, ipsum dissentire ab *Apulejo*, qui dæmones medios inter Deos & homines posuit, tanquam internuncios vel interpretes, qui hinc ferant petitiones hominum; *Hermetem* autem *Ægyptium* asserere, visibilia & contrectabilia simulacra veluti corpora Deorum esse. His autem inesse quosdam spiritus invitatos, qui valeant aliquid sive ad nocendum, sive ad desideria ipsorum nonnulla complenda, a quibus eis divini honores aut cultus obsequia deferantur. Quod *Ostander* Tract. de Magia Th. 13. p. 21. interpretatur, quasi *Trismegistus* neget, illos revera esse dæmones.

Quid *Moses* & antiquiores *Hebræi* de operationibus dæmonum *Hebræorum & Judæorum* senserint, ex Vet. Testamenti documentis, & vel ipsa creationis historia, cognoscitur, ubi serpens introducit, qui primos parentes ad lapsum sollicitaverat. Sequitur ætas apud *Judæos* plurimis fabulis doctrinam de diaboli natura & potestate involvit, uti ex Talmudicis traditionibus colligitur. *Philonem*, qui ut plurimum Platonizat, docere scimus, ærem spiritibus esse repletum, quorum digniores corpora nusquam assumant; inferioris autem dignitatis, corpora induant. *Buxtorffius* in Synagoga cap. 21. 23 de *Judæis* refert, quomodo existiment, se diabolum fallere, ne ipsos in judicio divino aculare possit; sed suppetere ipsis etiam orationculas similiaque arma innuit, quibus adeo exterreatur diabolus, ut totus contremiscat animumque despondeat. Verum isthæc sumnam superstitionem & ignorantiam ostendunt. Tempore Novi Testamenti de *Sadducæis* legimus Act. XXIII, 8. ipsos nec resurrectionem, nec Angelos; nec spiritus admisisse, (quod *Binsfeldius* probat, maleo malef. Prælucl. 1.) cum per spectra solum intellexerint insolita morborum genera & malos gravesque affectus, qui difficiliter curentur. Videamus nunc, quid veteres Philosophorum sectæ circa dæmones statuerint.

Poëtæ & Mythica Theologia Philosophis adhuc anteposenda est. *Poëtarum*, *Homerus* post *Orpheum* ex horum numero facile vetustissimus est, quem haud dubie sagas & lamias statuisset ex iis, quæ de *Circe* satis prolixè commemorat, patet. Quamvis miretur *Plin. L. 20. c. 1.* cur in totius belli *Trojani* historia nullam magiæ fecerit mentionem; cum plena tamen sit *Ulyssis* navigatio artis nefariæ memoria. Ex sequioribus *Virgilium* statuisset, quod inhumatorum animæ terris oberrent, discitur ex *Æncide* 6, ubi *Misenus* *Æneam* rogat: *Eripe*

Eripe me hū, invicte, malis & conde sepulchro.
Ita enim apud inferos acceperat :

Sedibus hunc refer ante suis & conde sepulchro.
Claudianus ideo *Rufinum* vituperat, de bello *Sil.*
Occidit Juvenes inhumataque corpora vulgo,
Dispulit & tumulo cognatas arcuit umbras.

Et apud *Statium* *L. 12. Theb.* inhumane *Ereo* precatur :
Longos utinam addere sensus
Corporibus, cæloque animas Ereboque nocentes.
Pellere fas, ipsumque ferat ipsum una volucrum
Ora sequor.

Hinc sententia orta de evocandis manibus, & apud priscos piaculum erat, corpus sepulturæ traditum nudare, sedes defunctorum movere, sepulchra violare. *Paulus JCIus L. 1. recept. sent.* Ita vero insepulcorum animæ divagari credebantur, ut malis suis ingemiscerent, quod copiosius exponit *Gevarius* ad *11. Silv. Carm. 1.* & percussores persequerentur, nec conquiescerent prius, quam injurias acceptas ultæ aut humanæ victimæ ad tumulos cæcæ essent, ut liquet e *Scholias* *Statii* ad *Thebaid. lib V. v. 312.* *Claudio* de laudib. *Stilic. lib. 1.* *Valerio Flacco lib. 3. v. 378.* *Jung. Liv. lib. III.* de *Virginia*, & de manibus *Aug. Buchnerum* ad *Plin. Jun. Epist. 27. lib. VII.* Quod de infelicitate animarum, quæ corpore nondum sepulto in terris divagarentur, priscorum homines temporum sibi persvaserunt, idem vulgo persuadere & olim soliti sunt, & nostra memoria solent illi, qui mortuorum animas apparuisse, & miseras sortis suæ exposuisse propinquis affirmant, quo deprecationes sacræ ab iis mercede liberali conducantur, siquidem necessariorum animæ redimi velint. Vid. si tanti videbitur, *Martinus Del Rio p. 233. T. 1. Disquisit. Mag. & Pexenfelder. Concion. Histor. p. 331. P. 1.* Apud *Ovidium* *L. 2.* *Fastor.* sepulchra ideo floribus *Mense* *Februario* ornabant, & mero ac thure parentabant defunctis :

Parva petunt manes, pietas pro divite grata
Munera, non avidos styx habet ima Deos.

Genium autem & *Dæmonem* hominibus concedebant. De *Dæmone* *Socratico* *Horat.* canit *L. II. Ep. 2.*

Genius natale comes qui temperat astrum
Natura Dæm humana.

Et *Menander* :

Ἀπαι, δαίμων ἀνδρὶ τῷ γενουίνῳ
Ἀπαιὸς ἐστὶ μετὰ γυναικὶ τῷ βίῳ.

Apud

Apud Plutarchum de eodem Socratis Genio p. 580. *Opp. Galaxidorus* inquit:

Οὐδαμῶς τάγε θεῶν φασμάτων
 Δὲ καὶ μύθων, καὶ δεισιδαιμονίας,
 Ἀναπλῆω φιλοσοφίαν διπὶ πυθαγόρου
 Ἐμπεδοκλέους δεχαμένοις, ἐὼ μάλ᾽
 Βεβακχευμίαν, ἑθίσιν ὥσπερ τὰ
 Πράγματα πιπνύθαι, καὶ λόγῳ νῦν
 Φοβῆι μεῖναι τὴν ἀλῆθειαν.

Cum Socrates acceperet Philosophiam spectris, fabulis & superstitione obstitam a Pythagora & Empedocle, & admodum bacchantem; sobriam redegit veritatem, sobriaque ratione in rebus eam intelligere docuit. Locis Poëtae sua quoque tribuebant Numina. Hinc de Troja Deorum praesidio primum orba *Peironius* Arbiter in Satyrico inquit:

Peritura perdidit primum Deos.

Sed satis de Poëtis.

Ex Græcorum Philosophia notæ sunt tres præcipuæ Sectæ, Ionica, Ita- *Vtrum*
 lica, Eleatica. In *Ionica* Thales, Anaximander, Anaxagoras, Clacom- *Philoso-*
 nius, Argelaus, & ejus auditor, Socrates; In *Italica* Pythagoras, Pherecy- *phorum se-*
 dis Syri auditor, Nigidius, Tigulus, Sextus, Empedocles, Plato; In Elea- *ctæ.*
 tica Xenophanes Colophonius, Parmenides, Leucippus, Melissus, De-
 mocritus Abderita, Protagoras imprimis claruerunt. Ex *Eleatica* maxi-
 me Epicurea fluxit, quemadmodum ex Socratis discipulis Cyrenaica, Elia-
 ca & Megarica, Platonis Academia, Peripatetici, Cynici. Stoicorum
 auctor fuit Zeno Citticus, Scepticorum autem Pyrrho, & Sectæ Electivæ
 Potamon Alexandrinus, uti nostro tempore, Cartesianæ Renatus des Car-
 tes. Cum vero Antonini Pii tempore Philosophia maxime floreret, Impe-
 rator libertatis Philosophicæ terminos quatuor sectis circumscripsit, *Stoica*
nimirum, Platonica, Epicurea & Peripatetica, unicuique sectæ præmium
 æquale concedens, quod *Lucianus* in Eunuchio singulis annis decem millia
 nummorum fuisse dicit, ut juventutem docerent.

Ex hoc veterum Philosophorum grege, & quidem ex *Ionica* secta *Sententia*
Thales, ex *Italica* *Pythagoras*; fere idem senserunt. Primus mundum ani-
 matum & Dæmonibus plenum docuit apud Cicronem *L. 2. de legibus*;
 adde Menagii Observ. ad Laërtium *L. 28 p. 16.* De Pythagora autem Dio-
 genes Laërtius in ipsius vita *L. 8. Segment. p. 8. 514. edit Menag.* nos docet, *secta de*
 tradidisse ipsum, totum aërem plenum esse animarum, easque & Dæmo- *Dæmoni-*
 bus.

nes & heroas existimari, atque ab his hominibus immiti fornica, & signa morbi & sanitatis; neque solum hominibus, verum & pecudibus & jumentis; atque ad has referri lustrationes & expiationes divinationemque omnem, & vaticinia atque cætera id genus. Et quidem juxta Plotinum crudeles in luporum, jurgiosos in canum; meticulosos in mulierum, sapientes in hominum excellentium formas, atque pro re nata sic aliterve mutari. Maxime vero eas, quæ in hominibus fuere, animas superstitum inducere sive ad bonum, sive ad malum. Quibus præmittit, Mercurium animarum Quæstorem esse, atque ideo ductorem dici ac janitorem & terrenum, quod is ex corporibus & ex terra & ex mari animas immitteret, atque puras quidem & purgatas in excelsum duceret, impuras vero illis ne appropinquare quidem debere, neque invicem sibi ipsis, affirmat, cæterum vinciri a furis infraetis nexibus subjecit.

*Sententia
Melissi ex
Secta Elea-
tica, Demo-
criti Abbe-
modori &
Læconia.*

Ex secta Eleatica Melissus, citante Vossio de *Sectis Philos. cap. 7.* de iis nihil statuendum esse credidit, ob obscuram & incertam eorum notitiam. Democritus Abderita ex eadem Secta tantopere visiones & spectra contemnit, ut in mortuorum monumentis dies noctesque studiis operam daret, ubi cum ipsum umbrarum habitu aliqui circumfiliarent, is nihil territum inter legendum inquit: *Desistite tandem ineptire.* De Læconia tradit Plutarch. in Lac. ipsum spectro lanceam obtulisse, fugientemque imaginem secutum atque sic allocutum fuisse: *Quo fugis anima bis moritura?*

*Cynicorum
sententia.*

De Cynisis, quorum Princeps Antisthenes & hujus auditor Diogenes Synopenis commemoratur, parum memoriæ proditum est, quid de Diis aut magicis artibus senserint. Astrologiæ cæterarumque disciplinarum atque artium veluti inutilium, & quæ minime essent necessariæ, negligentem fuisse Diogenem tradit Lærtius L. VI c. 73. Rondellus tamen & Tiberianus quidē nos docent, quod a Platonismo non adeo fuerit remotus, utpote qui Platonis hæreditatem invaserit, quod ex dicto ejus de animæ secessu a corpore probatur. De Antisthene & ejus Libro Physico Auctor est Cicero, L. 1. de natura Deor. §. 13. edit. Gronov. ipsum, populares Deos multos, naturalem unum dicendo, tollere vim & naturam Deorum. Pro divinatione Diogenem sic argumentatum fuisse legimus apud eundem Cic. L. 2. de Divinat. §. 49. *Si sunt Dii, aut non diligunt homines, aut quid eveniuntum sit, ignorant, aut existimant, nihil interesse, hominem scire, quid futurum sit, aut non consent, sua esse Majestatis, præsignificare, quæ sint futura, aut ea ne ipsi quidem Dii præsignificare possunt.* Quæ cum concedi nequeant, concludit loco cit. dari Divinationem.

Scripti

Sceptici sive Pyrrhonii quoniam dogmaticis sese opponebant, & *Scepticos* quemadmodum *Metrodorus Cbius* 4. *Academ.* apud *Cicer.* negabant, scire se *sciamusne* aliquid, an nihil, ne id ipsum quidem scire aut nescire, scire nos, nec omnino, sitne aliquod an nihil sit? quod *Franc. Mottbeus Vayerius* paulo aliter explicat, circa *Dæmonum* doctrinam incertos esse vagatos sententiis, concludi potest. Inter recentiores *Scepticos* non incommode a *Ryffelio* collocatur *Lucianus* Samosatensis, licet a *Vossio de Sectis* c. 8. §. 24. inter *Epicuræos* referatur. In præfatione Libri contra dogmaticos se ipsum diserte *Scepticum* appellasse asseritur, cui addi potest *Apologia* *Luciani* contra eum, qui dixerat, *Protheus* es, & *Hermotimus* seu de *Sectis*. Vanitatem artis *Magicæ* adeo deridet, ut in *Dialogo*, qui *Lucius* seu *Asinus* inscribitur, fingat, se artis *magicæ* discendæ causâ in *Thessaliam* profectum fuisse, sed a *Palestra* quadam, quæ loco unguenti, quo *Domina* inuncta in avem transmutabatur, collyrio alio per errorem se delibutum, & pro ave in asinum conversum fuisse, in qua metamorphosi quid perpeffus fuerit, festi-ve admodum recenset. Cui ejusdem *Necromantiæ* jungi potest. In *Philopseude* autem, ubi mira de *spectris* & hominum transformatione asseruntur, introducit aliquem, qui istos fabularum narratores perstringit, ut parcant, tales aniles fabulas in conspectu juvenum recensere, quia tam prodigiosis & terribilibus fabulamentis meticulosi redderentur, & per omnem vitam perturbati superstitione implerentur. Οὐ πάντες, inquit, μὴν δὲ ἐγὼ τὰ τοιαῦτα, τετραλογῶντες λεγοῦντες ἄνδρες; εἰδὲ, μὴ ἀλλὰ πᾶν τῶν μερῶν τῶν ἐνέκα εἰς ἄλλον καὶ ἄλλοις περὶ ἀλλήλων τὰς ὑπερδόξας ταύτας, καὶ φοβερὰς διηγῶντες, μὴ πῶς λάθωσιν ἡμῖν ἐμπληθεῖν, δειμάτων, καὶ ἀλλοκῶν μεθολογημάτων. Φείδεσθαι γὰρ χρὴ ἀνδρῶν, μὴ δὲ τοιαῦτα ἐθίζειν ἀκθεῖν, ὅσα παλαιοὶ τῷ βίῳ ἰστοχλήσας, σύννοια, καὶ ψοφοδῶς, ποιήσας, ποιμήνης τῆς θεοειδα-μονίας ἐμπέπλασαν.

De sententia circa *dæmones* & *spectra* veterum *Ecclēsticorum*, quos *De Ecclēsticis* Festus *Miscelliones* appellat, qui non certæ sententiæ, sed variorum mixto- rumque judiciorum sunt, nihil perinde determinati dici potest. Libri enim *Potamonis*, in quibus e singulis sectis, quid placuisset, selegerat, non extant. Et licet doctrina *Ecclēstica* probetur *Clementi* Alexandrino, Strom. Lib. I. *Lactantio* & *Augustino*, quid tamen senserit sectæ hujus princeps, non æque exinde patet. Quare ad sententias istarum quatuor celebrium sectarum, qui *Antonini Pii* Imperatoris decreto libertatem & florem docendi consecutæ sunt, accessum faciemus, & deinceps ordine alphabetico *Eruditorum* recentioris ævi placita lustrabimus.

De Platonis.

Platonici, auctoribus suo Platone Critia reliquisque, intra aëris regiones, ætheris, cœli, orbiumque cœlestium ambitus, incolae contineri trifariamque distingvi putabant, in *supracœlestes*, *cœlestes* & *subcœlestes*. Summum Deum Diis supracœlestibus stipatum feliciter agere perhibebant, utpote qui rebus inferioribus non immisceretur. Deos cœlestes rebus humanis præfici, his vero substitui subcœlestes natura sua nobis propinquiores familiaresque, cum corporibus aëreis & æthereis convestiantur, interque fines quosdam hominibus fere communes coercerantur, & nunc boni nunc mali existant. Quod igitur adeo ancipitis essent naturæ, propitiandos fore, & extra dubium posuerunt, Deos s. dæmones illos humano generi plus officere posse, quam homines animalibus & curibus, vel feræ hominibus queant. Hunc cultum variorum dæmonum sacrorumque extitisse late edisserit *Eduardus Baro Herbert de Cherbury*. in tractatu de religione gentilium errorumque apud eos causis, Cap. X. & XI. qui de geniis addit, quod existimatum sit, esse eos naturales Deos uniuscujusque loci, rei & hominis, proinde *Symmachum* dicere, ut animæ nascentibus hominibus, ita populis integris fatales genii dividuntur, magnamque dicit secundum ipsos affinitatem esse inter lares, genios & penates. Apulejo etiam de Deo Socratis teste lares veteri lingua lemures dicitatos fuisse, sed larem lemure mitiorem habitum; lemures enim s. larvas noxias fuisse saltem malis, aut lares Deos domesticos & familiares perhibitos. Cæterum ex Platonis L. II. de legibus constat, ipsum dubitasse, an incantatione noceri possit? Addatur Dn. Erci Mauritiæ Disp. de Denunc. Sagar. S. 6. c. 1.

De Stoicis.

Ex Stoicis Seneca, natural. *quæst. L. IV. c. 7.* eos mendacii arguit, qui cum grandine pacifici & tempestates excitare se posse putant, concluditque hunc in modum: *Rudis adhuc antiquitas credebatur, & atrabi imbres cantibus & repelli, quorum nihil posse fieri tam palam est, ut hujus rei causa nullius Philosophi schola intranda sit.* Ad eundem fere modum *Hippocrates* in Libr. de morb. sacr. de magis loquitur: *Opp. scilicet. 3. p. 85. n. 10.* Εμοὶ δὲ δοκέσιν οἱ πρῶτοι τῶν τοῦ νόσσημα ἀφιερώσαται. τοῖς τοῖς εἶδε δύθραποι οἰοὶ καὶ νῦν εἰσὶ μάγοι τε καὶ καθάται καὶ ἀγύραι καὶ ἀλίζονες, οἵ κ' οἱ δὴ προσποιεῖν σφίθεα θεοτεταίους εἶδεν, καὶ πλεον τὶ εἰδέναι, ἔτοι τοῖνυν παραμυημένοι καὶ προσδυνάμειοι τὸ θεῖον τῶ ἀμηχανεύειν τὸ μὴ ἔχην ὅτι προσπηνέγκαντες ὠφελίσανται, ὡς μὴ καθάδηλοι ἔασιν, ἔδδ' ἐπιστάμενοι, ἱερὸν ἐνέμιζον τὸ τοῦ πάθους εἶδε, καὶ λόγοις ἐπιλεψαίης ἐπιτηδείους, τῶν

τῇ ἡσιν κατετήσαντο εἰς τὸ ἀσφαλὲς σφίσειν, αὐτοῖσι, καὶ θαρμύς
 προσφίρειν, καὶ ἰπαιοὺς ἀντὶ τῆς ἀπείχου καλεῖσθαι, καὶ
 ἰδίους πολλῶν, καὶ δυσπιθίων ἀνθρώποισι νοσήσιν ἐδίη. Mi-
 bi certe, inquit, qui primi hunc morbum ad Deos retulerunt, tales esse vi-
 dentur, quales sunt Magi expiatores, circulatores, ac arrogantes oscitato-
 res, qui se valde pios esse plurimumque scire simulant. Hi quippe divini-
 tatis obsequio ac praeextu cum nulla opera prodesse possent, ne inscitiam
 suam prodere, sacram hanc afflictionem esse censuerunt, & additis idoneis
 rationibus tutam sibi curationis viam proposuerunt, oblati expiationibus
 & incantationibus, balneisque interdictis, & multis cibis ad laborantium,
 usum minime accommodatis. Consentit cum Hippocr. & Senec. Plinius
 L. XXX. c. 2. qui, quae de Magis narrantur, adducto Neronis exemplo
 deridet.

Peripateticorum Princeps, Aristoteles, nihil discrete de sagis *De Peripa-*
 memorat. Ipsi quidem a Plinio & Laetio liber μαγικὸν inscriptus tri- *reticu.*
 buitur. Verum Aegidius Menagius ad proœmium Laetii notat, hunc in-
 ter libros ipsius in vita ejus non recentem, ab aliis Antistheni, ab aliquibus
 autem Rodomi, teste Suida, tributum fuisse, adeoque inter ὑποδαιτυγέ-
 Φας ab auctore vitae Aristotelis inedito numerari. Aristotelis certe
 Lib. 8. histor. Anim. cap. 24. Professorum carmina incantamentorum
 figmentis muliercularum & fabulis annumerat. Et antiquos etiam Pe-
 ripateticos, Alexandrum, Simplicium, Averrhoem, eorumque plerosque
 daemones & spectra negasse, Binsfeldius asserit. Quod de ipso Aristote-
 le quoad daemones probat Pomponatius, L. 1. de Incant. cap. 9.

Sectae lux auctor *Επικύριος*, uti a cæteris discessionem fecit, ita, *De Epicu-*
 communem doctrinam de daemionibus & genis rejicit, existimans, quod *reticu.*
 illi, qui genios sibi apparere commemorant, aut mentiantur, aut fingant,
 aut melancholici sint, talesque, ut ærumnosum corpus ipsis tum suspendat,
 tum ad extraordinaria deflectat imaginationem; pigetque ipsum huma-
 næ imbecillitatis, quando ad stabiliendam daemionum existentiam divina-
 tio aut oraculū obtenduntur, quasi Dii nonnisi in grabato decumbentibus
 & ratione ægre utentibus adesse velint. Non aliter sensit Theodorus By-
 santicus, Epicuræus, vanas has & inanes imagines nunquam sapienti cui-
 quam, sed pueris, mulierculis, stolidis ac deliris, opinionis errore deceptis
 illuisse. Nic. Remigius c. 28. Daemionol. Tenuit ejus disciplinam inter plu-
 rimos Mus servus, & locum hic quoque sibi vindicant *Lucretius* & *Petronius*
Arbiter. *Gassendus*, licet Epicuri Philosophiam sequatur, inter aliam tamen

in doctrina de Providentia & Dæmonibus ipsum passim emendat. Vid. ejusd. *Syntagma Philosophiæ Epicuri* cum refutationibus dogmatum, quæ contra fidem Christianam ab eo asserta sunt, *P. II. Sect. II. c. 6. & infra*, ubi Gassendi sententia recensetur.

*De Ecclesia
Patribus.*

Ex Christianis Seculi IV. Patribus *Arnobius* maleficis concessit vim mortiferam labem immittendi, ut clausa sine clavibus referare, similiaque perpetrare possent. *Augustini* Patris doctissimi *L. XIX. c. 18. de Civ. D.* nos docet, ipsum, quæ de transformatione hominum in bestias aliisque incantamentis Magicis referebantur, vel falsa, vel inusitata vel incredibilia pronunciaſſe, non tamen omnibus plane fidem negaſſe. Sunt, qui *Hieronymum* in *Comment. ad Gal. Cap. III. v. 1.* negaſſe fortilegos crediderunt; vero tamen similius apparet, ipsum fascinationis negotium non tam negaſſe, quam in dubio reliquiſſe. De *Lactantio* ex ejusdem Institutionibus divinis satis notum est, quomodo dæmonibus varias operationes malas inprimis adſcribat. *Justinum Martyrem*, qui secundo post Christum seculo vixit, Libros Histaspidis Magi commendare tradit *Petrus Peritius L. III. c. 17. de Sibylla*. Sed idem l. c. miratur, hoc ab ipso factum fuisse, & ex *Ammiani Marcellini L. 23.* probat, hunc Histaspidem Cacodæmonum multitudinem agnoviſſe & profeſſum fuiſſe, secundum Magiæ definitionem a Platone in Alcibiade primo traditam.

*De Alcorano
Mahometano.*

Antequam ad recentiora tempora accedamus, de Mahometicis, sive Musulmannorum circa argumentum nostrum decretis pauca aſſeremus. Angelorum cum bonorum, tum malorum mentionem cumulate & in omnibus fere paginis facit Alcoranus. De origine Angelorum *Cap. Hagar. p. 205. Edit. Gall.* a Dn. du Ryer vulgatæ, ſtatuitur, Deum juſſiſſe, ut Angeli adorarent Adamum, ex limo terræ conditum, recuſaſſe vero illud Diabolum, & reſpondiſſe, ſe ex igne, Adamum vero ex limo eſſe conditum, qua ratione Deus Paradifo expulerit Spiritus hos refractarios. Tunc Diabolum dixiſſe, ſe velle tentare omnes Creaturas a Deo deficientes, quia Deus ipſum tentaſſet, Deum vero juſſiſſe, ut adorantibus ipſum miſericordiam & clementiam annuntiaret. In capite, quod inſcribitur de vacca, ſtatim initio Alcorani *p. 12.* mentio fit duorum Angelorum *Aroz & Marot*, quod Diaboli docuerint Magiam populum, ipſumque didiciſſe, quod damnofum, non quod utile eſſet. Neque tamen magia iſta damnum allatum fuiſſe cuiquam, niſi ex divina permiſſione.

*De Alberto
Magna &
Scholaſti-
co Doſſeri-
bus.*

Ad propiora nobis tempora pertinet, quod *Albertus M. Rogerius Baco*, alique, cum naturalem plerumque exercerent Magiam, de Dæmoniaca

niaca suspecti fuerunt. Inter Scholasticorum Doctores Scotus, Gabriel, Gerson, Martini, Guilielmus Parisiensis, Castrensis, Turrecremata, alique, haud dubie pactum verum & reale cum diabolo & maleficiis approbarunt. *Vid. Sprenger. Mall. malefic.* Thomam ab Aquino, dictum Angelicum Doctorem, communes has sententias fovisse passim ex ejus Summa constat. *Vid. Libr. 4. sententiar. distinct. 24. Summar. 2. quæst. 95. art. 5. distinct. 7. art. 5. & alibi.* Trithemius, Abbas Spanheimensis, pariter Maximiliano Imperatori respondit: Dari sagarum pactum cum dæmone.

Henr. Cornel. Agrippa a Nettersheim, armata militiæ Eques Auras-
tus, & J. U. ac Medicinæ Doctor, in Libris tribus de occulta Philosophia per plurima de Magia & Magicis operationibus disseruit. Quartus eidem solet adscribi, sed *Wierus* de præstigiis dæmon. *Lib. II. c. 25.* hunc abominabilem librum multis ignotis nominibus & signaculis deformem, ad captandam vulgi admirationem falso Agrippæ, suo olim Præceptoris & Hospiti, adscribi queritur. Nam Wierus Agrippam defendit ab hac injuria. Exstat in Agrippæ Opp. Lugduni editis, Ep. ad Trithemium Abbatem, in qua causam commemorat, cur vera Magia inculta & exota sit, & quod hæc ipsa ratio ipsum excitaverit ad eam excolendam, & ad tres de illa libros conscribendos. Sed in Parte poster. Opp. Libris scil. de vanitate scientiarum, c. 48. revocat illa, quæ juvenis de Magia commentatus erat. Et rationem subjicit: *Quicumque enim non in veritate, nec in virtute Dei, sed in elusione demonum, secundum operationem Spirituum malorum, divinare & prophetare præsumunt, & per vanitates Magicas, exorcismos, incantationes, amatoria, agogima, & cætera opera damoniaca & idolatrica fraudes exercentes, præstigiis & phantasmata ostentantes, mox cessantia miracula se operari jactant, omnes hi cum Janne & Jambre & Simone Mago aternis ignibus cruciandi destinabuntur.*

Andreas Alciatus, J. Ctus Italus, a Wiero aliisque adduci solet, quasi mulieres veneficas solum melancholicas fuisse statuisset. Verum loco ex Parerg. L. VIII. c. 12. integre perpenso, animadvertere licet, ipsum distinxisse sagas, & secundum hanc differentiam de illis pronunciasse.

Quid Græci hodieque credant de lamiis, aut infantes experiantur ex strigarum insidiis, explicat *Leo Allatius*, Ep. ad Paulum Zacchiam, Medicum, Kromannus de Græcorum hodiernorum nonnullorum opinionibus.

In Gallia Judex causis veneficarum a Rege constitutus in Bearnia est de *P. Ancre*, qui in libris de artibus maleficarum horrenda ex constantibus testimoniis commemorat.

Præci-

Bayle.

Præcipuus nostri temporis Polyhistor *Pétr. Baylius* in Dictionario suo Historico - Critico *T. II. p. 169. sqq.* Tirefiz, nobilis quondam vatis historiam recenset, & postquam Porphyrium non sine ratione deridere dixisset, quicquid de dæmonibus defunctorumque animis fingi solet, iudicium suum p. 1173. annectit, statuere nonnullos, dari Magos, qui certum quasi imperium exercent, quo etiam repugnantem dæmonem evocare possint, ne quid de populari Magia & fabulis vulgo commemoret. Quæ quanquam satis absurda videantur, posse tamen tanquam possibilita hæc admittere, si semel concedatur, quod certum aliquod pactum aut conventio iniri possit inter hominem & malum angelum. Cum enim dubio procul subordinatio sit inter spiritus, fieri etiam posse, ut sint dæmones, qui imperium absolutum exercent in alios. Unum vero dæmonem talem suis Magis promittere posse, quod ipsis subijcere velit omnes spiritus suæ potestati subiectos, & quod minari mala velit iis, qui fuerint immorigeri. Narrat deinde ex *Thuan.* de vita sua L. VI. p. 1233. *Bellemontium* professum fuisse Magiam dæmonum, qui numinis divini particula essent, præclaram artem conciliatricem cum hominibus ad beneficium inventam, non ad maleficium, quo Sortiarii, ut vocantur, vulgo utuntur. Ipsi sortiarii spirituum malorum vilia mancipia in crassam ignorantiam demersi, ac veneno ac diris fascinationibus eorum arbitrio, perniciem humani generis machinantes; cum contra Magia dæmonum spiritibus imperet, & eorum consortio & familiaritate, arcana naturæ vulgo ignota, nec libris prodita, cognoscere, futura rimari, mala delineare, pericula avertere, amissa recuperare sciat. Quibus plura adhuc beneficia addit, quæ Magia præstare hominibus possit, idque in Parlamento profitebatur, quod nihil tamen minus sententiam ultimi supplicii in hunc consistentem tulit.

Beckero.

Nemo majori opera & contentione operationes dæmonum in hominibus oppugnavit *Balthaf. Beckero*, Theol. Doctore & Ecclesiae Amstelod. qui post publicatum librum de mundo fascinato nemini amplius ignotus est. Libri hujus aliquot millia exemplaria duorum mensium spatio vendita, ipsumque in Germanicam, Gallicam, Italicam & Hispanicam linguam conversum esse commemoratur. Præfatio introductionem & summam totius operis exhibet, ubi imprimis pag. 16. & 17: Lectorem admonet, sententiam suam minime ista hypothesi inniti, quod spiritus non possint operari in corpus. Se quidem evincere illud, verum fundamenti loco nequaquam substernere operi, a quo in tantum ipsum abesse

abesse asserit, ut, licet falsa sit ista hypothesis, quam vero ipse veram putat, libro tamen suo nihil quicquam decessurum sit.

Binsfeldius, Theologie Doctor & Suffraganeus Trevirensis, vitium *Binsfeld.* hoc plurimum invaluisse in Germania queritur, ac multos judices experientia malorum excitas diligentius inquirere scribit, atque in præfatione descriptionem de sagis satis amplam habet. *Del Rio* autem, Hispan. Regis, Philippi II. Consiliarius & supremus Judex Belgici Exercitus, deinde Jesuita & in Lovaniensi, Græcensi, Salinaticensi Academiis Professor, idem propemodum cum *Binsfeldio* sensit.

In Gallia *Job. Bodinus* de Magorum dæmonomania Libros IV. edidit, *Bodino.* primum Gallice, deinde Latine & Germanice versos. Quod opus quidem *Job. Georg. Vossius de Idololatr. L. III. c. 47.* vocat librum inconsideratissimum, quique, uti pluribus ibidem demonstrat, non atramento, sed sanguine præsertim adversus imbecillum sexum maxime deformem & melancholicum scriptus fuerit. Occasio scribendi ipsi fuit, quod An. 1570. ipse inter alios *Johanne Harvielliana*, veneficii accusate Judex datus, adeoque post multas variationes & negationes in rem ulterius inquirendi ansam nactus est.

Jac. Böhmius, Philosophus Teutonicus, qui egregie laudatur ab *Böhmi.* *Henr. Moro*, in *Conf. Philosoph. Teutonicæ, Opp. T. I p. 356.* & defenditur a *Morbofio, L. I. Polyhist. c. X pag. 64.* Spectra & apparitiones cum per diaboli glaucomata fieri, tum ipsas demortuorum animas, pias juxta atque impias, viventibus apparere posse nos docet, in der Beschreibung der dreien Principien göttl. Wesens, Cap. 19. Art. vom ausfahren der Seelen/ p. 277. Animas pie defunctorum in terris post mortem interdum miracula operatas fuisse p. 279. inde probat, quoniam ipsarum virtus essentialis ex Dei potentia originem ducat. Animas vero posse fide pii hominis reduci confirmat, quia vivens fidei suæ efficacia regnum cælorum sanctum attingat, ubi sanctæ animæ defunctæ requiescant. Qualem vero formam diabolus induerit post lapsum, & ubi plerumque hospitetur, item de falsa Magia & Necromantia, significatur in mysterio magno, c. IX. vom Gall Lucifers und seinen Legionen/ & Auroræ c. 16. seqq.

Böhmius magni fecit *Antonia Bostrignonia*, quæ a *Petro Poirreto Bourigno-* *nia.* *Apol. II.* contra Lipsienses in lib. de Eruditione p. 372. Edit. Amstel. post alia clarissima elogia prædicatur admirandæ eruditionis divinæ Virgo sanctissima. Vid. etiam p. 385. *Apol. IV.* Nec minus præclare de ipsa sentit *Dn. Thomafius*, Dissert. ad Poirerum §. 29. Licet eandem contra-

rio *Beckerus* L. IV. c. 25. S. appellet stultam malitiosamque foeminam, etne bôse Mârrin/ quod omnes pro Magis proclamet, qui ipsius periculosis conatibus obstant. Nimirum statuebat hæc, tres mundi partes diabolo esse pacto expresso addictas. Quod licet *Poiretus* in Vita ipsius persuadere nitatur, non persuasit tamen multis, nec ipsi quidem *Thomasio*, qui ratione allata in dict. Dissertat. contrariam sententiam probabiliorem reddere visus est. Quid præterea circa nostrum argumentum Mystici aut illuminati illi ex veteribus, *Dionysius Arcopagita*, ex recentioribus *Theresia*, *Kuhlmannus*, *Portagius*, *Leade*, similesque senserint, commemorare nimis prolixum, nec necesse est.

Boyle.

Quod ad Angelorum corpulentiam, uti *Tertullianus* loquitur, attinet, illustri *Physicus*, *Robertus Boyle*, in opusculo, cui titulus: *Excellentia Theologiæ cum naturali Philosophia comparata*, Sect. I. p. 2. definire non vult, num in utroque hoc spirituum genere (dæmonum & angelorum malorum,) entia rationalia sint omnimodo materia, utut tenuissima & maxime subtili unione immunia, vel num vehiculis non crassis sed spirituosius nobisque ordinarie invisibilibus uniantur?

Cardano.

Hieron. Cardanus, Mediolanensis Medicus & Philos. de rerum Varie- tate, L. XV. c. 30. de lamiis statuit, ipsas esse mulierculas mendicas, & atræ bilis morbo laborantes, quod historia & curatione, malefico cuidam Bern- hardo facta, illustrat. In universum tribus maxime deceptionem, quod lamia existere credantur, *Cardanus* constare putat: atræ bilis imaginibus, constantia ipsorum, qui hac labe correpti sunt, & fraude Judicium. In di- versam tamen sententiam abiit *Joh. Francisc. Mirandula*, uti opus ipsius de ludificatione dæmonum a *Weinrichio* in Germania editum ostendit.

Cartesio.

Cartesius equidem doctrinam de spiritibus, Magia & spectris, in Phi- losophia sua, quantum constat, non explicavit; cujus proinde sententia a nobis adduci nequit. *Poiretus* tamen, in Discursu præliminari ad cogita- tiones suas rationales, secundæ Edit. & in methodo inveniendi verum, in- ter abusus rationis & fructus degeneres Cartesianismi recenset, quod *Spi- nosa* ad Atheismum, & *Beckerus* ad negandas Spirituum operationes in corpus processerit. Dn. *Thomasius*, im Versuch vom Wesen des Geistes, quoque putat, Cartesianos potius in Atheismum aut negationem spiritu- um, quam Magiam aut artes eo pertinentes, incidere posse.

Chrisc.

Joh. Clericus, celeberrimus in Amstelod. Gymnasio apud Remon- strantes Professor, uti videre licet ex iis, quæ de Magis seu veneficis in Opp. ipsius Philos. Pneumatologiæ Sect. II. c. 5. p. 99. leguntur, Cap. præ- ced.

ced. 4. quod de malis Angelis eorumque ministeriis & potestate inscribitur, Energumenos quidem admittit, sed plurima arte humana simul ficta esse affirmat. De Magis aut veneficis dubitari quidem non posse putat, quin narrationibus ejusmodi innumera admista sint mendacia, omnia tamen falsitatis arguere velle, temerarium esse dicit, præsertim cum Sacer Codex similia quædam narret. Et si quis contenderit, angelis malis nihil potentia in corpora esse, quia cogitationis in corpora vis nulla est, eum, antequam hoc concedatur, ostendere, & quidem evidenter, oportere ait: 1) nihil esse in angelis, præter cogitationem, 2) a Deo nullum esse inter eorum voluntates & corporum mutationes nexum institutum? Nam si unum horum sine absurditate admitti queat, etiam mali spiritus in corpora agere posse haud absurde censebuntur. Prodigia quoque, miracula, portenta & præstigia a diabolo effici posse probabile esse putat, postquam de singulis harum rerum definitiones attulisset.

Theodorus Craanen, Philosoph. & Medic. olim in Academ. Leidenf. Doctor & Professor, deinceps Consiliarius, Archiater primarius Potentiss. Electoris Brandenb. Friderici Wilhelmi, & Academ. Duisburg. Curator, in Tractat. Physico-Medico *de homine* Lugduni Bat. impresso, c. 92. p. 573. prolixè satis mentem suam circa obsessionem & sagas explicat, quæ licet longiuscula sunt, non possumus tamen, quin ea hic loci apponamus. Nunc, inquit, facile intelligimus, quid sit obsideri, quam obsessionem creduli homines crediderunt, ut & illa, quæ fabulantur de sagis & maleficis, de quibus quanti non rumores in Germania? Solebant homines comburere propter maleficia. Estemur quidem, quod, cum venena aliis exhibuissent, hoc modo maleficorum tractare dici queant, ut sic miseram homines vitam trabant aliquandiu, aut æstu moriantur ab illo veneno assumto. Et hæc & similia vulgo diabolo adscribuntur, quatenus homines illi malefici per diabolum operantur, cum quo pactum aliquod fecerunt. Et hoc cum apud credulos firmum & indubitatum stet, contingit, ut ab aliquo malevolo immittantur, (ut ut plurimum accidit) eorum frons, tempora & nares, dum putant se revera ab illis hominibus esse maledictos, quod vulgo dicunt, bezaubert seyn. Interim homines illi miseri incidunt in somnum profundum, & multa insomnia habent, multa imaginantur de his, quæ imaginatione post somnum continuantur. Hinc incidunt in Melancholiam & sibi nihil aliud, quam hoc, videlicet se esse a maleficis male tractatos imaginantur. Hinc postmodum precatum eunt, ut ab hac maledictione diabolica liberentur denuo. Promittunt itaque laudabilem pecunia summam, atque ita illo lucrum faciunt.

aiunt, Illi, qui pro maleficiis habentur, fatentur se cum diabolo pactum inivisse, ut ita maleficia patrare possent, & super hanc questionem accusari a iudice, mori dantur, & sic sufficit pio iudici propter hominem melancholicum & imaginarium alium mori dare, quæ res est ardua & non ferenda. De obsessione autem diaboli sic sentit: Sed quomodo diabolus possit obsidere nostram mentem? scimus quidem deliriorum esse varia genera, qualia sunt maniacorum & phreneticorum, similiumque; sed an ideo dicentur diabolo obsessi, cum absurda agerent? an possit mens diaboli se miscere cum mente alterius, vel ita conjungere, ut duplex oriatur mens, in una? De corpore omnes, absurdum licet, Philosophi sententur, non dari penetrationem dimensionum, sic una mens deberet fieri duplex, hoc est, dari deberet penetratio duarum mentium, cogitationes essent eadem, ut unam facerent singularem. Deinceps sibi objicit: Sed dicunt, hoc esse posse per aliquam consequentiam, quod volente diabolo hæc vel illa in me sequatur malæ cogitatio; & respondet: Sed hoc statuere ridiculum, nisi Deus dicatur diabolo dedisse singulare aliquod privilegium, vel Deum cum diabolo inivisse pactum aliquod, quod ille damnatas nostras regeret cogitationes, qui creati sumus ad imaginem Dei, quique nos suos infantes diabolo damnato pæssponderet, quod ille in nos imperium haberet, quales hæc sunt absurditates indignæ Christianis auribus? & concludit: Nisi ergo ratio seu revelatio contrarium doceat, diabolo obsessi sunt, aut malitiosi, qui hæc faciunt, ut nummum eliciant, aut sunt melancholici, aut furibundi, maniaci, phrenetici; cujus imposturæ exempla Montanum recensuisse dicit. Equidem nonnullos homines interdum imaginationis & corrupti sanguinis vitio se sagas & veneficos credidisse, qui tamen minime omnium tales fuerunt, cum historicarum fide convenit. Hujus rei singulare exemplum habet Excellentissimus Dn. D. Bohnius, in novissimo, eoque elegantissimo opere de Officio Medici duplici, clinici nimirum ac forensis, P. II. c. 6. p. 679.

Dale,

Medicum Anton. van Dale in suis scriptis attulisse nonnulla affirmatur, quæ ad negandam Magiæ existentiam ducant. Commemorandus etiam Daillonius, Ecclesiæ Reformatæ olim in Gallia Minister, post Londini exul, sæpe a Beckero in Mundo suo Fascinato laudatus. Lambertus Daneus in dialogo de Veneficiis, quos mox Sortiarios, mox Sortilegos vocat, Sortilegos describit, qui Satanae ita addicti sunt, ut commercium cum eo amicitiamque contraxerint. Haud dissimile judicium facit Nicol. Remigius, Ducis Lotharingæ Consiliarius, quæque judicia in Magos ipse exercuerit, describit. Quam festive Erasmus Roterodamus spectrorum

*Daillonio,
Daneus,*

Erasmo,

exor-

exorcismaum deriserit, & imposturis sacrificulorum fabulas has annumeraverit, videri potest ex Dialogo in ejusdem Colloquiis, qui Exorcismus seu Spectrum inscribitur. Ex illis, qui hypotheseis suas Philosophicas ex Sacra Scriptura adducere laborant, *Robertus Fludd a Fludibus*, Armiger & in Medicina Doctor, defendit in expressione Spongiæ Forsterianæ, fol. 27. secretam combinationem & unionem, quæ efficitur inter malignum spiritum & cacomachos, & quod inter ipsos pangatur, ut spiritus in quacunque forma (statuit enim spiritus materiales,) quotidie possit sanguinis portionem fugere, ut sic spiritus Magi convertantur in portionem diabolicam. Philosophiæ autem Mosaicæ *Lib. II. mcm. II. c. 6. f. 121.* diabolium constitutum esse ait principem aëris, ac proinde tempestatem excitare posse, & ob hanc causam aërem dici a quibusdam Synagogam diaboli. Eundem diabolium, inquit, a longo tempore Astrologiæ peritum, colligere herbas, cum, influentia potens, spiritus centrales feriat, aut veneficas & incantatrices doceri ab ipso, quomodo herbas colligere possint.

Negat *Job Christ. Frommannus*, Tract. de Falcinat. vulgarem, vi- *Frommann-* sualem & naturalem falcinationem, *L. I. P. II. Sect. 3. §. 1.* eamque velut a vetulis consistam rejicit. Falcinationem autem naturalem improprie dici observat, eamque per contagium explicandam esse probat. Diabolicam vero seu magicam existeret *L. III. c. 2.* cum Theologis affirmat.

Emendavit *Petrus Gassendus* Epicuræ Philosophiæ labem circa *Gassendo.* providentiam divinam & genios seu angelos, quos Epicurus negabat, adductis variis cæterorum Philosophorum sententiis circa hanc rem, in *Syn- tagm. Philosoph. Epicur. P. II. Sect. 2. c. 6.* De *Yonisia* autem seu arte incantamentorum *p. 311.* idem sentit, quod de cacomachia, qua aliqui hircis (uti illa pennatis serpentibus,) per aëra vehuntur, aut in lupos transformantur, quod vividissima ipsos imaginatione somniasse dicit, ita, ut, si impostorum fraudes, veteratorum veneficorumque noxæ, anicularum deliramenta & facilis vulgi credulitas adimatur, nihil quicquam veri reperiatur.

David Joris aut *Georgius*, qui Basileæ 1556. mortuus, sed ob hæ- *phide Jo-* reseos crimen iterum effossus & combustus est, laudatur ab *Henrico Mo-* *ro, in Enthusiasmo triumphato, sect. 34.* quod totus fuerit ad honestatem *gio.* & pietatem compositus, liberalis pauperum sublevator, consolabundus visitator ægrotorum, & quod templum religionis frequentarit; sed inter dogmata ipsius hæretica, uti plurimi Historiæ Joristicæ scriptores faciunt, num. 8 recenset, istum docuisse, quod angeli & diaboli sint tantum ho-

mines boni & mali, & eorum virtutes & vitia. Et *Opp. T. II. p. 198.* dicit hunc Georgium Melancholiz sanguinisque intoxicationibus (nam sect. 38. l. c. putat, ipsum propter sanguineam temperiem angelorum & spirituum existentiam negasse, & communitatem uxorū statuisse,) relictum nec cælum, nec infernum, nec dæmonem, nec angelum, nec animæ immortalitatem credidisse. Ex Apologia tamen ad Comitem Oldenburg. A. 1540. a Davide Georgio scripta, & quam *Gottfried Arnoldi* ex Belgico idiomate conversam suā, quam vocat, *Kirchēn-und Lehrer. Historiā P. II. L. 1. c. 21. p. 290. sqq.* inseruit, videre licet, ipsum Georgium num. 4. testatum fuisse, quod nunquam vel voce, vel scriptis angelorum existentiam negaverit. Num. 5. autem negat, se unquam dixisse, diabolos visibiles & essentielles (*sichtbare und wesentliche Teuffel*) non existere. Quantum ex hujus Apologiæ Articulo 5. subobscurè colligi potest, id voluisse Georgium credibile est, hominem sibi ipsi esse diabolum & inimicum, a quo proinde maxime omnium cavendum sit. Nec amplius se statuere diabolum sine ipso per se solum quicquam in ipsum posse.

Glanville.

Josephus Glanvilius, Regius quondam Concionator aulicus, & Societatis Anglicanæ membrum, in erudito Tract. quo existentiam sagarum, spectrorum, eorumque apparentias demonstrat, existimat, Platonis hypothesein probari posse, spiritus scil. non ab omni corporea mole esse liberos, idque tum ex nostræ sensationis constitutione, tum ex totius naturæ analogia. Cum enim omnem sensationem per motus materiales fieri animadvertamus, putat, comprehendi non posse, quomodo ipsi spiritus omni materia deficiente sentire possint? Analogiam autem naturæ requirere, ne saltus fiat, qui certe fieret, si inter purum spiritum atque nos, qui tam altè crassæ materiæ immergi sumus, nihil mediū de subtiliori materia interponeretur. Deinde putat inter spiritus sūt dæmones malos dari differentiam, aliquos vero argutiores & subtiliores naturæ; atque hos spiritus posteriores tanta uti calliditate in conversatione cum hominibus, ut ab ingeniis acutis & minime stupidis ne pactum quidem expressum exigant, quod exemplo cujusdam eruditi *M. Eduardi* probat.

Godelmanno,

Paulo longius processit *Joh. Georg. Godelmannus*, in Acad. Rostoch. Professor, qui Magos, veneficos, sortilegos & lamias ratione criminum distinguit, *L. 1. c. 2.* Definitionem lamiz exhibet *l. 1. c. 1. §. 14.* Eas autem per aërem volare, cum dæmone concumbere, & tempestates excitare negat. *c. 4 §. 5. & 6.* adeoque si impossibilia fateantur, non esse puniendas *L. II. c. 2. §. 19.* contendit.

Johann.

Johann. Baptista van Helmont, Medicus Chymicus per ignem, *J. B. van Helmont.*
 (quemadmodum non sine reprehensione ejus meminit *Robertus Boyle* in
 dubiis Paradoxis Chymico - Physicis, p. 102.) in Operibus suis Latine editis
 Francof. 1682. p. 537. a Filio, *Francisco Mercurio Barone van Helmont* 1683.
 in fol. Germanice versis, Tractat. 54. c. X. recepta injecta, quæ Germanice
 eingeschoben durch Heyeren reddita sunt, explicat. Vocat autem
 recepta injecta, portenta spiritualia cooperante Satana perpetrata. Tria
 nimirum hominum genera constituit, quos diabolus Patronos in cathedris,
 curiis & aulis nactus sit. *Primos* vocat, qui diabolum, adeoque præstigias
 & incantamenta ejus negant. *His succedunt*, qui diabolos credunt, eos vero humano generi non inimicos dicunt, & sagarum præstigias
 pro scabellis fallacibus & nugis hypochondriacis habent. *Ultimi sunt*, qui
 Scripturæ autore ducti opera diabolica admittunt, sed hæc omnia artes mæras
 esse statuunt, quæ non alio titulo damnantur, quam quod a Satana ad malum
 sint instituta; §. 5. octo proportionibus explicat, quantum diabolo competat
 in actionibus sagarum. Nimirum docet §. 6. 7. 8. Cacodæmonem non habere
 potentiam attingendi formam aliquam, restare autem ipsi potestatem movendi
 corpora, in Germanico: die Krafft einen Körper zu bewegen. Neque tamen per
 contactum movere corpora, etiam quæ assumit, quandoquidem extremitatibus
 careat, sed solo nutu & aspectu intuitivo, qualis est nostrum velle in
 sua organa. Diabolum autem per se esse inefficacem ad perficienda opera,
 nisi anima mancipii adjuvetur, & sibi adsciscat mentem humanam, cui hæc
 inferiora subsunt. Ut vero incantatio procedere possit, docet, *diabolum potestate libera*,
& a sagis mutuata exigere consuetum, ut formatas a cliente suo ideas connectat,
& sic diradiet in formas, uti loquitur, *substratas*. Ex hac ratione cum
 diabolus ipsam applicationem complere ex se nequeat, suscitare ideam
 fortis desiderii & odii in saga, ut mutuatis istis mentalibus & liberis mediis
 transferat suum velle, per quod afficere intendit.

Et *Franc. Mercurius van Helmont*, filius, in cogitationibus super
 capita 4. Genes. priora p. 90. serpentem Satanam, ejus in Genes. mentio
 fit, vocat caput vermium, cujus regnum est regnum tenebrarum, & quæ
 sunt reliqua, ibidem evolvenda. *Mercur. Franc. van Helmont. Filio.*

Joannes ab Heemskerck Ictus & in supremo Hollandiæ confesso
 Se-nator, in libello, quo sub historiæ Arcadiæ umbra jura & antiquitates
 Hollandiæ explicantur, varias aberrationes, circa Sagarum negotium, in
 antiquis judicibus exagitat, & plurima ad phantasmata & imaginationem
 p. 61. refert, *Heemskerckio. Edgar-*

Herberto.

Edoardus Baro Herbert de Cherbury, & Dominus Castri Insulæ Kerky in Hibernia, a sacris belli consiliis Jacobo & Carolo, Regibus Angliæ, in Libro de veritate p. 289. communem sententiam profert, quod ministerio spirituum quorundam revelationes ut plurimum fiant, quos tanquam existentias quasdam natura sua invisibiles, inpalpabiles, a corporea mole liberas, dote agilitatis præditas, seu Angelorum, seu Dæmonum, seu intelligentiarum, seu Geniorum, &c. nominibus insigniantur, omne agnovit seculum.

Hobbeso.

Nemo fere liberius de artibus magicis & sagis ratiocinatus est Thoma Hobbeso. Hic enim in Leviathan e. 45. p. 305. de Dæmonibus sic philosophatur: In hoc consentiunt omnes, esse dæmones, non minus ineptæ, quam si quis videt in somniis homines defunctos, animas eorum hominum esse diceret, quos ante viderat. Vel, cum, si formas suas in speculo visas animas suas, vel stellas in aqua visas stellarum animas appellaret. Et cum Scripturam Sacram asserere animadvertisset, quod dentur Magicæ operationes, veluti respondendo subjicit: Levit. cap. XXXVII. p. 706. Si incantatio non sit (ut multi esse putant) effectio mirabilium per verba & sonos, sed impostum ex modis naturalibus facta illusio, adeoque procul ab operatione spirituali, ut impostores ipsi scientia nulla causarum naturalium, ut ea faciant, nec alia re indigeant, quam ignorantia, stupore & superstitione generis humani, loca illa, qua opinioni de Magia & incantationibus favere videri possunt, alium habere sensum debent, quam primo intuitu habere videantur. Satis enim manifestum est, verba effectum, nisi in eos, qui intelligunt, habere nullum. Neque effectum in ipsos intelligentes nullum, præter declarationem, quid cogitant, illis, qui loquuntur. Itaque quando virga videtur serpens, aut aqua sanguis, aut aliud miraculum factum videtur per incantationem, nisi fiat ad populi Dei aificationem, neque virga, neque aqua, neque aliud incantatur, præter spectatorem, utrumque miraculum incantationis in eo consistit, ut impostor hominem deceperit, quod miraculum non est. Et subjicit deinde, quomodo illud fieri possit.

*Jacobus
Rege Angliæ.*

Rex Angliæ, Jacobus, in dæmonologia a Jacobo Montacutio, Wintoniensi Episcopo, cum Opp. Regiis edita, formidabilem sagarum multitudinem effecisse scribit, ut iste tractatus deproperaretur, graviterque in Scotum, Anglum, & Wierum invehitur. Invektiva in Wierum nimis acerba est, cum Wiero pietatem ne adversarii quidem negent. Scotum vero præter ea, quæ apud Voëtium habentur, Reinoldus in censura Libi Apocryph. & Perkinsius in Bascanologia oppugnarunt.

Kroman-

Collocutor primi diei, instituti conventus meliorum ingeniorum Lutetiae, sortilegium definit, quod sit species Magiae, per quam alteri nocetur auxilio dæmonis.

In Germania dari sagas paucissimi negant, imo nec ipse cautionis criminalis Autor dub. I. Idem sentiunt Goldastus, Reinkingius, Carpzovius, Berlichius, Manzius, plurimique alii. Veterum Germanorum autem superstitionem, & quos Deos coluerint, tradit Tacitus in Germania c. 8. 9. 10. *Hist. IV. 61. 62.* ubi de Velleda, Vate virgine magni astimata mentio fit. Plura addit Lipsius in Comment. & Fœrsterus, quorum prior Luitpordi legem sequentem adducit: Qui ad arborem, quam rustici sanctivam vocant, adoraverit, vel incantationem fecerit, componat medietatem pretii sui in sacro palatio. Clarius nos docet Sebastianus Franckenberger in Chronico Germanorum p. 308. quod novem annos ante adventum Christi Rex Francorum Clagio XIX. magicas artes exercuerit, ejusque mater Lothildis, Thuringiae Regis filia, per magiam tempestates excitare, hostibus, licet per multa millia abessent, cladem inferre, similiaque potuerit. De Prussis antiquis autor est Hartknoch. in dissert. selectioribus de variis rebus Prussicis, Diss. 6. ipsos multiplices Deos coluisse, & Diss. 9. Weiones memorat, & sortilegos, qui priores arte Magica venitos, ubi voluissent, inflectere potuerunt, posteriores vero ex aquis de absentibus vaticinare, injectis signis & imaginibus. Germanos vero lares habuisse, adeoque dæmonum operationes non penitus ignorasse satis notum est. Ut proinde falsò dicatur, Magicarum artium traditionem apud Germanos ex Pontificiorum superstitione, & propagato ab ipsis in Germania cultu demum innotuisse. Add. Magni Danielis Omesii Dissert. ad c. IX. Tacit. de Germanorum Veterum Theologia & Religione Pagana. Schedius de Diis veterum Germanorum. Quæ dum prætermitto, moneo in transcurso, his demum artibus, ad fallendum instructis, superiorum memoria seculorum factum esse, ut veritas spectrorum magnopere in dubitationem vocaretur, ab iis imprimis, qui vulgo prudentiores videri volebant. Erant enim doli parum solertes, & crebri nimis; cum monachi ut superstitioni pondus adderent, & divinam quandam auctoritatem conciliarent, vel aliis lucris commodisque intenti, nescio quam speciem publice privatimque mentirentur. Eo attinet, quod Jul. Cæs. Capaccius promit in Paradis. Ital. Clementis Veigeli. Jung. G. J. Vossius de origine & progressu Idololatr. L. X. c. 6.

Opinionum monstra ex absurde inter se conjunctis ideis oriri *Locke*,
I
monstrat

monstrat Jo. Lockius in docto opere de intellectu hum. L. II. c. 32. §. 19. *Haud lemurum & spectrorum idea, ait, cum tenebris majorem habent, quam cum luce, cognitionem; attamen si ancilla inepta, aut alius quis eas sapius inculcando in mente puerili adumaverit, haud fortasse inde evellere aut dissociare unquam potis erit, verum imposterum semper tenebra, quæ pueris terribula sunt, seni terrorem injicient.*

Luthero.

De Luthero satis constat, quantam potentiam diabolo concesserit in excitandis tempestatibus, in inficiendo pestilenti aëre, in inspirando hominibus cogitationes, & temperamentum melancholicum ac tristicum; cum diabolus ex Lutheri mente musicam plane ferre non possit, sed ipsam omni modo fugiat. Et licet in colloquiis mensalibus C. 8. & 9. multa, pro simplici ac credula istorum temporum persuasione, de diabolo & spectrorum operationibus legantur, Lutherus tamen p. m. 105. b. Colloquiorum, cum sermo de infantibus supposititiis (von Wechselfälgen) & spectris incidisset, somniis & phantasiz accenset, quod obstetrix aliqua confirmare voluerit, se per aquam ad foeminam in flumine Molda, tanquam in fornice hospitantem, deductam fuisse. *Tom. V. Germ. Jenens. fol. 168.* quid sentiat, clare dicit: S. Gregorius zeigt an viel Exempel von Geistern die erschienen/ welchen er/ als ein einfältiger guter Mann/ geglaubet / als wären es Seelen/da es nun offenbahr ist / daß es Teuffel sind. Et in Possillis, ubi de spectro quodam sermo est, negat, quod anima hominis nunquam apparere potuerit, neque etiam quærendum aut discendum quicquam esse ex spectro, licet illud anima aut spiritus bonus sit.

Malebranchio.

De Franc. Malebranchio, Philosopho Cartesiano, & docto Congregationis Oratoria, uti appellatur, Patre nostro adhuc tempore inter Pontificios, monitum jam ante a nobis est. Legi omnino apud ipsum merentur ea, quæ de modo habet, quo quis imaginando se sagam esse, aut proficisci ad Sabbathum aut aliam formam induere putat, L. II. c. 6.

Melanchthon.

Philippus Melanchthon suo tempore communis Germaniæ Præceptor in humanioribus & Philosophia dictus, in initiis doctrinæ Physicæ L. II. p. 290. spectra inter prodigia refert, & p. 292. nec *ψήγχα*, sed malorum angelorum terribulaimenta eadem esse ait, atque ex doctrina Ecclesiæ constare, sæpe conspici Angelos bonos & malos, talesve occurrenceationes fieri non causis Physicis, sed libera voluntate. Vid. ejus liber d. anima. p. 95.

Michael

Michaël Montanus, quem Naudæus in Bibliographia Politica, quantum ad moralia attinet, cum Platone & Aristotele contendit, L. XIII. c. XI. des Essais, quæ Anno 1588. prodierunt, lamias commiseratione potius, quam pœnis, dignas esse iudicat, adijciens exemplum de verula, quæ, cum ipsi ad excurtiendam incredulitatem esset monstrata, ipseque diligenter in ipsam inquisivisset, tamen non facile sibi imponi posset, omnia expertus, iudicavit, istam potius helleborum, quam cicutam, meruisse, & annectit sententiam, esse hoc conjecturis suis nimis magnum pretium ponere, si propter has solas vivos adhuc coquere velint homines.

Henricus Morus Opp. Londini in fol. 1671. editorum Tom. 2. p. 327. animas separatas impertiri somnia, & apparere in visa degentibus sustinet, & Cardano ac Vanino spectra negantibus indignatur. Putat vero pag. 382. spissitudinem aëris efficere, ut spectra sint frequentiora, nec a ratione abluere Lapponum & Scandiae incolarum morem, mortuorum corpora sub focis sepelientium, ut spectrorum apparentiæ cessent. In Islandia enim ob crassum aërem interdum formas demortuorum sic obvias esse, ut ob similitudinem persæpe apprehendi ex a vivis soleant. Cæterum Bodini sententiam tam certam esse putat, ut Wieri argumenta leves Rhetoricationes appellet in Antidoto Atheismi p. 117. c. XI. §. 3.

Viros falso de Magia suspectos vindicare voluit *Gabriel Naudæus*, Mazarini *Naudæus*. Cardin. Bibliothecarius, in Apologia multorum illustrium Gallice edita. Apparet inprimis ipsum eniti, ut fidem Bodini & Remigii elever, & Sylvestrum II. Agrippam aliosque certo pro Magis creditos excuset. Commemorandus etiam *Orchardus*, Orchardus. concionator Reformatus in Nova Anglia, vel ex solo Libro suo Anno 1670. edito cognitus. *Abraham Palingus* Anno 1639. Magistratui urbis Hamelenis inscribere *Palingus*. non dubitavit libellum, cujus Latino sermone titulus reddi potest: *Larva Magia detecta*, In quo Reginaldum Scotum fere ubique sequitur, & feminas, quas lamias vocamus, atra bile agitari & deceptas esse confirmat. Communioni eruditorum, sententia creditur, lamias renunciare Trinitati, vera pacta inire cum diabolo, & nocere passim hominibus.

Seculo XVI. paulo ante dimidium floruit *Paracelsus*, alias Aureolus Philip. *Paracelsus*, p. Theophrastus Paracelsus. Bombast ab Hohenheim dictus, quem titulum Opera ipsius Latine Geneva 1658. edita præferunt. De occulta Philosophia Libro I. Opp. p. 493. Magiam describit, quod sit *promissa & subtilis ars*, nullis ceremoniis aut conjurationibus contaminata & polluta, velut est *Nigromantia*. De illa enim nec ceremoniæ, nec conjurationes, nec consecrationes, nec benedictiones, nec maledictiones adhibentur, sed sola fide, qua de *Christus* inquit, ipsam montes transferre & in mare exturbare, ac spiritibus ascendentibus omnibus imperare, illosque cogere & domare: subjungit mox, Magiam, si in superstitionem degeneret, homini damnum dare & beneficium fieri, quod *saga* faciant, qua in artem hanc irreperimus, ac in illa cœsus in solatibus se proluerint, neque putat iniquum esse, ejusmodi sagas exurere, cum sint nocentissimæ. Nam licet damnum corpori suo non infligant, per fidem tamen falsam spiritus & ascendentes immittere, qui vel centum milliaribus absentes pro suo arbitrio verberare, punire & occidere possunt, ut nemo ab ipsis tutus sit. Lib. I. c. 4. p. 540. Spiritus qui humanorum secretorum capaces sunt, vocat *sagas*, hosque *Spiritus artis Nigromanticæ* ope cogi posse dicit, ut se visibiles faciant, per speculum, crystallum, carbonem, &c. nec se tantum, sed & illud, quod absconditum habet in, cujus flagum est, atque hoc pacto inveniri thesauros absconditos, legi literas obscuras, nudum apparere, quod obsecrum,

offendi locum, ubi quid reconditum est. Cui de Magorum & Sagarum operibus addi potest locus antecedens Vol. III. p. 452. & in Philosophia occulta seu sagaci Lib. VII. In Herbario Opp. Vol. II. p. 173. *Spectra esse dicis visibiles, quæ procedunt ex astrali corporum mortuorum.* Hominem enim habere duplex corpus, unum ex elementis, alterum ex firmamento, Elementare mori & in terra putrescere, ubi sepultum est, alterum obvolitare in aëre supra terram. Hujusmodi corpora ætheres hominis defuncti si appareant, spectra esse.

*Pompona-
tio.*

Floruit initio seculi XVI. Philosophiæ laude in Italia clarus *Petrus Pomponatius*, Mantuanus, imprimis cognitus libro, quem de naturalium effectuum causis s. de incantatione Basil. per Henricum Petri mense Augusto 1556. in 8vo impressum edidit, de quo Picus Mirandulanus L. VI. judicat: Pomponatius in opere de incantationibus nec Philosophum sobrium nec Christianum exhibuit, cum effectus mirificos cælorum influxionibus ascriberet. Quare illud opus a Tridentino indice proscriptum est. Et dilatam tamdiu fuisse proscriptionem miratur Delrio l. Magicar Disquis. c. 111 q. v. Pomponatius imprimis adversus eos disputat. c. 1. qui effectus incantationum a dæmonibus fieri credebant, & p. 46. concludit, multos habitos fuisse Magos & Necromantas, uti Petrum Aponensem, Ciclum Ejulanum, qui tamen nullum commercium habuerint cum spiritibus immundis, imo qui fortassis cum Aristotele dæmonem non esse crediderint. *Conclus. 2. cap. 13. p. 322.* probat propter effectus, quos communiter homines ascribunt dæmonibus, imo & bonis Angelis, non interveniente Deo, secundum modum specialem, sed solum generalem, dimisso etiam Aristotele, probari non posse, tales substantias immateriales esse. Et p. 330. putat, sententiam Apuleji Platonici, de quo Augustinus de Civ. D. XV. 8. loquitur, quod senserit dæmones esse genere animalia, animo passiva, mente rationabilia, corpore aërea, tempore æterna, longe melius defendi posse, quam si ponantur simpliciter immateriales. *Conclus. 7. p. 345.* propter determinationem Ecclesiæ concedit tamen, quamvis non sit impossibile, aliquem hominem sic operari, ut angeli & dæmones in aliquo casu operantur, vero similis tamen esse, talia operari angelos & dæmones, 1) quoniam sic determinavit Ecclesia. 2) quod sunt sapientiores & magis callidi. 3) Quoniam sint virtuosiores.

Pfll.

Post Alcoranum editum, de quo vid. Horringer. *Hist. Oriental.* II. 4. p. 113. 261. sqq. vixit seculo XII. Mich. Psellus, qui de dæmonibus eorumque operationibus variis, & arte Magica eruditus a Marco quodam Monacho, Chaldæorum doctrinis dedito, dialogum conscripsit de operationibus dæmonum, in quo posita Hypothesi, dæmones corporibus uti, multa de ipsorum natura, de Magis, sagis & morbis ab iisdem immissis differantur, quæ cum Marco haud dubie Psellus amplectitur. Dialogum hunc primum Græce vulgavit notisque illustravit *Gilbertus Gaultminus*, Molinensis, eundemque a Daniele Hasenmüllero, Professore Kiloniensi, 1688. iterum editum esse constat.

Reginaldo.

In Anglia Reginaldus Scotus nobilis gente, circa initia præterlapso seculi, Anglico sermone edidit, *Discoverie of Witchcraft*, detectionem artis Magicæ, ubi sex libris omnem Magiam oppugnat, eamque dari prorsus inficiatur. Liber An. 1609. in Belgicum sermonem translatus, iterum An. 1630. Beverovici non sine elogiis docti Petri Scriverii & Gerhardi Tuningi, Joris in Academia Lugdun. Prof. prodit, ut pervasisse Batavis sententiam videatur.

Sorbona.

Nec Sorbonæ diversum placuit, uti ex ejus determinatione Paris. 1398. facta conspi-

conspecti potest, quamque Bodinus Dæmonologiæ suæ præmisit. Non aliter Episcopi Romani in sequenti ætate senserunt. Innocentius VIII. Heñricum Infitorem & Jacobum Sprengerum Bulla inquirendi in Lamiis A. 1484. instruxit. Circa ieiunium seculi XVI. similia reperuntur ab Hadriano VI. d. Tit. in decreto 7. & in Concilio Lateran. a Leone X. ad ordinarios domini Veneti.

Hic referenda est sententia Benedicti Spinosa, quæ in Ep. 30. ad Balingum p. 174. *Spinosa* opp. posth. extat, quo minus homines norint naturam, eo facilius multa posse fingere, veluti arbores loqui, homines in momento mutari in lapides, in fontes, apparere in speculis spectra, nihil fieri aliquid, etiam Deos in bestias & homines mutari Negat autem Spinosa Ep. 18. quæ in Opp. posthumis in 4to 1677. p. 369. extat, spectrorum existentiam, & ad questionem respondet: *Fateor, me non parum, non hisloria, qua narrantur, sed eos, qui eas scribunt, ostendisse. Miro viros ingenio & iudicio pradios, facundiam suam insumere, & ea, ut nobis ejusmodi negas persuadeant, abuti. Hos ergo, & quod resas pratermittens, concludo, quod hæc hisq. similes rationes neminem convincant. Spectra vel lemures omnium generis dari, qui aures intellectus occudentes, se a superstitione seduci patiuntur, quæ adeo recta rationi infesta est, ut potius, quo Philosophorum asseritionem minuat, vetulus fides habeat.*

Theodoro Thummio in Academia Tubing. Theologo & Professore ab Editore *Thummio*. secundæ & tertiz Editionis Thesauri Practici Besoldi in voce Hæren imputatum est, quod esset Wierianus, quod est species hæreticæ & Atheismi, a quo crimine ipsum *Mauritius* vindicatur, adductis nonnullis ex libro Thummii, qui Sagarum impietas inscribitur. Id enim tantum Thummus egerat, ut commoneret, ne nimis præcipitanter cum sagis ageretur.

Don Francisco Torreblanca Villapendo, Cordubensis JCur & in Granatensi Torreblanca. Cancellaria Advocatus Regius, Libr. IV. de Magia, Magis, Sagis, eorumque poenis ca. jussu Regis Hisp. uni Rex Angliæ Jacobus proprio studio fecerat, edidit, & opus Paulo V. ac Philippo III. Regi Hisp. dedicavit, non dissentiens in summa rei a Jacobo Rege & Delrio.

Magis origines Mothæus Vayerius, in Parisiensi Senatu Consiliarius Opp. Gall. *Vayerio*. in fol. editorum T. I. p. 144. & T. II. p. 551. ex hominum curiositate deducit. Quoniam enim dulce est, facili obtinere opera, quicquid desideres, quod Magia potestur, liquere putat, nullum in homine inveniri affectum, cui ipsa non blandiatur. Vanitatem artis tamen arguere fastidium, quod istos cepit, qui diligentissime ipsam quaesivere. Neronem enim Principem apud Plinium magno sumtu ad se accersivisse famosissimos Necromantarum, & inter hos Regem Armeniæ, Tyridatem, omni tamen impensa opera nihil quicquam impetrasse, quod ipsi satis faceret, adeo, ut imprimis eos irrideres, qui Magiam profiterentur; allegas deinde impossuras Magorum, & causas naturales, quibus effectus Magici producuntur. Aliquot Pontifices, ait, de Magia fuisse suspectos, qui artes naturales Mathematicas, ut Geometriam excoluerunt. Mexicanos vero sacerdotes jactare societatem cum Diis, qui interm. unguento quodam Tartareo se inungunt, ut etiam bestię ipsos fugiant solique sint. Idem sentiendum putat de lamiis, & visionem Basilæ Thuringæ, Magni Clodovei matris, fabellis accenset Vates se succo oblinere, ut spumare & furere incipiant ut & Plinius & Cicero mirentur, cur Diī potius hominibus insanientibus, quam homini sapienti futuris inspirare velint. Cæterum citra nominis Christiani jacturam veram dari Magiam negari non posse statuit, quoniā de evocato per Magiam Saule, de Magis Egyptiis & Simone testatur Scripturarum veritas. *Hæc*

Verulamio.

Hæc est sententia *Baconis de Verulamio*, Vice-Comitis de Albano & summi quondam Angliæ Cancellarii, quique iudice Pufend. in Specimine Controuersiz c. I. §. 5. primum classicum nostræ ætate sustulit, ut in rebus Philosophicis aliquid ulterius investigaretur, quam quo hæcenus scholæ resonuerant. De sagis enim in historia naturali Centur. X. Opp. p. 948. §. 903. inquit: *Sagas turbat imaginationis vertigo, ut putent illud facere, quod non faciunt, populumque eludit credulitas, ut naturæ opera impudent fascino. Observatione dignum, quod prisca & nostris temporibus propiore ætate (de sagis olim Theßalis, deprædicatisque non ita pridem veneficarum congressibus, quorum plurimæ meminerunt confessiones,) quæ extant prodita scriptis miracula, ut sublatio in ærem, transformatio sui ipsius in aliud corpus &c. non incantationibus aut Magici ceremoniis gesta narrentur, sed corpora unguentis delibuto. Quæ merito suspicionem mouere possunt, Iudibria hæc esse imaginationis, cum certum sit, unguenta ubicunque applicata obdurare poros, vaporesque cohibitos transmittere ad caput, & quod ad particularia, ex quibus unguenta illa componuntur, opitata & sudorifica esse. Inundationem enim frontis, colli, spinæ dorsæ, notimus adhiberi conciliandis somnis letthalibus. Hinc Regibus sagas nocere non posse putat Verulamius, quoniam imaginationis impotentia imaginantem hæc destituit, ut nullam impressionem facere possit.*

VViero.

In Germania ante annos aliquot *Johann. VVierus*, Guilielmi, Clivæ Ducis Medicus, eruditionis laude & pietate, ipso adversario ejus *Erasmo* fatente, clarus, Tractatum ediderat de præstigiis dæmonum, ubi inter alia dæmonem sæpe intervenire sine sagarum culpa tradit. Qui cum in manus Bodini pervenisset, occupati in eodem argumento, acri & peracerbo scribendi genere ipsum refutare aggressus est, & rejecto pacto imaginario, verum & reale inter diabolum & lamias intercedere probare annitebatur.

Parum de cætero morabimur, quid de spectris & dæmonibus tradat *Plutarchus de Nat. & defect. dæmon. Plinius Ep. 27. lib. 7. Franc. Sylvest. Præfatus de Strimagar. dæmonumque mirandis. Ric. Argentinus de Præstigiis & incantat. Jean Boulais l'Histoire du Diable de Laon, en l'An 1566. Les Vains de fascinat. Hieron. Mengus de Flagello dæmonum. Sebast. Michæl Pneumatologie ou Discours des esprits & des sorticiers, Jo. Jac. Boissardus de divinatione & magic. præstigiis. &c. Andr. Cesalpini Dæmon. investigat. Peripat. P. Thyraus de divin. Nov. Test. apparitionibus, Philipp. Ludovic. Elsch. Dæmonomag. Jo. Filescus de Idololatria Mag. Liberatus de Spectr. & alii passim, quorum sententias, cum recensere nimis prolixum sit, eos nominasse sufficiat.*

Claudat itaque agmen Vir omnium ore celebratissimus *Dn. D. Christian. Thomæus*, qui, ut VVissenbachium cum Senatu Parisi. timorem spectrorum verum propugnante conciliaret, ad Iubecuræ Possit. tit. de Loc. cond. ita submonet: Est metus hic non semper vanus, quia dantur spectra, idque non credimus saltem. sed & ex variis exemplis scimus. Sed est tamen sæpe, vanus, tum propter excessum imaginationis, tum propter varios dolos hominum, malignorum & otiosorum. Ut proinde Virum celeberrimum vel non recte tunc rem perpendisse, vel sententiam affirmantem mutasse, vel nobiscum consentire, concludendum sit.

Quoniam igitur argumentum hoc ea animi moderatione, quæ hominem veritatis amantem decet, pertractare annis sumus, neminem nobis jure succensere posse plane confidimus, etiam si diverſim. aut plane contrariam, a nostra demonstratione foveat sententiam. Veritas perpetuo constabit, quantumvis non idem inquirentium de ea sensus sit. Quæ vero sententia alteri præserti mereatur, ex rationum placida collatione intelligitur, non ineptis concertantium convitiis, quibus illis depugnare mos est, qui, cum nihil solidi, quod reponere possint, habeant, acquiescere tamen, nisi cornu prius ferierint, nolunt. Nobis proinde veritatem semper consecrari, adversariis placide & cum modestia satisfacere mens est. Bonam ergo humanitatis indolem ab iis vicissim nobis pollicemur. Sin autem quid secus ex argumentorum inopia, aut jaçtata elatione animi, parum certe philosophica, evenierit, illud contemtu & moderati silentii poena vindicabitur.

T A N T U M

Errata, quæ ex typographorum depræparatæ, irrepererunt, eruditus Lector benevole excusabit.

